



# অপূর্ব সহবাস ।

ঐতিহাসিক উপন্যাস ।

প্রথম খণ্ড ।

— ৬১৩ —

"গন্ধঃ কবিশশঃপ্রার্থী গমিয়ান্নাপহাস্যত।হু ।  
প্রাংশুলতো ফলে লোভাহুত্বাৎবিব বামনঃ "



কলিকাতা

বাল্মোদি যন্ত্রে

শ্রীশ্রীশ্রীকঙ্কর চক্রবর্তী কর্তৃক

মুদ্রিত

সংবৎ ১৯১৬



# উপহার

শ্রদ্ধাস্পদ

শ্রীযুক্ত হেমচন্দ্র ভট্টাচার্য্য

প্রতিপালকবরেন্দ্র।

প্রীতির কুসুম,—যতনে আংরণ করিয়াছি,  
যতনে করপুটে ধারণ করিয়াছি, আদরে তোমার  
করেই দিবার বাসনা, কিন্তু ইহা তোমার উপযুক্ত  
নয় এই ভয়ে প্রকাশে দিতে সাহস হইল না,  
তোমার উদ্দেশে গোপনে অর্পণ করিলাম। আমার  
প্রীতির বলিযা যে ইহা সৌরভে তোমার মন  
আকর্ষণ করিবে, বা সৌন্দর্য্যে তোমার নয়নের  
প্রীতিকর হইবে, এরূপ আশা করি না। তবে  
স্নেহের চক্ষু নীরস বস্তুকেও সরস ভাবে দেখিয়া  
লয়। এই আশ্বাসেই আমার এই নূতন উপহার  
উদ্দেশে তোমার করে অর্পিত হইল।



## বিজ্ঞাপন ।

যে লেখনী কালিদাস ভবভূতি ধারণ কবিরাছিলেন যে লেখনী  
বিদ্যাসাগর মহাশয় প্রভৃতিও ধারণ কবিতেন, ইহাও সেই লেখনী  
আগিও ধরিতেছি, অন্যেও ধরিতেছে কেহ নিষেধ করিবার নাই,  
স্বাধীন মনের স্বাধীন ইচ্ছা, যাহ ইচ্ছা তাহাই লিখিতেছি, ছাপা-  
ইতেছি, লোকসমাজে বাহিরও করিতেছি, অণমাত্রও লজ্জাব উদ্রেক হয়  
না, সহজে হইবেও না আশাব আশ্বাসেই আকাশে অট্টালিকা  
নির্মাণ হইতেছে, আশাব আশ্বাসেই সমস্ত অর্থ ভয়সাৎ হইতেছে

কাকতালীয় যোগে একখানি লোকের চক্ষে কথঞ্চিৎ আদরের  
হইয়াছিল বলিয়া অন্যখানিতে আশা সঞ্চারণ হইল, মুহূর্ত্তমাত্র বিলম্ব  
সহিলে না, তখনি ছরাশার দুই প্রলোভনে অগ্রসর হইলাম,—সমস্ত  
উপকরণ আস্থিত হইল, কম্পনাও স্থিৰ হইল, কবি হইয়া কাব্য চিন্তায়  
গগ্ন হইলাম,—কাব্যে, কখনো বীর, কখনো ধীর, কখনো সংসারী  
কখনো অসদাচাবী,—কত বেশ ই ধরিলাম, স্ত্রী হইয়া নাগকের মনে  
হবণ করিলাম, পুরুষ হইয়া নাগিকার মোহে মুগ্ধ হইলাম, কখনো  
বিলাসীর বেশ, কখনো কাপুকমের একশেষ, কখনো যুদ্ধে গমন,  
কখনো অবগো ভ্রম,—অবস্থা ভোগের সীমা রহিল না; ক্রমে কাব্য  
শেষ হইল, হৃদয়ে ভয়েরও সঞ্চারণ হইল; আশঙ্কায় সমুদায় একবালে  
ছাপাইতে সাহসী হইলাম না, অংশমাত্রেই ব্যয়ের পর্য্যবসান, অংশম-  
মাত্রেই লেখনীর বিজ্ঞাপন খণ্ড শেষ হইল, পাঠকও নিষ্কৃতি লাভ  
করিলেন। সাক্ষাতের পথ বাখিয়া থাকি, পরে সমস্ত হইবে, নতুবা  
এই অবশরেই অবসর



# অপূর্ব সহবাস ।



## প্রথম পরিচ্ছেদ ।



### প্রথম স্তবক ।

কা ৬২ শুভে ! কস্য পরিগ্রহো বা ?——

বিভর্ষি চাকারমনির্ক্ব তানাম্ মৃগালিনী টেম্মিবোপাবাগম্ ।

স্বখুবৎশম্ ।

° এই-মুগভীর ভাগসী রজনীতে কে ঐ কামিনী পুরীর  
কুহির্ভাগে দণ্ডায়মান হইয়া শূন্যামনে চারিদিক নিরীক্ষণ করি  
তেছেন ? কেশপাশ আলুলারিত, হস্তপদ অবশ, অঞ্চল ধুলায়  
লুণ্ঠিত হইতেছে ? দক্ষিণ করে কাঁলদণ্ড ত্রিশূল, বাম করে  
লৌহকর্কশ বিশাল চর্ম্ম । মনে ভয় নাই, যুবতী-জন চুলভ কোন  
আশঙ্কাও নাই ? কে এ কামিনী ?—রজনীর গাঢ় অন্ধকারে  
লজ্জা ভয় আবরণ করিয়া স্থিরভাবে দণ্ডায়মান রহিয়াছেন ? এ  
কি পাষাণে গঠিত স্ত্রীমূর্ত্তি ? না পক্ষতই কোন কামিনীর অঙ্গ রণ-  
বেশে সুবেশিত হইয়াছে ?— দেখিলে শরীর লোমাঞ্চ হয় যে  
হস্ত—যে করতল অবগুণ্ঠনে আপন বদন আচ্ছাদন করিবে,  
তাহা কি ত্রিশূলের উপযুক্ত ? যে নয়ন লজ্জায় মুকুলিত  
হইবে,—প্রেমময় হাস্যে উদ্ভাসিত হইবে, তাহা কি আশঙ্কণার

আধার হইতে পারে ? কমনীয় কোমল ভাব প্রেমিককেই বশীভূত করিতে পারে, কোমল অঙ্গ প্রেমিকেরই অঙ্গ নিপ্পন্দ কবিত্তে সমর্থ হয় । নীরভাবে বীরপুরুষের নিকট উহার ক্ষমতা কি ? বর্ষা কি বীরপুট, বীরেরই অঙ্গভূষণ, বীরেরই শোভাকর, কামিনীর কোমল অঙ্গ তাহার ভার বহনে বা কাঠিন্য সহনে কিরূপে সক্ষম হইবে ?

সত্য, কিন্তু রাজপুত্র মহিলাগণের স্বভাব অতি বিচিত্র । ইহাদিগের যে হৃদয় লজ্জা ও প্রেমভাবে পূর্ণ, সময় উপস্থিত হইলে তাহাই আবার সাহস ও নির্দয়তার আধার হইয়া উঠে । অঙ্গ রণবেশে সুসজ্জিত হইলে পাষণ অপেক্ষাও কঠিন হয় । যে দেহ পরপুরুষের স্পর্শ অবধি সহ্য করিতে পারে না, সেই দেহ—সেই পদতল সমরস্থলে বিপক্ষপক্ষের অগণ্য মস্তকও বিদলিত করিতে কুণ্ঠিত হয় ন । ইহারা যুদ্ধে অকুতোদ্ধর, অস্ত্রধারণেও হস্ত বজ্রবৎ সারবান হইয়া উঠে । মরিতে ভয় নাই, মারিতেও অকুণ্ঠিত । মানিনী মানে মগ্না, তেজস্বিনী তেজে চপলার ন্যায় চঞ্চলা, ভয়ে ভীতা, সাহসে ঠৈরবীর প্রিয়শিষ্যা । ইহারা বিচিত্র উপকরণে নির্মিত, বিচিত্র ভাবেই পূর্ণ । এ কামিনীও সেই রাজপুত্রবুলের কুলমহিলা, নাম সঙ্গা— চিত্তোন্নতির অধিপতি মহারাজ উদয়সিংহের প্রণয়িনী । উদয়সিংহ শত্রুহস্তে বদ্ধ হইয়াছেন ; শনিবামাত্র সঙ্গা পাগলিনীর ন্যায় রণবেশে সুসজ্জিত হইয়া পুরীর বহির্ভাগে আসিয়া দণ্ডায়মান আছেন, পবিচারিক অশ্ব আনিতে গমন করিয়াছে, এখনও আসিতেছে না । সঙ্গা বারংবার অশ্বশালায় দিকে দৃষ্টিপাত করিতেছেন, কিন্তু অশ্বকারে কিছুই লক্ষ্য হয় না । উৎসাহিত

হৃদয়ে বহুশিখা প্রজ্বলিত, দাহ্য পদার্থও দূবে অবস্থিত, অন্তর্ভবে হৃদয়কেই দাহন করিতেছে। অশ্বের অপেক্ষায় আর মনোবেগ নিবারণিত হয় না, কোঁধে, ক্ষোভে ও উৎসাহে হৃদয় প্রতিক্ষণে আহত হইতেছে। সঙ্গা অশ্বশালার দিকে কয়েক পদ অগ্রসর হইলেন, “এখনো দেখা নাই”— “ঐ আসিতেছে”—“না, অন্ধকার পূর্ণ লতাকুঞ্জ—প্রহরী-গৃহ;” অতিক্রম করিয়া চলিলেন।—পার্শ্ব পরিচারিকা অশ্ব লইয়া দণ্ডায়মান,—লক্ষ্যই নাই। পরিচারিকা সঙ্গাকে তদবস্থ দেখিয়া বলিল, “দেবি! কোঁথায় চলিয়াছেন?”

সঙ্গা চমকিতভাবে পরিচারিকার প্রতি দৃষ্টি নিষ্ফেপ করিয়া বলিলেন, “সখি! এতক্ষণ বিলম্বের কারণ কি?”

পারি। “সে কি আমি ত এই মাত্রই আপনাব নিকট হইতে গিয়াছি।”

সঙ্গা। “মন অত্যন্ত চঞ্চল হইয়াছে, বলিয়া অগ্রেই অধিক বোধ হইতেছে।” বলিয়া উহার হস্ত হইতে অশ্বের বল্গা গ্রহণ করিয়া বলিলেন,

“সখি . বোধ হয়, আজ হইতে জন্মের মত তোমার সঙ্গা তোমার নিকট বিদায় গ্রহণ করিল। সেই অপারমিত্ত বনধীর্ষা শালী ছুরাত্মা আকবরের হস্ত হইতে যে মহাবাজকে উদ্ধার করিব, এ আশা নিতান্ত অকিঞ্চিৎকর। মন কিছুতেই ঠৈর্যা মানিতেছে না, যখন মহারাজ বিপাকহস্তে কদ্ধ হইয়াছেন, তখন আমাদিগের জীবন মরণ উভয়ই সমান, কি স্থখে আব এই পাপ জীবন বহন করিব, এই জন্যই এই অনুচিত বেশে অনুচিত আশার অনুসরণে প্রবৃত্ত হইতেছি। কিন্তু ভীকতা যাহাদি

গের চিরপরিচিত ধর্ম, দুর্বলতা যাঁহাদিগের সৃষ্টির সহিতই সৃষ্টি হইয়াছে, লজ্জা যাঁহাদিগের অঙ্গভূষণ, রংবেশে তাঁহাদিগের শত্রুর সম্মুখে গমন করা বা শত্রু হস্তে বদ্ধ হওয়া উভয়ই সম্মান, জানিতেছি, কিন্তু কি করিব, মন যে কিছুতেই স্থির মানিতেছে না। সখি জীবনের শয্যায় কিছুমান কষ্ট বোধ করি না, এই জীবন, বা এইকণ শতসহস্র জীবন এখনি লয় প্রাপ্ত হউক, যাঁহার জীবন, যাঁহার দেহ, তিনিই যদি শত্রু হস্তে বদ্ধ হইলেন, তবে কি সুখে, কাঁহার জন্য আর ইহা ধারণ করিব? তিনি যেখানে, তাঁহার পরিচারিকা অঙাগিনীও সেইখানে থাকিবে চলিলাগ—তুমি গৃহে যাও, দেখিও, যেন দেবী মহাবাজের এই দাকণ বার্তা শ্রবণে কোনরূপ অনিষ্টাটমণে প্রবৃত্ত না হন।”

পরি। “দেবি . এখনো বলিতেছি, আপনাদের পূর্বে ধ্বংসিত হইয়াছে, একাকিনী অসংখ্য বিপদের মধ্যে গমন করিবেন মা। সন্ধি করিলেই যদি মহারাজ মুক্তি লাভ করিতে পারেন, তবে কেন আপনাকে অকারণ সংশয়ে নিপাতিত করেন?”

সজ্জা। “সরলে . সে আশা দুবাশামাত্র, মহারাজ এতদূর নীচ প্রকৃতি নহেন যে, বিপন্ন হইয়া ঐ প্রস্তাবে সশ্রুতি দান করিবেন, সহজ অবস্থাতেই যখন উহাতে স্বীকার করেন নাই, তখন বিপন্ন হইয়া এক্ষণে কিরূপে কাপুরুষের ন্যায় তাঁহাতে সশ্রুতি প্রদান করিবেন? বিশেষ, প্রবঞ্চক আকবরের ঐ কথা কখনই বিশ্বাস্য হইতে পারে না। দুবাচার বিজয়সিংহ যখন উহার ভিতর রহিয়াছে, তখন ঐ সন্ধির কথা কথামাত্র।—

“সেই পাপস্রার কোশলেই ত মহারাজ বদ্ধ হইয়াছেন

বিনা যুদ্ধে যে আকবর এক্ষণে তাঁহাকে মুক্তি প্রদান করিবে, ইহা কোন মতেই বিশ্বাস্য নহে বোধ হয়, পার্শ্বের এক সন্ধির কোশল কবির নগরে প্রবেশ করিবে, নগর লুণ্ঠন ও অস্ত্রপুৰচারিণী কামিনীগণেরও সতীত্ব নাশ করিবে। কুলাঙ্গার বিজয়সিংহও বোধ হয়, রাজ্যের আশায় উদ্ভ্রান্ত হইয়া ঐ পরামর্শে কোন আপত্তি উত্থাপন করে নাই, আপন রক্ত কুরুর দ্বারা পান করাইতে কিছুমাত্র কুণ্ঠিত হয় নাই কি আশ্চর্য্য, জগদ্বিখ্যাত সূর্য্যবংশের কি পরিণামে এই ঘটিল! বিজয় নিশ্চয়ই ঐ পরামর্শে সঙ্গতি দান করিয়াছে, না হইলে, যে রাজ্যের আশায় সে জ্যেষ্ঠ সহোদরের সহিত বিবাদে প্রবৃত্ত হইয়াছে, সেই রাজ্যের বিরুদ্ধে ঐ সন্ধি বিষয়ক পত্রের সাক্ষিস্থলে স্বাক্ষর করিবে কেন? সন্ধি হইলে ত মহারাজই পুনরায় চিত্তোৎসেহে সিংহাসনে অধিরূঢ় হইলেন, তাহা হইলে বিজয়ের কি হইল?"

পারি। “মন্ত্রীগণও ঐরূপ আন্দোলন করিতেছেন, আবও অনিলাঙ্গ, ভিতরে মতিবিবীরও নাকি কোন ষড়যন্ত্র আছে।”

সঙ্গ। “ঈশ্বর বলিতে পারেন।”

পারি। “মহারাজ তাহাকে প্রাণতুল্য ভাঙ্গা বাসেন। এক দণ্ড না দেখিলে থাকিতে পারেন না মতাবিবীও রাজার জন্য প্রাণ দিতে পারেন, এরূপ ভাং করিয়া বেড়ান; অর গোপনে রাজার বিরুদ্ধে ষড়যন্ত্র কি আশ্চর্য্য। কুণ্ঠ হইলেই কি মুখে অমৃত আর, অন্তর গরলে লিপ্ত হইতে হয়?”

সঙ্গ। “ক্ষত্রিয়কুমারী হইয়া যে পাণ্ডীয়মণি যবনগল্প স্পর্শ করিতে সঙ্কুচিত হইল ন তাহার অসাধ্য কি আছে? আমার বোধ হয়, মহারাজ উহা হইতেই বিষম বিপদে পড়িবেন।”

পরি । “বাকিই বা কি ? যখন সেই উন্নত যন্তকও যবন কারাবাসে স্থান পাইল, তখন ইহা অপেক্ষা আর অধিক বিপদের আশঙ্কা কি ?”

সঙ্গার দুই চক্ষু দিয়া জলধারা বহিতে লাগিল ।

পরি । “দেবি ! রোদন করিবেন না । মহারাজ কে নদোষে দোষী নহেন, অবশ্যই ঈশ্বর মহারাজের মঙ্গল করিবেন ।”

সঙ্গা । “সখি ! আর প্ররোধের অবসর নাই । রাজা যে শত্রুহস্তে বদ্ধ হইয়াছেন, এখনি তৈদবের উপর নির্ভর ।”

পরি । “রে দাক্ষিণ্য দুর্দেব . এত দিনের পর তোর মনস্কামনা পূর্ণ হইল ? ভারতলক্ষ্মি . আর কোন বাধা বিপত্তি রহিল না, এক্ষণে মনেব সাধে যবনের অঙ্কলক্ষ্মী হইয়া চিরস্থখে কাল যাপন কর ”

সঙ্গা । “অমঙ্গল কথা মুখে আনিব না । বিন্দুমাত্র রাজপুত্র রক্ত পৃথিবীতে বহমান থাকিতে ভারতের অধিষ্ঠাত্রী দেবী যবনের অঙ্কশায়িনী হইবেন ?”

পরি । “দেবি ! মনের ক্ষোভে কি বলিতে কি বলিয়াছি, ক্রোধ করিবেন না ভাল জিজ্ঞাসা করি,—মহারাজ এখনি পরাজিত হইয়াও শত্রুর হস্তে কিরূপে বদ্ধ হইলেন ?”

সঙ্গা কিয়ৎক্ষণ নিস্তব্ধ থাকিয়া বলিলেন, “ভূতভাবন ভগবান রামচন্দ্রও যখন রাক্ষসের মায়ায় মুগ্ধ হইয়া স্ত্রীয় প্রাণ য়িনী সীতাদেবীকে হারাইয়াছিলেন, তখন সামান্য মনুষ্যের কথা কি ? এক বিজয়ের মায়ায় মুগ্ধ হইয়াইত তিনি আপনাকে হারাইয়াছেন । ‘বিজয় যুদ্ধে বিষম আহত হইয়াছে,—মৃতপ্রাণ,

অন্তিমকালে আপনার সহিত সাক্ষাৎ করিতে চাহিতেছে ।  
উহার দূতমুখে মহারাজ এই কথা শুনিবামাত্র সহোদরস্নেহে  
একান্ত আর্জ হইয়া বিজয়কে দেখিতে বিজয়ের শিবিরে গমন  
করবেন, আকবরের নিকট বলিয়া পাঠান, আকবর কি পৃথীবাজ  
কেই তখন সেশ্বলে উপস্থিত ছিল না, কায়েই অনুমতির অপেক্ষা  
না করিয়া মহারাজ বিজয়ের শিবিরে যেমন গমন করেন, অগনি  
ছদ্মবেশী বিজয় তাঁহাকে ধারণ করিয়া বদ্ধ করিয়াছে ।”

পবি । “কি সর্বনাশ ! এক রক্তে, এক মায়ের গর্ভে জন্ম,  
এক স্তনদুগ্ধে প্রতিপালন,—পরিশেষে কি এই ঘটনা কনিষ্ঠ  
হইয়া জ্যেষ্ঠের প্রতি এইরূপ কপটাচার ! ধন্য ছুরাশা ! এক  
রাজ্যের আশায় উদ্ভাস্ত হইয়া বিজয় যার পর নাই জ্যেষ্ঠ সহো-  
দরকেও যবন কারাগারে বদ্ধ করিল বুঝিলাম, জগতে আশার  
অসাধ্য কিছুই নাই ।—কেনইবা মহারাজ একাকী সে পামরের  
নিকট গিয়াছিলেন ? না যাইলে ■ এই সর্বনাশ ঘটিত না ।”

সঙ্গা । “বিজয় পীড়িত, অধিক লোকের সমাগমে তাহার  
কষ্ট হইতে পারে, বিবেচনায় একাকীই শিবির মধ্যে প্রবেশ  
করেন সখি ! নিঃসন্দিক্ত মনে সন্দেহের সম্ভাবনা কি ?”

পবি । “বোধ হয়, আকবরের পরামর্শেই ঐরূপ হইয়া  
থাকিবে, নতুবা সহস্র শক্রতা থাকিলেও কি সহোদর হইয়া  
সহোদরের প্রতি এইরূপ গর্হিতাচরণ করিতে পারে ?”

সঙ্গা । “ঈশ্বর জানেন । যাহাই হউক, আমি এই অসংখ্য  
তারকামণ্ডলী ও ভগবতী তমস্বিনী যামিনীকে সাক্ষী করিয়া  
বলিতেছি—যখন অঙ্গ বর্ষ পরিধান করিয়াছি, হস্তে অস্ত্রধারণ  
করিয়াছি, স্ত্রী হইয়া পুরুষোচিত কার্য্যে প্রবৃত্ত হইয়াছি, তখন

প্রাণ থাকিতে কখনই একাকী প্রতিনিবৃত্ত হইব না। এই ত্রিশূল আজ বীরদর্পে উদ্ধৃত্ত হইয়া মনের সাথে যবনকধির পান করিবে, এই খড়্গ অগণ্য যবনমুণ্ডে ধরিলাকে উপহার প্রদান করিবে। ফাল্গু হইব না, যাও সখি গৃহে যাও, যদি মহাবাজকে উদ্ধার করিতে পাবি, তাহা হইলে পুনরায় এ মুখ দেখিতে পাইবে, নতুবা এই অবধি সঙ্গী ভেঁষা দিগের নিকট হইতে জন্মের মত বিদায় হইল।”

পরিচারিকা সজল নয়নে বলিল, “দেবি! আপনি এরূপ সাহস করিবেন ন, একাকিনী, বিশেষ স্রীজাতি, এ বেশে শত্রু শিবিরে গমন করিলে নিশ্চয়ই বন্ধ হইবেন।”

সঙ্গী “কি, হস্তে অস্ত্র থাকিতে বন্ধ হইব? ক্ষত্রিয়কুমারী ছুরাচার যবনের দাসী হইবে? এই ত্রিশূল কি শোণিত পান করিতে শিখে নাই? আক্বর কি অমর হইয়া পৃথিবীতে জন্ম গ্রহণ করিয়াছে? সখি, সে জন্য চিন্তা করিও না, সূক্ষ্ম রাজপুত্র রক্তে জন্মগ্রহণ করিয়াছে, রাজপুত্র-কুলমূহলা বলিয়াও অত্যাপি পরিচয় দিয়া থাকে।”

পরি। “সমুদয় সত্য, কিন্তু আপনি একাকিনী বলিয়াই আমার মনে নানারূপ আশঙ্কা হইতেছে। কি জানি, লোকে যদি কোন কথা বলিয়া বসে, তখন বিশেষ কষ্টের হইবে।”

সঙ্গী “ছি, তোমার মনও যে এতদূর নোচতার আধার, ইহা আমি স্বপ্নেও জানিতাম না। লোকের কথা গ্রাহ্যযোগ্য, সন্দেহ নাই; কিন্তু যাহার আকাশে অটালিকা নির্মাণ করে, তাহারা কি মনুষ্য নামের উপযুক্ত? তুমি নিভাস্ত সরল প্রকৃতি

প্রথম পবিচ্ছদ ।

বলিয়াই ইহাতে উত্তর প্রদান করিলাম, নতুব নিকত্তর থাকাই ইহার প্রকৃত উত্তর ।”

পরি । “দেবি! শুদ্ধ এক লোকের কথাতেই পতিপ্রাণী সীতাকেও কিনা কষ্ট সহ্য করতে হইয়াছিল ?”

সঙ্গ । “আব অধিক বাত্রি নাই, তুমি গৃহে যাও ।”

দুর্গে দামামা ধ্বনি হইল

সঙ্গ । “এ সময় দুর্গে দামামা ধ্বনি হইবার কারণ কি ?”—  
বলিয়া অশ্বে আরোহণ পূর্বক সবলে অশ্বপৃষ্ঠে কক্ষাঘাৎ করিলেন ।

দ্বিতীয় স্তবক ।

ত্রিশূলবধাবিণী

যোদ্ধু মভ্যাঘর্যো দৈত্যানস্বিকা ওহবপিণী ”

চণ্ডী ।

পথে অগণ্য লোক,—সকলেই সশস্ত্র, অথচ ছত্রভঙ্গ হইয়া ইত  
স্ততঃ পলায়ন করিতেছে সঙ্গ আকুলচিত্তে অশ্বের রশ্মি সংযত  
করিয়া উচ্চৈঃস্বরে বলিলেন । “কে, তোমর দলবদ্ধ হইয়া এত  
রাত্রিতে গমন করিতেছ ?”—

“উত্তর নাই ।”

—“কে যায ?”—

“এত রাত্রিতে

তোমরা কে ? কোথায় যাও ?”—

“মঙ্গল চাও ত শীঘ্র পরিচয় দাও ।”

গস্তীর স্বরে উত্তর হইল, “কে জিজ্ঞাসা করে ?”

সঙ্গা । “যে হই,—যদি প্রাণ চাওত, প্রকৃত পরিচয় দেও ।”

“বিনা পরিচয়ে পরিচয় জিজ্ঞাসার অধিকার নাই ”

সঙ্গা । “সঙ্গা,—চিত্তোরের অধিপতি মহারাজ উদয়সিং-  
হের প্রণয়িনী— সঙ্গা ’

“দেবি ! চিনিতে পারি নাই,—ভূত্যগণের অপরাধ মার্জনা  
ককন ।”

সঙ্গা “শীত্র পরিচয় দেও ।”

“আপনারই দাস, প্রধান দুর্গের সেনা —যুবরাজের শঠ  
তায় মহারাজ কদ্ধ হইয়াছেন, বিপক্ষগণ দুর্গ আক্রমণ করি-  
য়াছে, কিয়ৎক্ষণ যুদ্ধের পর সেনাপতিও পলায়ন করিয়াছেন ।”

সঙ্গা । “তোমরাও পলায়ন করিতেছ ?”

সেনাগণ নিকন্তর হইয়া রহিল ।

সঙ্গা । “যে যেখানে আছ, দণ্ডায়মান হও, একপদ অগ্র-  
সর হইলেই প্রাণ হারাইবে ” “দেহে রক্ত হস্তে অস্ত্র থাকি-  
তেও প্রাণভয়ে পলায়ন !”—

“দেবি ! আঘাদিগকে কি প্রাণ হারাইতে আদেশ করেন ?”

সঙ্গা । “তোমরা আমার সহিত যুদ্ধে যাইবে কি না বল ?”

সেনাগণ নিকন্তর হইয়া স্তম্ভবৎ দণ্ডায়মান রহিল ।

সঙ্গা । “পামরগণ ! প্রাণ থাকিতে যবনহস্তে আশ্রয়াজ্য  
প্রদান করিয়া যবন ভয়ে পলায়ন .—বিন্দুমাত্র রাজপুত্ররক্ত  
পৃথিবীতে থাকিতে ধর্মদেবী দুবাচার যবনগণ চিত্তোরের রাজ-  
লক্ষ্মীর উপর—তোদিগের মাতার উপর যথেষ্টাচরণ করিবে ?  
তোরা জীবিত থাকিয়া তাহাই দেখিবি ? রাজপুত্র রমণীগণ যব-

নের দাসী হইবে ?—যবনের যথেষ্টাচারের পাত্রী হইবে ? তোদের পত্নীগণ তোদেরই চক্ষের উপর যবনের অক্ষশায়িনী হইবে ? অ ব ঐ নিশ্চেষ্ট স্থগিত চক্ষু ঐ পাপদেহে বিরাজমান থাকিবে ? রাজপুত্রকুল সমূলে নিশ্চূল হউক,—পুত্রতেজ-পূরিত ক্ষত্রিয়া-গর্ভ বজ্রে নিশ্চিষ্ট হউক, আর যেন ক্ষত্রিয়কুলের কলঙ্কস্বরূপ এ পাপাআদিগেব নাম পর্য্যন্ত শুনিতে না হয় । যে পুত্রের পিতার মরণে,—মাতার প্রতি বিধর্মীর অত্যাচারে অক্ষিপ নাই, দাসত্ব আবরণে আত্মদেহ লুক্কায়িত করিয়া পতিপ্রাণা প্রণয়িনীকেও পরপুরুষের, যবনের ক্রোড়ে নিম্নেপ করিতে লজ্জা হইল না, মাতঃ বসুন্ধরে . এখনি সেই সকল ভীক নরাধমদিগকে আত্মসাৎ কর ; উহাদের পরমাণুও যেন আর তোমার উপবে বিচরণ করিতে না পায় ক্ষত্রিয়ের মরণে ভয়, যবনে ভয় । কর্ণ বধির হও, আর যেন এ পাপকথা শুনিতে না হয় । বায়ু প্রতিহত হও, এই পাপবার্তা যেন আর দুই হস্ত অগ্রেও গমন না করে ? এই ভূভাগ সর্বসমেত এখনি রসাতলে গমন করুক, রাজপুত্র কুলের হীনতার কথা যেন আব জগতের আন্দোলনের বিষয় হইতে না পায় ।”

“কই এখনো ত সেই অন্ধকারময় প্রলয়কালীন ঘোর তর ঘনঘটা গগনে উদ্ভিত হয় নাই ? ভীষণ পরিধিজালে বেষ্টিত দীপ্ত দিনকর মালাও দিগদাহে প্রবৃত্ত হয় নাই ? প্রলয় মাকতও ত ঘোররাবে জগতের স্থিতিক্রম বিপর্যাস্ত করিয়া ভুবনচক্র বিলোড়িত করে নাই ? তবে কেন রাজপুত্রগণ জীবন সঞ্চে রণে ভঙ্গ দিয়া শক্রভয়ে পলায়ন করিল ?—স্বাধীনতা দেহের সঞ্জীবনী শক্তি, সেই শক্তির অপলীপে কি ঐ সকল

দেহে জীবন রহিয়াছে ? কখনই না । যাহা কখনো হয় নাই, সৃষ্টির প্রারম্ভ হইতে আজ পর্য্যন্ত যাহা কখনো ঘটে নাই, আজ কি তাহাই ঘটবে ? রাজপুত্রদিগেব পৃষ্ঠদেশ শত্রুচক্ষু পড়িবে ? না,—কখনই না । স্বপ্নের কল্পনা,—প্রেতের প্রতিকৃতি, যাহা দেখিতেছি, উহা নিশ্চয়ই বৎ নিহত রাজপুত্র সেনার প্রেতমূর্ত্তি!—

একি প্রকৃতই মনুষ্য, হস্তে অস্ত্র, অঙ্গে রণবেশ, যোদ্ধা-বর্গ, চিত্তোরেরই সৈন্য, রাজপুত্র ! পামরগণ নরাদমগণ ! এখনে তোদের দেহ শতদা বিভিন্ন হইল না ? এখনো ঐ মস্তক ঐ পাপদেহ হইতে ছিঁড়িয়া পড়িল না ! সমভাবে দণ্ডায়মান ?—জীবিত ! যুদ্ধে পরাজিত রাজপুত্র সেনা জীবিত ? জগৎ কি বিঘূর্ণিত হইতেছে ? না আমিই রাজপুত্র সেনা জীবিত ?

ভগবতি কাত্যাবনি ! মাতঃ ত্রিপুরেশ্বরী !—প্রকৃতই জীবিত, শত্রুহস্তে পরাভূত—আব'র জীবিত !—প্রাণভাবে পলায়ন করিতেছে রাজপুত্রগণ প্রাণে পলায়ন করিতেছে ?—আর যে সহ্য হয় না, হৃদয় বিদূর্ণ হয়, আর সহ্য হয় না !—মা ! তোমার উপাসকগণ, তোমায় পক্ষিত্যাগ করিয়া যখন করে নিষ্ক্ষেপ করিয়া ঐ পলায়ন করিতেছে,—কে আর তোমার সেবা করিবে ?—নিত্য নবোৎসবে এই মন্দিরকে প্রতিধ্বনিত করিবে ? আজ তোমার মস্তকে চন্দনাস্ত্র জবার পরিবর্তে রক্তাস্ত্র গো-মাংস প্রক্ষিপ্ত হইবে ? সন্মুখে সজল-নয়না সবৎসা গাভী সকল নিহত হইতে থাকিবে, অশরণা পতিপ্রাণা রাজপুত্র রমণীগণের সতীত্ব ধন যবনেরা বলে অপহরণ করিবে ? কখন আর্তনাদে দিগ্ভাঙল

বিদারিত হইতে থাকিবে ? বলে সতী ব সতী হর ! কে রক্ষা করে ? দেশ মনুষ্যহীন, পবিত্র রাজপুত্র মস্তক যবন পদে বিদলিত হইয়াছে । দেশেও যথেষ্ট আরক্ত হইয়াছে —সহ্য হয় না, প্রাণ থাকিতে আর ইহা সহ্য করিতে পারিব না ঘোর অত্যাচার ! অসহ্য, সহ্য করিতে পারিব না !”—

অশ্রু তীরবেগে ধাবিত হইল ।

সেনাগণের মুখে কথা মাত্র উদ্গত হইল না, যেন অনিলা-  
হত অনলরাশির ন্যায়—প্রলয় বাতাহত প্রলয় পাবকের ন্যায়  
সংহারিণী শক্তির অনুগত হইল ।

### তৃতীয় স্তবক ।

•নির্ময়াবধ পৌলস্ত্যঃ পুনর্নৃদ্বায় মন্দিবাৎ ।

রঘুসংশয় ।

প্রাতঃকাল,—ভগবান তপনদেব তরণ অরণ করণে জগ-  
তীতল আলোকিত করিয়া তুলিলেন, মন্থানিল যুধুমন্দ হিংগোলে  
প্রবাহিত হইতে লাগিল । যুধুল অথচ উষ্ণোষ্ণ রবিকর সংস্পর্শে  
পদ্মিনীর সর্বশরীর উষ্ণ, ও নয়নের হিমজল নয়নেই শুষ্ক হইয়া  
গেল, বিষম মানও ভঙ্গ হইল ; সতীর মান পতিব অদর্শনেই  
বাড়িয়া থাকে,—দর্শনে বিলুপ্ত হইয়া যায় । পদ্মিনী হাসিতে  
হাসিতে প্রিয়তমের করে আত্মসমর্পণ করিলেন ; দিবাকরও  
আশ্বস্ত হইয়া রাগবন্ত হৃদয়ে ক্রমে অগ্রসর হইতে লাগিলেন ।

বেলা চারিদণ্ড অতীত ; আকবর শিবিরে অন্যান্য সভা-  
সঙ্গণের প্রবেশে নিষেধ করিয়া একাকী আপন সিংহাসনে উপ-

বিষ্ট আছেন, হৃদয় নিতান্ত উদ্ভিগ্ন, কিছুতেই চিও স্থস্থিব হই  
তেছে না, একবার শিবির দ্বারে আসিয়া একদৃষ্টে পথপানে  
চাহিতেছেন, আরবার গিয়া আপন সিংহাসনে বসিতেছেন ।  
“বেলা প্রায় চারি দণ্ড হইল, কিন্তু কই এখনো কাহারও দেখা  
নাই, কাবণ কি ?” উঠিলেন, পুনরায় শিবির দ্বারে আসিয়া  
দাঁড়াইলেন, কেহই নাই । ক্ষুণ্ণমনে গৃহে প্রবেশ করেন, সম্মুখে  
অনুচর করপুটে দণ্ডায়মান !—যথাযথ অভিবাদন করিয়া দূরে  
দণ্ডায়মান হইল

“বিজয় আসিতেছেন ?”

অনু । “না ধর্গাবতার ! এখনো তাঁহার নিজাভঙ্গ হয় নাই !”

আক্‌বর শূন্যমনে গৃহমধ্যে বিচরণ করিতে লাগিলেন ।  
অনুচর উত্তরের প্রতীক্ষায সেই ভাবেই দণ্ডায়মান রছিল, কিন্তু  
তিনি কোন কথাই উল্লেখ না করিয়া বিজয়ের শিবিরে আসিয়া  
প্রবেশ করিলেন । বিজয় নিজায় অভিভূত, অচেতনে আপন  
শয্যায় শয়ান বহিয়াছেন “নিদ্রিতের নিজার ব্যাঘাৎ অযুক্ত ।”  
ভাবিয়া শয্যার সমীপস্থ আসনে গিয়া উপবেশন করিলেন, মস্তকে  
কি সংলগ্ন হইল । চাহিয়া দেখেন, বিজয়ের রণ-পরিচ্ছদ । কিঞ্চিৎ  
অস্তরে রাখিবার যামসে যেমন সরাইবেন, দেখেন উইঁার মধ্যে  
একখানি পত্র রহিয়াছে । বিজয়ের দিকে দৃষ্টি নিক্ষেপ করিলেন,  
বিজয় নিজায় অচেতন, অস্পন্দ । পত্রখানি বাহির করিলেন ।  
“অন্যের পত্র, উন্মোচন করা নীচতার কার্য্য ” কিন্তু অত্যন্ত  
ইচ্ছা, কিছুতেই ইচ্ছার গতি প্রতিকল্প হইল না । পুনরায়  
বিজয়ের প্রতি দৃষ্টি নিক্ষেপ করিলেন, বিজয় সেই ভাবেই  
অবস্থিত, ভয়ে ভয়ে পত্রখানি উন্মুক্ত হইল ।

“বিজয় ! আমি তোমা ভিন্ন আর কাহারই নহি, কিন্তু মহা-  
রাজ জীবিত থাকিতে অস্ত্রত চক্ষুর্জ্জ্বাতেও প্রকাশ্যে তোমার  
করে আত্ম সমর্পণ করিতে পারিব না। মহারাজ আমাকে প্রাণ-  
তুল্য ভাল বাসেন, বিশেষ তাঁহার বর্তমানে আমরা একদণ্ডের  
জন্য কোথাও সুখী হইতে পারিব না।’

“এ কাহার পত্র ?” আকবর অনেকক্ষণ ঐ বিষয়ে চিন্তা  
করিতে লাগিলেন, স্থির হইল না। পুনরায় পত্রখানি পাঠ  
করিলেন, বদন স্নান হইল “যে আশায় উদ্ভ্রান্ত হইতেছি,  
বুঝি সেই আশারই মূলে কুঠারাঘাত হইল।” যেখানকার পত্র  
সেই খানেই রাখিয়া দিলেন ও বিজয়ের শিবির হইতে আপন  
শিবিরে প্রবেশ করিয়া, অনুচরকে বলিলেন, “যদি এখনো  
বিজয়ের নিদ্রাভঙ্গ ন হইয়া থাকে, তাহা হইলে আমার নাম  
করিয়া উঠাকে ডাকিয়া আন।” অনুচর গমন করিল, আকবর  
আপন সিংহাসনে গিয়া উপবেশন করিলেন।

বিজয়সিংহ অনুচরের সহিত আকবরের সিংহাসন সম্মুখে  
উপস্থিত হইয়া যথাযথ অভিবাদন পূর্বক নির্দিষ্ট আসনে উপ-  
বেশন করিলে আকবর বলিলেন।—“বিজয়. সমুদয় শুনিয়াছ ?”

বিজয় “হ্যা, অনুচরের মুখে সমুদয় শুনলাম।”

আক্। “তুমি না বলিয়াছিলে, যখন রাজা বন্ধ হইয়াছেন,  
তখন আর কাহারও যুদ্ধ করিতে সাহস হইবে না, সহজেই চিতোর  
হস্তগত হইবে। তবে আবার কে আসিয়া যুদ্ধে প্রবৃত্ত হইল ?’

বিজয় “বুঝিতে পারিতেছি না। প্রধান সেনাপতি  
যখন আমাদের বাধ্য হইয়াছে, তখন আর কে আছে যে, রাজ-  
পুত্রসেনার অধিনায়ক হইয়া যুদ্ধে আসিতে সাহস করিবে ?”

আক্। “পৃথ্বীরাজ সৈন্যসমেত সেই খানেই রহিয়াছেন, অথচ ভাল মন্দ কিছুই সমাচার দিলেন না। সমব স্থলে এক জন দূতও পাঠাইয়াছি, তাহারও দেখা নাই।”

বিজয় “আমাকে যাইতে আজ্ঞা কবেন ?”

আক্। “ন, তাহা বলি ন, কিন্তু সেনাপতি তোমার সহিত কিছু কি বলিয়া গিয়াছিল ?”

বিজয় “ঐ ই কথা,—নিশীথ সময়ে সকলে নিদ্রিত হইলে বিপক্ষগণ দুর্গ আক্রমণ করিয়াছে বলিয়া সেনাপতি দামামা ধ্বনি ও মানাপ্রকার গোলোযোগ উপস্থিত করিবে, অন্যান্যকে বিশেষ ভীত করিবার মানসে ভয়চিত্তে আপনিও দুর্গ পরিত্যাগ করিবে। এদিকে পবামর্শী সৈন্যগণ গোপনে থাকিয়া দুর্গের প্রতি অস্ত্রাদি বর্ষণ করিতে থাকিবে। একে দুর্গের সৈন্য অল্প, তাহাতে রাজা বন্দী হইয়াছেন, সেনাপতিও পলায়ন করিল, কাহ্নই অপবাণব সেনাগণ ভীত হইয়া দুর্গ পরিত্যাগ করিয়া পলায়ন করিবে। প্রাতে দল্লবল সমেত আমরা দক্ষিণ দ্বার আক্রমণ করিলে দ্বার রক্ষক সেনাগণ অতি অল্পক্ষণের মধ্যেই পরাজিত হইবে। ইহা ভিন্ন আর কিছুই বলিয়া যায় নাই। পৃথ্বীরাজ ও নান্নু খাঁব প্রাতে যে পুরদ্বার আক্রমণ করিবার কথা ছিল, তাহা বুঝি হয় নাই ?”

আক্। “না ”

বিজয়। “কি রূপেই বা হইবে ?—ভাল, আপনি সন্ধিব প্রস্তাব করিলেন কেন ?”

আক্। “রাজপুত্রগণ এমন বিপদ সময় সন্ধির প্রস্তাবে বিশেষ আহ্লাদিত হইয়া অদ্যকার বনসমাজের জন্য তত

স্বাস্থ্য থাকিবে না, বিশেষ বিশ্বাসের জন্য ঐ পত্রে ভোমাবও নাম স্মরণ করাইয়া লই। পাছে প্রকাশ হয়, এই জন্য কল্য কিছুই বলি নাই কিন্তু কোথায় আমরা নগর আক্রমণ করিব, না হইয়া রাজ্যমধ্যে উহারাই আসিয়া আমাদের শিবির আক্রমণ করিল ? শুনিলাম, আমাদের সেনাগণ যুদ্ধে জয়লাভ করিয়া অনেক রাত্রি পর্যন্ত আমোদ প্রমোদে উন্মত্ত ছিল। যখন বিপক্ষগণ আসিয়া আক্রমণ করে, তখন প্রায় কাহারই তাদৃশ ক্ষমতা ছিল না যে, বিশেষ বলবিক্রম সহকারে বিপক্ষের সম্মুখবর্তী হইতে পারে।”

বিজয়। “দিল্লীর অধিপতি আকবরের নাম শ্রবণেই শত্রু-সেনা আচরাৎ ভয়সাৎ হইবে, সে জন্য চিন্তা করিবেন না।”

উভয়ে এইরূপ কথোপকথন হইতেছে, এমন সময় রাজ-দূত শশব্যস্তে সেই স্থলে আসিয়া প্রবেশ করিল। উভয়েই আন্তর্য্যস্তে তাহাকে জিজ্ঞাসা করিলেন, “সংবাদ কি বল ?”

দূত। “ধর্ম্মাবতার ! শুনিলাম, রাজ্যিতে কে একটা কামিনী রণবেশে সৈন্যসমেত শিবির আক্রমণ করিয়া উদয়সিংহকে লক্ষ্য পুরপ্রবেশ করিয়াছে পৃথীরাজ ও নানুখাঁ অনেকক্ষণ যুদ্ধ করিয়াছিলেন, কিন্তু কিছুই করিতে পারেন নাই। প্রাতে পুরদ্বার আক্রমণ করিবার কথা ছিল, সন্দেহ প্রযুক্ত তাহাও করেন নাই। সৈন্যসমেত দক্ষিণ দ্বার অবরোধ করিয়া রাখিয়াছেন।”

আক্। “বলিতে পার, উদয়সিংহের সেনাপতি যুদ্ধে আসিয়াছিল কি না ?”

দূত। “তাহা স্থির হয় নাই।”

আক্ । “বিজয় । কিছুই ত বুঝিতে পারিতেছি না ।”

বিজয় । “তাই ত !”

আক্‌বর দূতের প্রতি দৃষ্টি নিষ্ক্ষেপ করিয়া বলিলেন,—  
“দেখ, বেলা দুই প্রহরের পর, যে সেনা এখানে আসিবে,  
তাহাদিগকে ঐ দক্ষিণ দ্বারে যাইতে বলিও । এখানকার সেনা-  
গণও যেন সর্বদা সাবধানে শিবির রক্ষা করে ।” বলিয়া বিজ-  
য়কে বলিলেন,—

“বিজয় ! চল, আগরাও ঐ স্থলে গমন করি ।”

উভয়ে রণবেশে সজ্জিত হইয়া দক্ষিণাভিমুখে গমন করি-  
লেন ।

---

## দ্বিতীয় পরিচ্ছেদ ।

প্রথম স্তবক ।

—তুং জগতি পুনবেকা বিজয়মে ।

জগন্নাথঃ ।

সহসা গৃহদ্বার উন্মুক্ত হইল, সম্মুখেই পূর্ণকান্তি পূর্ণিমার  
শশধর,—অমল চন্দ্রখণ্ডে বিনির্মিত কমলীয় কামিনীর মূর্তি ।—  
মহারাজ উদয়সিংহের সহধর্মিণী, প্রতাপজননী দেবী বসু-  
মতী,—পবিত্রবেশে, পবিত্র যুগচর্মে আসীন রহিয়াছেন । সমস্ত  
দিবস অনাহার, ত্রতোপবাসে অঙ্গ সান্তিশয় দুর্বল ; তথাপি  
লাবণ্যচ্ছটায় মণিময় দীপশিখার দীপ্তিও যেন মলিন মলিন  
বোধ হইতেছে । দেবীর গলে পটাঞ্চল, কর কমল অঞ্জলি-  
বন্ধ, নয়ন মুদ্রিত,—স্থিরমনে স্থিরভাবে দেবাদিদেবের আরা-  
ধনার নিমগ্ন রহিয়াছেন, দক্ষিণে পুষ্পপাত্র, ধূপ ও দীপাধারে  
ধূপ দীপ প্রজ্বলিত হইতেছে,—বামে স্বর্ণথালে নানাবিধ  
পূজোপকরণ । সম্মুখে স্বর্ণকুণ্ডে রত্নময় শিবলিঙ্গ ; পত্র-  
পুষ্পে দেবদেবের অর্কাজ আচ্ছন্ন, অবশিষ্ট ভাগ দীপা-  
লোকে উদ্ভাসিত হইতেছে । সঙ্গী গললগ্নীকৃতবাসে অর্থে  
দেবদেবের নমস্কার করিয়া পরে দেবীকে নমস্কার করিলেন ।  
মুদ্রিত নয়ন উন্মীলিত হইল, নিদ্রিত হৃদয় জাগরিত হইল ।

বসুমতী সঙ্গার অভিমুখে দৃষ্টিপাত করিয়া বলিলেন, “বোন্ ! যথার্থ বাজপুতকুলে জন্ম গ্রহণ করিয়াছিলে, যথার্থ পতিব্রতাধর্মে দীক্ষিত হইয়াছিলে, এই নশ্বর দেহ ধারণ করিয়া যাহা করিবার করিয়াছ, যতদিন পৃথিবী থাকিবে, গগণে চন্দ্র সূর্য্য বিরাজমান থাকিবে, ততদিন কিছুতেই তোমার এই কীর্তি বিলুপ্ত হইবে না। এক্ষণে ঠৈশলেশ্বর সমীপে এই প্রার্থনা করি, যেন ভগবান ভবানীপতি তোমার প্রতি প্রসন্ন হইয়া তোমাকে অনুরূপ একটি পুত্র প্রদান করেন।”

সঙ্গার নয়ন, জলে আবর্তিত হইল, কষ্টে মনোবিকার সংবরণ করিয়া বলিলেন, “দেবি . ঈশ্বর, প্রতাপকে দীর্ঘজীবী করুন, তাহা হইলেই আমার পুত্র জন্ম সকল কষ্ট দূর হইবে। আমার পুত্রে কাষ নাই, প্রতাপ আমার নির্বিঘ্নে জীবিত থাকিয়া রাজসিংহাসনে উপবেশন করুক, তাহা হইলে আপনাদের ন্যায় আমিও রাজার মাতা বলিয়া সর্বসমক্ষে স্পৃহা করিতে পারিব।”

দেবী। “প্রতাপ জীবিত থাকিয়া নির্বিঘ্নে যে পিতার সিংহাসনে উপবেশন করিবে, আমরা যে আবার রাজার মাতা হইয়া সুখ স্বচ্ছন্দে কালযাপন করিব, এ কথা স্বপ্নের অগোচর।”

সঙ্গা। “দেবি ! আমরা মনে জ্ঞানেও এমন কোন অধর্ম করি নাই, যাহাতে আমাদেরকে ঐ আশায় বঞ্চিত হইতে হইবে? প্রতাপ অবশ্য রাজসিংহাসনে উপবেশন করিবে, জাম্বাও রাজমাতা হইয় মনের মুখে কাল যাপন করিব।”

দেবী দীর্ঘ নিশ্বাস পরিত্যাগ করিয়া বলিলেন, “প্রতাপ এক্ষণে কোথায়?”

সঙ্গা । “আমার গৃহে ।”

দেবী । “আজ তবে এখানে পাঠাইয়া দিও । বোধ হয়, আজ মহারাজ তোমার গৃহে বাইতে পারেন ”

সঙ্গা । “এরূপ কল্পনা ছিল বটে, কিন্তু শুনলাম, মতি-বিবী নাকি মহারাজকে সেলাম দিয়াছেন ।”

দেবী । “মহারাজ কি এককালে অন্ধ হইয়া উঠিলেন ?”

সঙ্গা । “হউন তাহাতে ক্ষতি নাই, কিন্তু শেষে আর কোন দুর্ঘটনা না ঘটিলেই মঙ্গল ।”

দেবী । “পদে পদে সম্ভব । কি আশ্চর্য্য একটা কুলটার মায়ায় মুগ্ধ হইয়া রাজার এককালে হিতাহিত জ্ঞান লোপ পাইয়াছে, কি যিত্র কি শত্রু কাহারো মুখে যুগাকরে মতিবিবীর নিন্দাবাদ শুনিলে আর উপায় থাকে না, এককালে খড়্গহস্ত হইয়া উঠেন । শুনলাম প্রধান প্রধান আমীরগণও নাকি রাজার উপর বিলক্ষণ বিরক্ত হইয়াছেন ।”

সঙ্গা । “না হইবার বিষয় কি ? একে কুলটা, তার যবনী, তার প্রধান্য, কে সহ্য করিবে ? বিশেষ রাজকোষে যাহা কিছু মহার্ঘ্য বস্তু ছিল, সমুদয় মতিবিবীর আগ্রহে উহার গৃহে গিয়া উঠিয়াছে । আমার বোধ হয়, উহার ভিতবেও উহার নিশ্চয় কোন ছুরভিযন্ত্রি আছে ।”

দেবী । “তার আর সন্দেহ নাই । নতুবা উহাতে উহার অত আগ্রহ হইবে কেন ? উহার বলেইত বিজয়ের বল, না হইলে বিজয় কি সাহসে মহারাজের সহিত যুদ্ধে প্রবৃত্ত হয় ? আকবরও যে বিনা স্বার্থে বিজয়ের জন্য অর্থ ও বল ক্ষয় করিতেছে, এরূপ বোধ হয় না । অবশ্যই ভিতবে কোন রূপ বন্দোবস্ত

আছে ; মতিবিবীর নিকট হইতে অনেক বস্তুই বিজয় আত্মসাৎ করিয়াছে । সখি ! এক কুলের অধঃপাতন ও অন্য কুলের ত্রীসম্পাদন বেগবতী নদীর স্বতঃসিদ্ধ স্বভাব । তাহাতে নদীর ইচ্ছানিষ্ঠ কিছুই নাই, বরং আপন জলকেই কলুষিত করিয়া থাকে —ভাল যুদ্ধস্থলে বিজয়ের সহিত তোমার সাক্ষাৎ হয় নাই ?”

সঙ্গা । “না, শুনিলাম, বিজয় আকবরের নিকটে মহারাজের অবরোধবার্তা বলিবার জন্য আকবরের শিবিরে গিয়াছে, কই রাত্রি মধ্যে ত আঁব তাহার দেখা পাই নাই । কেবল নাম্মুখী ও পৃথ্বীরাজকেই যুদ্ধ করিতে দেখিয়াছি, কিন্তু পৃথ্বীরাজ আমার বিকল্পে তাদৃশ যুদ্ধ করেন নাই, বরং কোশলে মহারাজকে বাহির করিয়া দিয়াছেন ।”

দেবী “আকবর কি সে কথা শুনিয়াছে ?”

সঙ্গা । “জানি না, কিন্তু পৃথ্বীরাজের কোশল আঁগি ভিন্ন আঁর কেহই বুঝিতে পারে নাই । নাম্মুখী অনেকক্ষণ যুদ্ধ করিয়াছিল, কিন্তু উঁহার সেনাগণ যুদ্ধে একান্ত অপটু ছিল, আঁকার প্রকার দর্শনে উঁহাদিগকে যেন মত্তের ন্যায় বোধ হইয়াছিল ।”

দেবী । “তাহা হইলে এই জয়লাভ পরাজয়েরই কারণ হইয়াছে ।”

সঙ্গা । “আমারও সেইরূপ বোধ হয় ।”

দেবী । “মহারাজকে সে কথা কিছু বলিয়াছিলে ?”

সঙ্গা । “বলিয়াছিলাম, কিন্তু, বোধ হইল মহারাজ তাহাতে কর্ণপাতও করেন নাই, কারণ আমার যাহা বক্তব্য, সমুদায় শেষ

হইলে তিনি ঐ বিষয়ের কোন কথা উত্থাপন না করিয়া কেবল-  
মাত্র গতিবিবীর কথাই জিজ্ঞাসা করিলেন । আমি ক্ষান্ত হই-  
লাম । তাহার পর রাজপুরীতে প্রবেশ করিয়া অধি সমস্ত  
দিনের মধ্যে কই ত আর তাঁহার দেখা পাই নাই ”

দেবী “ইন্দ্রিয়সেবীর কুত্রাপি শ্রেয় নাই, বিশেষ রাজা ঐ  
দোষে দোষী হইলে তাঁহার রাজ্য অচিরে শত্রু হস্তে পতিত হয় ।  
বিশেষ শত্রুও সামান্য নয়, প্রবল পরাক্রান্ত আকবর টেরী ।”

সঙ্গী । “উহাতেই ভয় ! মহারাজের উদ্ধার বার্তা শুনিলে  
কখনই সে নিশ্চিত থাকিবে না ।”

দেবী “উদাসীনের অবগ্যই বাসস্থান ।”

সঙ্গী । “গতিবিবী যাঁর উপাস্ত্র দেবতা, তাঁর পক্ষে অরণ্যও  
যে সুখের হয়, একরূপ বোধ হয় না । বিশেষ কোন অত্যাহিত  
না ঘটিলেই রক্ষা ।”

দেবী সজল ময়নে বলিলেন, “বোন্ এ হতভাগিনীদের  
অদৃষ্টে যে বিধাতা কত দুঃখ লিখিয়াছেন, বলিতে পারি না ।  
যাও এক্ষণে গৃহে যাও, রাজ্রিতে সাবধানে থাকিও, বোধ হয়  
এই রাজ্রিমধ্যেই শত্রুরা নগর আক্রমণ করিতে পারে ।”

সঙ্গী । “সস্তব, প্রতাপ আমার নিকটেই থাকুক, যতক্ষণ  
প্রাণ থাকিবে, ততক্ষণ উহার কোন ভয় নাই ”

দেবী । “আমি সে জন্য তাবিত্তেছি না, একাদশ বৎসর  
বয়ক্রমকালে যে সম্ভান আশ্রয়কার সক্ষম না হইবে, তাহার  
জীবন মরণ উভয়ই সমান ।”

সঙ্গী । “শুনলাম, মহারাজের উদ্ধার বার্তা শ্রবণে আজ  
রাজ্যের নানা স্থানে নানা প্রকার আয়োদ, প্রয়োদ হইতেছে ।

সেই উপলক্ষে ঝালোররাওর বাগীতেও নাকি একটা ভোজের আয়োজন হইয়াছে, রাজপুরীর যাবতীয় ব্যক্তি সেই স্থলে নিমন্ত্রিত, রাজা নিজে যাইতে পারিবেন না, নিমন্ত্রণ রক্ষণর জন্য নাকি প্রতাপকে যাইতে আদেশ করিয়াছেন ।”

দেবী । “যাহা হয় করিও, ও নরাদমের নাম আর আমার সম্মুখে করিও না । যাও এক্ষণে গৃহে যাও ।”

সজ্জা আপন গৃহাভিমুখে গমন করিলেন । দ্বার পুনর্বার বন্ধ হইল

### দ্বিতীয় স্তবক ।

হা দিক্‌মা কিল তাগসী ? শশিমুখী দৃষ্টি পুবা যা ময়া ।  
উদ্ভূত ।

আলোকময় স্তম্ভের উপরিভাগে কাহার এই সুধাধবলিত মনোহর পুরী বিকাশ পাইতেছে ? পুবা কি স্বপ্নে কল্পিতা ?— অমরাবতীর প্রতিকৃতি ? না প্রকৃতই মর্ত্যালোকে নব সৃষ্টির নূতন আবির্ভাব ! যাহা নয়নে দেখি নাই, এক মুহূর্ত্তের জন্য কল্পনাও করি নাই, তাহা কি মহমা স্বপ্নে উদ্ভূত হইতে পারে ?—না সূক্ষ্ম দর্শনের বিষয়ীভূত হয় ? পুরীর এক ভাগে দৃষ্টি নিক্ষেপ করিলে অন্য ভাগ যখন জ্ঞানের বিষয় হইতে স্বতন্ত্র হইয়া পড়ে, তখন ইহার নির্মাণপরিপাটী কি রূপে স্বপ্নময়ী কল্পনাতে বিরচিত হইবে ? নয়ন মুদ্রিত করি, শুভ্র বৎ জড়পিণ্ড মাত্র ! নয়ন উন্মীলন করি, সেই পুরী, একবার—

যারংবার বাহা দেখিয়াও তৃপ্তি বোধ হয় না। সেই পুরী অগ্রে  
পরিদৃশ্যমান,—এই বিজন কাননে স্বচ্ছ সরসীর বিখল বক্ষে  
কাহার এই বিচিত্র অটল লিকা বিকাস পাইতেছে? —

প্রশ্নের উত্তর নয়?—

—মৃদঙ্গ ধ্বনি?—বেণু,—বীণা-লয়-গিলিত মৃদঙ্গ ধ্বনি?  
সঙ্গে বামা স্বর?—তান পর পরিশুদ্ধ বামার কণ্ঠনিঃসৃত সঙ্গীত-  
স্বর? এই বিজন কাননে এই পুরীমধ্যে কাহাবা এই সুস্বর স্বব  
স্বরী বিকীর্ণ করিয়া হৃদয় মন বিমোহিত করিতেছে?—

ষোড়শী কাঙ্ক্ষি পূর্ণ যৌবনে বসিতা যে ডশী-কাঙ্ক্ষি!  
লোকে জন্ম জন্ম তকণ বয়েসে যে সকল পুণ্য কার্যের অনুষ্ঠান  
করিয়াছে, তাহারই পরিণাম বিধাতার গণ্ডিতে ধন . . .  
যতনে নির্জনে সঞ্চয় করিয়া রাখিয়াছেন . যোড়শী পূর্ণকাঙ্ক্ষি ! —  
করে তিম্র তিম্র যন্ত্র, বাজিতেছে, কণ্ঠস্বরের সহিত মিলিয়া  
বাজিতেছে। আঃ—আজি যাহা শুনিবার শুনিলাম, যাহা  
দেখিবার দেখিলাম! জগতে আর কি আছে যে, ইহা পরিভ্যাগ  
করিয়া তাহ দেখিব?

সম্মুখে?—রত্নাসন! দেখিবার বটে, সুন্দর কারুকার্যে খচিত  
বিচিত্র রত্নাসন . উপরে?

কাঙ্ক্ষিপুঞ্জ —

মানবাকার!—

নারী-মূর্তি!

মনিময় সিংহাসনে রতনে জড়িত নারীমূর্তি! কাহাব এই  
সর্বদা সুন্দরী ললনা আপন প্রভায় আপনি উদ্ভাসিত হইতে-  
ছেন? লক্ষ্মীর মূর্তি কল্পনাময়, রতির মূর্তিও কল্পনাময় গঠিত।

কিন্তু আমি যাহা দেখিতেছি, ইহা কল্পনার নয়, প্রাকৃতই সৃষ্টি পদার্থ—রমণীমূর্তি । কল্পনার নয়, রমণীর মূর্তি । নয়নে ভাসিতেছে, জ্ঞানে উপলব্ধি হইতেছে না । কি সুন্দর ! বিধাতারই সৃষ্টি ! লাবণ্য জলে সিক্ত কল্পনালতাব একমাত্র বিকসিত কুসুম ! বিধাতার নিৰ্ম্মাণচতুরতার উপামামূল, উপমেয় মূল । —হায় আজি কি দেখিলাম —

সুন্দরি তুমি কে ? সত্যই কি মর্ত্যকাননের প্রফুল্ল কল্প লতিকা ? না ইন্দ্রানীর ঈর্ষাজনিত শাপে স্বৰ্গভ্রষ্টা সৌন্দর্য্যময়ী সৃষ্টির পরকাষ্ঠ ? সুন্দরি ! বল, সত্য পরিচয় দেও, তুমি কে ! কি জন্য এই তুচ্ছ মর্ত্যভূমে অবতীর্ণ হইয়াছ ? কেনই বা কতিপয় সঙ্কীর্ণমাত্র সঙ্গ এই বিজন কাননে আসিয়া বাস করিতেছ ? জগতে কি এমন কোন ভাগ্যবান পুরুষ বিদ্যমান আছেন ? যাহার অঙ্কে এই চপলাকান্তি বিকাশ পাইতে পারে —যদি থাকেন, তাঁহারও পরিচয় দেও, শনি, মর্ত্যলোককে কে এমন সার্থক জন্ম পরিগ্রহ কবিয়াছে ? যাহার করে এই অঙ্গও সমর্পিত হইয়াছে !—

লজ্জামুকুলিত উর্বশীর করকলিত বীণাযন্ত্রে উত্তর হইল ।

“মতিবিবী, উদয় সিংহের উপভোগ্যা দাসী ।”

কি, এই সৌন্দর্য্যের সেই আচরণ —জানিলাম জগতে সর্বাঙ্গসুন্দর বস্তুর অভাব কখনই ঘুচিবে না !

গৃহ পার্শ্বে পদধ্বনি হইল, মতিবিবী উঠিয়া গৃহ মধ্যে প্রবেশ করিলেন, কবচটও বন্ধ হইল ।

গৃহমধ্যে বিজয় সিংহ, মতিবিবী সাদরে বিজয়ের কর ধারণ পূর্বক আপন পর্য্যাকে ধমাইয়া বলিলেন ;

“বিজয় . কি করিয়া এমন সময়ও এই নগরে প্রবেশ করিলে ?”

“দূতের বেশে ।”

“কেহ চিনিতে পারে নাই ?”

“সে বেশ পরিধান করিলে তুমিও চিনিতে পারিতে না, তা অন্যে কিরূপে চিনিবে ?”

মতিবিবী হাসিতে হাসিতে বলিলেন, “কপটীর কাপট্য সহজে হৃদয়ঙ্গম করা দুষ্কর ।”

বিজয়। “বলিয়া দিতে হয় না, শিষ্য উপযুক্ত হইলে আপনাই হইতেই গুরুর পথের অনুগামী হইয়া থাকে ।”

মতিবিবী দীর্ঘ হাসিয়া বলিলেন, “ভাল আমি যে পত্র খানি দিয়াছিলাম, তাহা ত সেই শিষ্যের হস্তেই পড়িয়াছিল ?”

বিজয় “হাঁ, এককালে আমার হস্তেই পড়িয়াছিল, কার্যেও সেইরূপ করিয়াছিলাম, কিন্তু অনবধানতা দোষে সমুদায় বিফল হইয়াছে কিন্তু এক্ষণে বোধ হইতেছে, সে এক প্রকার মঙ্গলই হইয়াছে ।”

মতি । “কেন ?”

বিজয়। “পূর্বে জানিতাম না, অবশেষে গোপনে আকবরের যেরূপ গুপ্তি চরিত্রের কথা শুনিলাম, তাহাতে তোমার এস্থানে থাকা কোন-মতেই যুক্তিসিদ্ধ হইতেছে না। বিশেষ নাধুর্থা যখন আকবরের সহিত একত্র রহিয়াছে, তখন এস্থানে থাকিলে কখনই আমি তোমাকে রক্ষা করিতে পারিব না। তোমায় রাখিতে গেলে যে কাবণে রাজার সহিত যুদ্ধ উপস্থিত হইয়াছে, পরেও ত সেই কারণই থাকিবে ?”

মতি । “তবে এক্ষণে উপায় ?”

বিজয় । “সেই জনাই আসিয়াছি । এই রাত্রিতেই মহারাজের সহিত তোমাকে পলায়ন করিতে হইবে ”

মতিবিরার বদন বিষণ্ণ হইল, বলিলেন “কেন ?”

বিজয় । “মতি ! আর কি দেখিতেছ । এতদিনের পর অংশ পূর্ণ হইল আজ রাত্রিশেষে চিতোরের অধিষ্ঠাত্রী ভগবতী কাত্যায়নী স্মরণকালীর মূর্তি পরিগ্রহ করিবেন । এই রাত্রি মধ্যেই নগরী প্রেতভূমি হইবে, এই আনন্দও প্রাতে হাহারবে পরিণত হইবে । আমি তোমাকে সাবধান করিতে আসিয়াছি । রাত্রিতে নিদ্রা বাইও না, গোলোষণা শুনিবামাত্র মহারাজের সহিত পলায়ন করিও । পরে যেরূপ হয় করিব, আমার কথায় তাচ্ছল্য করিও ন । আকবর দলবল সমেত দক্ষিণ দ্বার অবরোধ করিয়া বসিয়া আছেন । ভগবান ভবানীপতি ক্রিশূল করে স্বয়ং সাক্ষাৎ হইলেও আজ নিস্তার নাই । যেরূপ যড়যন্ত্র হইয়াছে, তাহাতে বিনাশ্রমে যবনগণ নগরে প্রবেশ করিবে ।”

মতিবিরার স্নান বদন আরো স্নান হইল, কক্ণবচনে বলিলেন, “কোথায় পলায়ন করিব ?”

বিজয় । “মহারাজ যখন তোমার সঙ্গে থাকিবেন, তখন তোমার সে বিষয়ে চিন্তা কি ? প্রাণসঙ্কে তিনি তোমাকে পরিত্যাগ করিয়া কোথাও যাইবেন ন । মহারাজ আজ এখানে আসিবেন ?”

“হাঁ ”

বিজয় “তবে আমি চলিলাম, কুলপালিকার গৃহেও একবার যাওয় আবশ্যিক, কুলপালিকা পরিণীতা পত্নী বটে, আমি সঙ্কে সে যবনের হস্তগত হইলে আমারই বিশেষ অপমান । আর অধিক বিলম্ব করিব না, এক্ষণে চলিলাম, কিন্তু সাবধান !”

মতি । “ওমরাও যে ঝালোররাওর বাটীতে নিমন্ত্রণে  
গিয়াছে ’

বিজয় । “তাহার রক্ষায় আমি ও ঝালোররাও উভয়েই  
রহিলাম, সেজন্য চিন্তা নাই । কিন্তু তুমি যেন আজ সাবধানে  
তাচ্ছিল্য করিও না আমি চলিলাম, বাদ্য গীত বন্ধ করিয়া  
দেও, পলাবনের চেষ্টা দেখ সাবধান, এ কথা যেন চন্দ্র সূর্য্যও  
জানিতে না পারেন ।” বিজয় সত্বর পদে বাটী ছইতে বহির্গত  
হইলেন

### তৃতীয় স্তবক ।

“জলযতি তনুসুদীহঃ করোতি ন ভস্মসাৎ ।

প্রহরতি বিধির্ম্মচ্ছেদী ন কুন্ততি জীবিতম্

উওরচরিতম্ ।

যতই সময় অতীত হইতেছে, ততই নিশার বদন মলিন  
হইয়া আসিতেছে । এক এক করিয়া চারি দণ্ড এক প্রহর  
পর্য্যন্ত অতীত হইতে চলিল, তথাপি পতির দেখা নাই । নিশা  
কক্ষ-বসনে অঙ্গ আবরণ করিয়া প্রতিক্ষণেই পতির আগমন  
প্রতীক্ষা করিতেছেন । দণ্ডে প্রহর ভাগ, শিশিরে অনল  
জ্বান হইতেছে ;—গানে ঘোঁসা, নখন জলে আবরিও । দেখা  
হইলেও আব দেখা করিবেন না,—নাথিলেও আর কথা কহিবেন  
না । মুখের প্রতিজ্ঞা, মুখেই করিলেন ; কিন্তু হৃদয় আগার  
আশায় এখনো আশ্রয় । ধীবে ধীরে পতির পথখানে দৃষ্টি নিষ্ফল

করিতেছেন “কই না” তবে এই প্রতিজ্ঞাই স্থির। পুন-  
রায় দেখিলেন, হৃদয় সহসা আহত হইল, “এমন অসময়ে  
পূর্বাধুর বদন প্রফুল্ল হইবার কারণ কি? বিনা মিলনে বির-  
হিণী কামিনী বদন কখনই প্রফুল্ল হইতে পারে না।” অব-  
গুণ উন্মোচন করিলেন,—বদনও আরক্ত হইয়া উঠিল।  
“আমি যাহার আশায় আশ্বস্ত, তাহাবই এই আচরণ।—  
পরকামিনীর পাদলগ্ন। হৃদয়গত।” ক্ষোভে নিশাব সর্বশরীর  
পাণ্ডুবর্ণ হইয়া উঠিল; ও নয়ন হইতে অশ্রু অশ্রু জলবিন্দু  
গলিত হইতে লাগিল। কিন্তু চন্দ্রমার লজ্জা নাই, কলঙ্কী  
দিব্য হাসিতে হাসিতে নিশার আবাসে আসিয়া উপস্থিত হই-  
লেন।

কুলপালিকার দুটী নয়ন জলে ভাসিতেছে, অবনত বদনে  
কতই ভাবনা ভাবিতেছেন, মানিনী,—যানে মৌনা, কিছুতেই  
আর এ যানের ভঙ্গ নাই, যাহার উপর মান, তাহার ভঙ্গই মানের  
ভঙ্গ, অথচ ছার জীবন এ পায়ণ কায়া ছাড়িয়া যাইতে চাহে না।  
কি মাধে যে এ দুঃখিনী দেহে বাসে অভিলাষ, তাহা পাপ বিধা-  
তাই বলিতে পাবেন। কুলপালিকা এতদিনে এ দেহের অবসানে  
দুঃখের অবসান করিতেন, কিন্তু সন্তানটী দুঃখপোয়া, উঠিবার  
শক্তি নাই, আহার আহরণ করিয়া খাইবারও ক্ষমতা জুগ্মে নাই।  
যায়ের প্রাণ, জানিয়া গনিয় কিরূপে উহাকে কোলের কোলে  
সমর্পণ করিবে? তার বয়সের সন্তান,—যায়ার করণ। কুলপা-  
লিকা সব দুঃখ সহিতে পারেন, কিন্তু এক দিনের জন্যও  
পুত্রটীর অমঙ্গল ভাবনা ভাবিতে পারেন না।

অভাগিনী সেই শিশু সন্তানটীকে কোলে লইয়া তাহাকে

স্বন্দান করিতেছেন ও একদৃষ্টে বৎসের মুখপানে চাহিয়া  
 রহিয়াছেন। অবোধ বালক, কিছুই জানে না, মায়ের কোলে  
 শয়ন করিয়া কখনো হাসিতেছে, কখনো কাঁদিতেছে, কখনো  
 বা অক্ষুট-স্বরে বাক্য উচ্চারণ করিতেছে। হস্তপদ চঞ্চল,—  
 নয়ন দীপশিখার প্রতিই নিহিত। কুলপালিকা যতই সতৃষ্ণে  
 পুত্রের মুখচন্দ্র নিরীক্ষণ করিতেছেন, ততই দুই চক্ষু দিয়া  
 অবিরল জলধারা বিগলিত হইতেছে পতিব আচরণের কথা  
 মনে উঠিতেছে,—কুলমহিলাগণের লাঞ্ছনা-বাক্য স্মৃতিপথে  
 উদ্ভিত হইতেছে ও বিষাদে হৃদয় বিদীর্ণ হইতেছে। কোথায়  
 আজ নবজাত কুমারকে লইয়া স্বামীর সহিত এক শয্যায়  
 একত্রে বসিয়া আশোদ প্রমোদ করিবেন, প্রফুল্লমনে পুত্রের  
 মুখকমল দর্শনে নয়ন মন চরিতার্থ কবিবেন, না হইয়া  
 একাকিনী বিজনগৃহে বসিয় রজনীর চারি প্রহর চক্ষুর উপর  
 দিয়া কুণ্টাইতেছেন, শয্যা ভূমিতল, সঙ্কিনী পরিচারিকা মাত্র ;  
 অভাগিনীকে আপন বলিয়া ভাবে, জগতে আর এমন কেহই  
 নাই। পতি সত্রে পতিমুখে বধিতা আছেন কি মবিয়াছেন,  
 পিতা মাতা একবার তত্ত্বও লন না,—দেখিবামাত্র অন্যান্য সঙ্ক-  
 লেই ইঙ্গিতে নানা কথা বলিতে থাকে, স্নেহের সহিত কথা-  
 টীও কহে না, কেমন আছ, বলিয়া একবার জিজ্ঞাসাও করে  
 না। আহারে সুখ নাই, শয়নে স্বস্তি নাই, সর্বদাই অন্যমন,  
 ভাবনায় লাবণ্য তিরোহিত হইতেছে, অনাহারে শরীর অস্থিচর্মা-  
 সার হইয়াছে সংস্কার বশত প্রতিক্রমেই মুখে মৃত্যু কামনা,—  
 আবার পুত্রের বদন দর্শনে অন্তরে বাচিতেও বাসনা, অথচ  
 এ দাঁকণ যাতনাও আর সহ হয় না যদি এই শত্রু আসিয়া

উদরে না জন্মিত, তাহা হইলে এতদিনে তাঁহার দুঃখের লেশ-  
 মাএও থাকিত না । পতিপ্রাণার পতিই সর্বস্ব, পতিই জীবন,  
 সেই পতিই বখন পর ভাবিলেন, দিনান্তে আসান্তেও একবার  
 দেখা করেন না, তখন আর জীবনে প্রয়োজন কি ? কুলপালিকা  
 বিজয়ের পায়ে ধরিয়া কাঁদিয়াছেন, সমস্ত দিন অনাহারে  
 রোদন করিয়াছেন, তথাপি বিজয় ক্রক্ষেপ করেন নাই ।  
 তিনি এক মতিবিবীর মোহেই মুগ্ধ হইয়া গৃহ পরিত্যাগ করি  
 য়াছেন, বার পর নাই সহোদর ভ্রাতাকেও পরিত্যাগ করিয়াছেন,  
 এখন আবার যে কি সর্বনাশের চেষ্টার আছেন, তাহা তিনিই  
 বলিতে পারেন কিন্তু লোকে প্রকৃত ঘটনা কি ? তাহার বিন্দু  
 বিসর্গও জানিত না, শুনিলেও বিশ্বাস করিত না । বিজয়ের  
 প্রণয়িনী জ্ঞানে কুলপালিকাকেই বার পর নাই ঘৃণা করিত ।  
 যাঁহারা জানিত, তাঁহারাও প্রকাশভয়ে সাধারণের চতের  
 প্রতিবাদ করিতে পারিত না । কুলপালিকার যাতনার, অঁর  
 পরিশেষ নাই, তিনি সতত আপন গৃহে সসিরাই দিবা  
 রাত্রির উদয় অস্ত প্রত্যক্ষ করেন । নয়নে নিদ্রা নাই, হইলেও  
 উছা কেবল স্বপ্নকল্পিত ভয়ানক চিত্তারই আধার । কখনো  
 স্বামী বধ্যবেশে অসিহস্ত খাতুকের করে সমর্পিত হইতেছেন,  
 কখনো সন্তান মূর্খ প্রায়, কখনো বা আপনি উন্মত্ত, জনশূন্য  
 বনপূর্ণ রথায় একাকিনী ভ্রমণ করিতেছেন । বিষাদে নিদ্রা ভঙ্গ  
 হয়, স্ত্রীস্বভাবমূলত বিশ্বাসে স্বপ্নের সত্যতা অনুমিত হয় ও  
 ভাবী অবস্থার বিষয় অনুধ্যান করিয়া অন্তর বার পর নাই বিষাদে  
 দগ্ধ হইতে থাকে । কুলপালিকার যে কি কষ্ট, কুলপালিকাই  
 জানেন, অন্যে তাহা কিকপে হৃদয়ঙ্গম করিবে ?

অদ্যকারও রাত্রি প্রায় এক প্রহর উত্তীর্ণ হইয়াছে, কুল-পালিকা পূর্বের ন্যায় এখনো সেই অবস্থায়—সেই স্থলেই আসীন রহিয়াছেন, পুত্রটী খেলিতে খেলিতে মাতার কোড়েই নিদ্রিত হইয়া পড়িয়াছে। দীপশিখা স্থির, সম্মুখে আহার প্রস্তুত, পরিচারিকা পার্শ্বগৃহে নিজায় অভিভূত রহিয়াছে।—

সহস্র পদধ্বনি হইল ।

সঙ্গে সঙ্গেই গৃহমধ্যে একজন মনুষ্য আসিয়া উপস্থিত । কুলপালিকা চমকিত হইয়া উঠিলেন, কি করিবেন, কিছুই স্থির করিতে না পারিয়া, এক প্রকার বিকৃত স্বরে চীৎকার করিয়া উঠিলেন, শব্দে পরিচারিকার নিদ্রাভঙ্গ হইল, সত্বরপদে গৃহে আসিয়া দেখে,—গৃহে বিজয় দণ্ডায়মান ।

পরি । “কে ও যুবরাজ ? —”

আর কাণ্ড নিষ্পত্তি হইল না, ছুই চক্ষু দিয়া অবিলম্বে জলধারা বহিতে লাগিল ।

বিজয় • “তুমি নীরবে রোদন করিতে লাগিলে তোমার দেবীও কথা কহিতেছেন না, কারণ কি ?”

পরিচারিকা অনেক চেষ্টা করিল, কিন্তু বাষ্পজলে কণ্ঠরোধ হওয়াতে কিছুমাত্র বলিতে পারিল না ।

বিজয় । “কুলপালিকে !—কুলপালিকে !—একি ? পরিচারিকে ! দেখ দেখি, তোমার দেবী বুঝি নিদ্রা গিয়াছেন ?”

পরি । “দেবি !—দেবি !—না যুবরাজ, নিদ্রা নয় । অবশ্য অঙ্গ গৃহকোণে অবলম্বিত রহিয়াছে । কই ?—নিশ্চয়মত পড়িতেছে না ! এ কি হইল ? যুবরাজ ! কেন আমার দেবী এমন হইলেন ?”

বিজয় । “কেন, এই যে নিশ্বাস পড়িতেছে ? নিজাই খাই-  
তেছেন ! তুমি উঁহাকে জাগাইয়া আহাঙ্গাদি করাও, আমি  
চলিলাম । বিজয় পরিচারিকার রোদনে ক্রক্ষেপ না করিয়া সত্বর-  
পদে পুরী হইতে বহির্গমন পূর্বক ঝালোররাওর বাটীর অভিমুখে  
গমন করিলেন ।”

---

## তৃতীয় পরিচ্ছেদ ।

### প্রথম স্তবক ।

“ছগুগুগসংজোঅদিচা উবাঅপরিপাড়ীযডিদপাসমুখী ।  
চাগক্কগীতিরজ্জু রিউসংজমৎধজুআ জঅদি ”

যুজোরাকসমু ।

ঝালোররাও মহারাজ উদয়সিংহের প্রধানা মহিষী দেবী  
বহুমন্তীর ভ্রাত, মাড়োয়ার দেশের একটা ক্ষুদ্র রাজ্যের অধি-  
শ্বর । আকবরের জায়গীরদার নামুখা বল পূর্বক উহার  
রাজত্ব অপহরণ করাতে উদয়সিংহ নামুখাকে তাঁহার নিজ  
অধিকার হইতে বিচ্যুত করেন ও তাহাব প্রিয়তম মতিবিনীর  
সৌন্দর্য্য দর্শনে মোহিত হইয়া মতিবিনীকে নামত আপনার  
দাসী করিয়া আপন রাজ্যে আনয়ন করেন । মতিবিনী ক্ষত্রিয়-  
কন্যা ; মাড়োয়ারের অস্ত্রপাতী জনমানবহীন কোন ক্ষুদ্র  
পর্বতস্থিত্রে এক ক্ষত্রিয়যুবা নিজ প্রেয়সীর সহিত নিরন্তর  
আমোদে কাল যাপন করিতেন । কেন যে ঐ ক্ষত্রিয়দম্পতি  
লোকালয় পরিত্যাগ করিয়া ঐরূপ নির্জন স্থলে গিয়া বাস করি-  
য়াছিলেন, অত্ৰাপি তাহার কোন বিশেষ কারণ নির্ণীত হয়  
নাই । যাহা হউক, মতিই ঐ যুবক-দম্পতির প্রণয় কুসুমের  
একমাত্র ফল । যখন মতির অনুমান দশ বৎসর বয়স্কর, সেই  
সময় নামুখা এক দিবস যুগলা-প্রসঙ্গে সেই স্থলে গমন করেন

ও ঐ ক্ষত্রিয় পত্নীর অলৌকিক রূপ লাভণ্য দর্শনে মোহিত হইয় উর্হীর প্রতি গর্হিত আচরণে প্রবৃত্ত হন। ক্ষত্রিয়যুবা ঐ দুর্ভাগ্যবনের হস্ত হইতে নিজ পত্নীকে রক্ষা করিবার জন্য সাধ্যমত চেষ্টা করেন, অবশেষে ঐ পাষাণের হস্তে নিজ প্রাণ অধি বিসর্জন দেন ; ক্ষত্রিয়পত্নী স্বচক্ষে পতির দুর্গতি দেখিয়া অধীরচিত্তে আত্মহত্যায় জীবন পরিত্যাগ করেন। দুর্ভাগ্য নামুখী ঐ পাপ আশায় নিরাশ হইয়া অবশেষে কেবলমাত্র মৃতিকে লইয়াই স্বরাজ্যে প্রত্যাবৃত্ত হন এবং মতি বয়স্হা হইলে উহাকে আপন পত্নীত্বে অঙ্গীকার করেন।

যুবতীর বৃদ্ধপতি, রূপবতীর কুরূপ স্বামী ও নবীনীর দুর্দান্ত পতি চক্ষুর শূল স্বরূপ হইয়া থাকে, বিশেষ মতিবিবী আপন পিতা মাতার প্রতি নামুখীর আচরণ স্বচক্ষে প্রত্যক্ষ করিয়া- ছিলেন বলিয়াই, উনি এক দণ্ডের জন্যও নামুখীর সহবাস বাসনা করিতেন না, সর্বদাই বিজনে সময় বাপন করিতেন, মনে মনে মনোমত পুরুষ কল্পনা করিতেন ও মনে মনে তাহার করেই আত্মসমর্পণ করিয়া চিত্তকে প্রফুল্লিত রাখিতেন ; সখীগণের মুখে উপায়াস শ্রবণ, চিত্র দর্শন ও মনোমত পুস্তক পাঠেই যার পর নাই আনন্দ পাইতেন ; স্বামীর নাম শ্রবণেও তাঁহার হৃদয় শুষ্ক হইত ও প্রফুল্ল নয়ন জলে ভাসিতে থাকিত। নামুখী বৃদ্ধ—যুবতীপতি, এই জন্য পত্নীর প্রতি সর্বদাই সন্দেহচিত্ত থাকিতেন এবং যখনদিগের অবরোধ গৃহ কাগার হইতেও ভয়ঙ্কর, মতিবিবীর বয়সও তাদৃশ অধিক হয় নাই ; এই সকল কারণেই মতিবিবী তদবধি পর-পুরুষের অক্শায়িনী হইতে পান নাই ; কিন্তু যখন উদয়সিংহ নামুখীকে পরাস্ত করিয়া

মতিবিবীকে অপনার প্রণবিনী কবিত্তে চাহেন, তখন উদয়-  
সিংহের পূর্ণষোবন ও উহার অলৌকিক কপলাবণ্য দেখিয়া  
সহজেই মতি উহার প্রস্তাবে সম্মত হন ও পঞ্চদশবর্ষ বয়ক্রম  
কালে রাজার সহিত চিত্তোরে আগমন করেন আসিবার  
অব্যবহিত পরেই মতিবিবীর গর্ভসঞ্চার হয় ও প্রতাপের  
এক বৎসর বয়ক্রমকালে মতিবিবীর গর্ভে ওমরায়েৰ জন্ম হয় ।  
ওমরাও ও প্রতাপ দুই মায়ের গর্ভে জন্ম গ্রহণ করিয়াছিলেন  
বটে, কিন্তু আকৃতিতে উভয়ের অনেক সৌন্দর্য্য ছিল বলিয়াই,  
নগরস্থ প্রধান প্রধান ব্যক্তিগণ রাজারই গুৰুসজাত বোধ করিয়া  
ওমরায়েৰ প্রতি তাদৃশ স্থাণ করিতেন না । প্রতাপ ও ওমরাও  
সৰ্বদাই একত্র থাকিতেন এবং বিদ্যা, ধনুর্বিদ্যা ও অশ্বশিক্ষা  
উভয়ে একত্রই করিতেন । ওমরাও যবনীর গর্ভজাত বলিয়া  
প্রতাপ এক দিনের জন্যও ভাব্য প্রাতি তাহিলা ব  
অশ্রদ্ধা করিতেন না বরং ওমরাও রাজার প্রিয়পাত্র ও রাজা  
উহার মাতাকে প্রাণতুল্য ভাল বাসিতেন বলিয়া যার পর  
নাই গৰ্বিত হইয়া উঠিয়াছিলেন, জ্যেষ্ঠ বলিয়া প্রতাপকে  
একদিনের জন্যও মান্য করিতেন ন ; আভিজাত্য বিষয়ে  
প্রতাপ উহাপেক্ষা শ্রেষ্ঠ ছিলেন বলিয়া প্রতাপের প্রতি উহার  
সংতিশয় বিদ্বেষ ছিল এবং প্রতাপ বয়োনিরূপ বলবিক্রম ও  
বুদ্ধি কোশলে রাজ্যস্থ অপরাপর সমবয়স্ক হইতে শ্রেষ্ঠ ছিলেন  
বলিয়াও ওমরায়েৰ ঈর্ষার আর সীমা ছিল । ওমরাও ভয়কব  
গৰ্বিত ও দুৰ্বৃত্ত ছিলেন । অত অল্পবয়সেও সকলকেই দুচ্ছ  
জ্ঞান ও কটু কাটব্য বলিতেন । কেহ কোন কথা বলিলে তাহার  
আর নিস্তার থাকিত না ।

রাজ্য সমুদায় শুনিতেন, কিন্তু মতিবিবীর ভয়ে একদিনের জন্যও উহাতে কিছুমাত্র বলিতে পারিতেন না ; অধিক কি, উনি মতিবিবীর অনুরোধে প্রতাপ সত্ত্বেও ঐ পুত্রকেই রাজ্য প্রদান করিবেন বলিয় অঙ্গীকার করেন । ঝালোররাও নিজ পত্নীর মুখে ঐ কথা শুনিতেন পান । ঝালোররাওর পত্নীর সহিত দেবী বনুমতীর তাদৃশ আন্তরিক প্রণয় ছিল না, সেই জন্য মতিবিবীর সহিতই ঝালোররাওর পত্নীর সান্তিশয় সৌহার্দ সঞ্চার হয় । ঐ সুযোগ বশতঃ মতিবিবীর অন্তরের কথা সকল ঝালোররাওর নিকট কিছুই অপ্রকাশ থাকিত না । বিশেষ মতিবিবী ঝালোররাওর ভাবভঙ্গি দেখিয়া উহাকে আপনার একমাত্র হিতকাঙ্ক্ষার ন্যায় মনে করিতেন ; এই জন্য যখন যে বিপদাপদ উপস্থিত হইত, মতিবিবী অকপটচিত্তে তখন তাহা ঝালোবের পত্নী দ্বারা ঝালোরের কর্ণগোচর করিতেন । ঝালোরও বিপদে দুঃখ প্রকাশ, সম্পদে হর্ষ প্রকাশ দ্বারা মতির চিত্ত সান্তিশয় আকর্ষণ করিয়াছিলেন ।

বনুমতী আপন স্রাতার বিষয় কিছুই জানিতে পারিতেন না, শুদ্ধ ভ্রাতৃজায়ত্র আচরণেই অত্যন্ত দুঃখিত হইয়া এক পরিচারিকা দিয়া ঝালোররাওর নিকট এই কথা বলিয়া পাঠান যে, “ভাই ক্ষুব্ধ হইও না, অতি ক্ষোভেই আমার মুখ দিয়া এই সকল কথা বাহির হইতেছে । তুমি ভাই, আমি ভগ্নী, উভয়েই এক পিতার ঔরসে এক মাতার গর্ভে জন্মিয়ছি, একত্র বর্দ্ধিত হইয়াছি, জন্মানধি একত্র বাস, একত্র আহার, একত্র খেলা করিয়াছি । তোমার চক্ষে জল দেখিলে আমার চক্ষে জল আসিয়াছে, আমার

কায়ী দেখিলে তুমিও কাঁদিয়াছ। কিন্তু ভাই, আজ আমাদের সেই চিরদিনের প্রাণ কোথায় রছিল? বয়স হইলে কোথায বাড়িবে, না হইয়া কপাল-গুণ্ডে কি ভাহার নিপাত ফল ফলিল? ভাই, বল দেখি, কি জন্য এই হতভাগিনীর অহরহ নয়নজলে বক্ষ ভাসিতেছে? কেনই বা আজ রাজরাণী হইয়া পথের কাঙালিনী হইলাম?—যাক, সে দোষ আমি তোমাকে দিতে চাহি না, যখন অভাগীর কপালে বিধাতা বিগুণ হইয়াছে, তখন তুমি কি করিবে? কিন্তু ভাই, তোমার পত্নীর এরূপ আচরণে অনুমোদন করা তোমার কর্তব্য নহে; যতিবিনী যবনী, তোমারই শত্রুপত্নী; আমাদের মুখাপেক্ষা না করিয়া ভাহার সহিত তোমার পত্নীর এরূপ আয়োদ প্রয়োদ করা কি উচিত হয়? অধিক আর কি বলিব, এক্ষণে মরণ হইলেই সমুদায় জ্বাল্য যন্ত্রণার হাত হইতে মুক্ত হই।” ঝালোর ভগ্নীর কথা শুনিয়া যার পব নাই ক্ষুভিত হইয়াছিলেন, কিন্তু এক্ষণে আর ক্ষোভ করিয়া কি করিবেন? মূল ছিন্ন হইয়াছে, মস্তকে জ্বল সিঞ্চন করিলে কি আর সে বৃক্ষ জীবিত হয়? পরে যে এমন ঘটবে, ঝালোররাও একবারের জন্য অশ্রুও এরূপ কল্পনা করেন নাই, পূর্বে জানিতে পারিলে নিশ্চয়ই তিনি নিজ রাজ্য-রক্ষার জন্য অন্য উপায় অবলম্বন করিতেন, বা রাজ্য পরিত্যাগ করিয়া অরণ্যে গিয়া বাস করিতেন, কদাচই ভগ্নীর নিশ্বাসের পাত্র হইতেন না। কিন্তু এক্ষণে শুধু এক স্ত্রীলোকের কথায় ক্রুদ্ধ বা ক্ষুব্ধ হইয়া অবলম্বিত উপায় পরিত্যাগ করা নিতান্ত কাপুরুষতার কর্ম, স্থির করিয়া নিজ পত্নীকে যতিবিনীর সহিত অপ্রণয় করিতে বলেন নাই, বহুমতী সে জন্য আভার

প্রতি সান্তিশয় বিরক্ত হইয়াছিলেন, এ কথা উহার পত্নীর মুখে মতিবিবী প্রতিনিয়তই শুনিতেন, এবং বিজয়ের সহিত মতির যে গোপনে প্রণয় সম্ভাব হয়, ঝালোররাও তাহা জানিতে পারিয়াও বিশেষ আশ্রয় ভিন্ন কখনো বিদ্রোহ ভাব প্রকাশ করেন নাই এই সকল কারণে ঝালোররাওর প্রতি মতিবিবী ও বিজয়ের ভক্তির আর পরিসীমা ছিল না ।

কিন্তু ঝালোররাওর কৌশল স্বতন্ত্র ছিল মতিবিবী চিত্তোরের যাবদীয় মহামূল্য বস্তু কৌশলে আত্মসাৎ করিয়াছেন, সেগুলি পুনরায় আপন হস্তে আনয়ন এবং পরিশেষে উহার উপর রাজার বিবস্ত্রি উৎপাদন ও উহাকে রাজ্য হইতে নিষ্কাশন করাই ঐ কৌশলের প্রধান উদ্দেশ্য, তাহাও যে সিহজে হইবে, এরূপ সম্ভাবন ছিল না, কারণ, যাহার এক দণ্ড অদর্শনে রাজা এককালে উন্নতের ন্যায্য হইয় উঠিতেন, বিনা বিরাগে তাহার চির অদর্শনে যে তিনি জীবিত থাকিবেন, ইহা কোন মতেই সম্ভবপর নহে । অথচ এদিকে আবার শুদ্ধ ঐ এক পাপীয়সীর কুকুলে পড়িয়া উহার কিছুতেই অসাধ্য বোধ ছিল না । নিন্দা আভরণ, নীচপথে পদার্পণ, অকার্য্যে কার্য্য জ্ঞান ও কর্তব্য কার্য্যে কার্য্য জ্ঞানই হইত না । রাজ্য যে এরূপ বিকল রাজার আয়ত্তে থাকিয়া সুন্দররূপে রক্ষিত হইবে, ইহা কোন মতেই সম্ভব নহে । তায় রাজকোষ অর্থশূন্য, প্রজাগণও রাজার প্রতি সান্তিশয় বিরক্ত । এদিকে দুর্দান্ত যবনগণ পদে পদে হিঙ্গ্র অনুসন্ধান করিতেছে ।

বল পূর্বক মতিবিবীকে রাজ্য হইতে স্বতন্ত্র করিতে গেলে, রাজার প্রাণহানি না-ই হউক, কিন্তু নষ্ট সম্পত্তির পুনরুদ্ধার

আর কোন মতেই ঘটবে না, তার বিজয় পৃষ্ঠপূর ;—আজ কাল উর্দাদের নূতন প্রেম, নূতন অনুরাগ,—মতির আশ্বাসে বিজয়ের অন্তরেও নব আশার সঞ্চার। বিজয় এক্ষণে তাদৃশ নিরাশ্রয়ও নহেন ; মতির সহিত যে উর্দার গোপনে প্রণয় সঞ্চার হয়, তাহা বাহিরে প্রকাশ ছিল না, এই কারণে লোকে রাজার বিকক্ষে বরং বিজয়ের প্রতিই আন্তরিক শ্রদ্ধা করিত।

বিনাশে স্ত্রীবধের পাতক, অবলম্বিত আশাতেও নিরাশ্বাস। বিশেষ স্ত্রীবধ, করা দূরে থাকুক, একথা তাঁহার মনোমধ্যে উদয় হইলেও তিনি চমকিত হইয়া উঠিতেন।

কিসে যে কি হইবে, ঝালোররাও নিয়তই নিবিষ্টমনে তাহার উপায় কল্পনা করিতেন।

কনিষ্ঠ হইয়া জ্যেষ্ঠের উপভোগ্য বস্তুতে আকাঙ্ক্ষা বিজয়ের পক্ষে অত্যন্ত গর্হিত কার্য হইয়াছিল, সন্দেহ নাই, কিন্তু প্রণয়পরতন্ত্র চিন্তে যদি কার্য্যকার্য্য জ্ঞান সঞ্জাত হইতে পারিত, তাহা হইলে কখনই রাজার এরূপ দুর্দশা ঘটিত না যাহা হউক মতিবির উপর রাজার বিবাগ উৎপাদন করা ঝালোররাওর একমাত্র উদ্দেশ্য ছিল বলিয়াই উনি উর্দাতে কথাটীও কহেন নাই, বরং বিজয়ের সহিত মতির প্রণয় বন্ধ-মূল করিবার জন্য ঝালোর উভয়কেই ঐ বিষয়ে উৎসাহিত করিতেন।

এক পক্ষ অবলম্বন কর' কি ঝালোররাওর পক্ষে গর্হিত কার্য্য হয় নাই? হইয়াছিল; কিন্তু ঝালোর ভাবিয়াছি-লেন, ছিদ্ৰাবেশী যখন হস্তে সমুদায় স্বর্ঘ্যবংশ নির্মূল হওয়া-

পেঙ্গা পক্ষমাত্র অবলম্বন করা ততদূর অধুক্ত কার্য্য নহে ।  
 চৈৎসিং নামক তাঁহার ভূতপূর্ব মন্ত্রী ও বিশ্বস্ত বন্ধুর নিকট এমন  
 অভিপ্রায়ও প্রকাশ করিয়াছিলেন যে, “পরে বিজয়কে সহজেই  
 উহা হইতে ক্ষান্ত করিতে পারা যাইবে, কিন্তু এক্ষণে রাজ্যকে  
 উহার হস্ত হইতে মুক্ত করিবার উহা ভিন্ন আর অন্য উপায় নাই ”  
 বোধ হয়, ইহা ভিন্ন ঝালোররাজ্যে অস্ত্রবে আরো কিছু অপ্ৰকাশ্য  
 কারণও ছিল, না হইলে তিনি একজন তেজস্বী ক্ষত্রিয় হইয়া  
 কেন এইরূপ কুৎসিত কার্য্য অনুমোদন করিবেন ? ঝালোররাজ্য  
 ভগ্নীর রোদন ও আপন তেজে জলাঞ্জলি প্রদান করিয়া  
 বিজয়ের পক্ষ অবলম্বন পূর্বক মতিবিবোর সহিত বিলক্ষণ  
 সম্ভাব সংস্থাপন করেন ও কল্পিত পেশংসাদি দ্বারা মতি-  
 বিবীকে সান্ত্বনয় গর্ষিত করিয়া তুলেন ।

বিজয়ের প্রতি মতিবিবো যে প্রণয় সংগত হয়, রাজ্য  
 জাহা অনিযাচ্ছিলেন যাহা কিন্তু কিছুতেই তাঁহার মন উহাতে  
 বিশ্বাস করিতে চায় নাই আত্মীয় স্বজনগণ রাজ্যকে এই দুর্নিত  
 ব্যবসায় হইতে নিবৃত্ত করিবার মানসে সময়ে সময়ে উহাকে  
 নানা উপদেশ প্রদান করিতেন, তাহাতে কেবল বন্ধু বিচ্ছেদ  
 ভিন্ন ফলে আর কিছুই ঘটিল না ঝালোররাজ্য উহাকে  
 ঐ কুৎসিত নিয়ম হইতে ক্ষান্ত করিবার জন্য প্রকাশ্য কোন  
 কথা উত্থাপন করেন নাই বলিয়া উহার সহিতই শুদ্ধ রাজ্য  
 সম্ভাব ছিল । নতুবা অন্যান্য সকলের সহিতই উহার চির-  
 বিচ্ছেদ সংঘটিত হয় ।

দ্বিতীয় স্তবক ।

চিন্তাবশমসমাকুলেন মনসা না জিন্দীং হা থা ৩ ।

সৈবেমং মম চিত্রকর্মবচনা ভিাওং বিনা বর্তে ৩

ম দাবাগ-গম্

উদয়সিংহ কর্তৃক নাম্নু খাঁ পরাজিত হইবার পর ঝালোর-  
রাও পুনরায় আপন সিংহাসনে অধিকতর হইলেন, কিন্তু নাম্নু খাঁ  
গোপনে গোপনে সৈন্য সংগ্রহ করিয়া পুনরায় উর্হাঁর সিংহা-  
সনচ্যুতি করেন । এইরূপ উভয়েব জয় পরাজয়ে প্রায় চারি  
বৎসর কাল অতিবাহিত হয় পরিশেষে ঝালোররাও নিজরাজ্য  
প্রাপ্ত হন বটে, কিন্তু উদয়সিংহের আগ্রহে ও নিরন্তর যবনদিগের  
অত্যাচার ভয়ে সপরিবারে চিতোরের আসিয়া বাস করিবেন  
শেষ পরাজয়ের পর নাম্নু খাঁ এককটা হতসর্ভস্ব হইয়া আক-  
বরের শরণ গ্রহণ করেন । সর্ব প্রথম পবাজয়ের পর নাম্নু  
খাঁর আকবরের শরণ গ্রহণ করিবার বিশেষ কারণ এই  
ছিল যে, নাম্নু খাঁ আকবর দত্ত জায়গীর ভোগ করিতেন বটে,  
কিন্তু যবন রাজ্যে উর্হাঁর ন্যায় অত্যাচারী তৎকালে আর কেহই  
ছিল না ; সর্বদাই পরের সর্বস্বলুণ্ঠন, বলপূর্বক পরপ্রীহরণ ও  
নিরীহ নির্বিরোধী প্রজার গৃহ দাহন প্রভৃতি দ্বারা উনি একমাত্র  
লোকের কষ্টপ্রদ হইয়া উঠেন । আকবর লোক পরম্পরায় তৎহা  
শুনিত্তে পাইতেন, কিন্তু বিশিষ্ট প্রমাণ না পাওয়াতে ও নাম্নু  
খাঁর সহিত বিশেষ একটা সম্পর্ক থাকিতে আকবর স্পষ্টত

উঁহাকে কিছু বলিতে পারিতেন না, অথচ মনে মনে উঁহার উপর এতদূর বিরক্ত হইয়াছিলেন যে, সর্বপ্রথম উদয়সিংহ কর্তৃক নানু খাঁর পরাজয় বার্তা শুনিয়া আকবর উদয়সিংহকে খেলোয়াত অবধি প্রদান করেন, নানু খাঁ তাহা জানিতে পারিয়া প্রথমত আকবরের শরণ গ্রহণ করিতে সাহস করেন নাই। কিন্তু অবশেষে এককালে নিকপায় হইয়া সজলনয়নে আকবরের পদ ধারণ করিয়া উদয়সিংহ কর্তৃক আপন পত্নী হরণ প্রভৃতি অত্যাচারের বিষয় কীর্তন করেন। তাহা শুনিয়া আকবরের অন্তরে দয়ার উদ্ভেক হয় এবং উঁহার রাজ্য ও পত্নী উঁহাকে প্রতি-প্রদান করিবার জন্য উদয়সিংহকে পত্র লিখেন। উদয়সিংহ আপন মন্ত্রীবর্গ ও ঝালোররাওর কথা অগ্রাহ্য করিয়া তাঁহাতে অশ্রীকৃত হইলেন। আকবরের দূত দেশে প্রত্যাগমন করিলে আকবর উঁহার মুখে আনুপূর্বিক সমস্ত ঘটনা শুনিয়া এককালে ক্রোধে প্রজ্বলিত হইয়া উঠেন এবং যেরূপে হউক, উদয়সিংহকে রাজ্যচ্যুত করিবার সংকল্প করেন। উদয়সিংহও একজন সাধারণ নরপতি ছিলেন না, সহজে তাঁহার রাজ্য আক্রমণ করা নিতান্ত কঠিন। আকবর কয় বৎসর ধরিয়া ঐ বিষয়ে নানা উপায় চিন্তা করিতে লাগিলেন। কিন্তু কিছুতেই কৃতকার্য হইতে না পারিয়া অবশেষে মাড়োয়ারের অধিপতি মল্লদেবের সহিত বডযন্ত্র করিয়া নানু খাঁ ও পৃথীরাজকে সর্ব-প্রধান সেনাপতি পদে অভিষেক পূর্বক যুদ্ধার্থে অগ্রসর হন।

মল্লদেব মাড়োয়ারের অন্তর্গত যোধপুরের অধীশ্বর, উদয়-সিংহের পরম বন্ধু। শুদ্ধ যে মাড়োয়ারের ভূপতির সহিতই

রাজা উদয়সিংহের বন্ধু ছিল, এমন নহে চিতোর, মাড়োয়ার ও জয়পুর এই তিন দেশেব ভূপতিগণ প্রায়ই পবস্পার বিলক্ষণ সন্তোষে কালযাপন করিতেন। এই কয় রাজবংশের মধ্যেই পবস্পার কন্যা পুত্রের বিবাহাদিও হইত। ইহার মধ্যে চিতোরের অধিপতি মহারাজ উদয়সিংহের বংশ সর্ববিষয়েই সর্বাপেক্ষা উৎকৃষ্ট বলিয়া গণ্য হইত। চিতোরের রাজকন্যাগণ সমুদয় সপত্নীবর্গের মধ্যে উচ্চ আসন প্রাপ্ত হইতেন এবং চিতোরের রাজবধুরাও আপন পিতৃগৃহে গমন করিলে পিতৃকুলে সর্বিশেষ সম্মানের সহিত ব্যবহৃত হইতেন। মাড়োয়ারে সর্বসমেত চারিটা রাজবংশ প্রতিষ্ঠিত ছিল। তন্মধ্যে ঝালেরীরাও যে বংশে জন্ম গ্রহণ করেন, তাহাই মাড়োয়ারের মধ্যে সর্বাপেক্ষা বিশুদ্ধ বংশ। অন্যান্য বংশ অপেক্ষাকৃত নিকৃষ্ট; নিতান্ত অভাব বা সম্পর্ক জন্মিত কোন বিষ উপস্থিত হইলেই চিতোরের পুত্র কন্যাগণ বিশেষ মর্যাদার সহিত অন্যান্য গৃহেও বিবাহ করিতে পারিতেন, তাহাতে ইহাদের কোন মানের হানি হইত না। বরং যে রাজার গৃহে ইহারা বিবাহ করিতেন, সেই রাজারই বিশেষ সম্মান বৃদ্ধি হইত। এই জন্য অন্যান্য রাজবংশের আগ্রহে চিতোররাজের কি পুত্র কি কন্যা কেহই দ্বাদশ বর্ষ বয়সের অধিক অবিবাহিতাবস্থায় থাকিতে পারিতেন না।

যে সময় এই সকল ঘটনা উপস্থিত হয়, সেই সময় মল্লদেব, যোধা নাগী আপনার একটা নবমবর্ষীয়া কন্যার বিবাহজন্য স্বয়ং চিতোরে আসিয়া প্রতাপেব সহিত ঐ কন্যার বিবাহ দিতে উদয়সিংহকে বিশেষ অনুরোধ করেন। মল্লদেব

একে বৃদ্ধ, তাহাতে বাঢ়ীতে আসিয়াছেন, এই জন্য উদয়সিংহ তখন তাহাতে সম্মতি প্রদান করেন । কিন্তু কিছু দিন পরে যখন মল্লদেব কন্যার বিবাহেব দিনস্থির করিয়া পাঠান, তখন উদয়সিংহ তাহাতে অসম্মত হন ।

রাজার পূর্বে স্বীকার ও পরে অস্বীকার জন্য লোকে এই-রূপ অনুমান করিয়াছিল যে, “রাজা আপন বৃদ্ধিতে উহাতে অসম্মতি প্রদান করেন নাই । মতিবিবীর পরামর্শেই ঐরূপ ঘটিয়াছে, লোকমুখে যোধাব অলৌকিক রূপলাবণ্যের কথা শুনিয়া যাহাতে আপন পুত্রের সহিত উহাঁর বিবাহ হয়, মতি সেই অভিপ্রায়েই রাজাকে উপলক্ষ্যমাত্র রাখিয়া আপনাই উহাতে অসম্মতি প্রদান করিয়াছেন, নতুবা ‘যাহাঁর প্রতিজ্ঞা কখনই অন্যথা হয় না, তিনি কেন আজ প্রতিজ্ঞা ভঙ্গ করিলেন । নিশ্চয়ই উহা মতিবিবীর কৌশল, কিন্তু সহসা উহা প্রকাশ করিলে পাছে মল্লদেব উহাতে অস্বীকৃত হইবেন, লোকেও ঐ উচ্চ আশার জন্য বিশেষ গঞ্জনা দেয়, এই আশঙ্কায় এক্ষণে মতিবিবী উহা প্রকাশ করবেন নাই । যেখানে হউক, প্রতাপের বিবাহ হইয়া গেলে মতিবিবী পরে ঐ অভিপ্রায় প্রকাশ করিবে ।” লোকের এইরূপ অনুমান, সত্য মিথ্যা বলিতে পারি না । কিন্তু রাজা পূর্বে স্বীকার করিয়া এক্ষণে অস্বীকার কবান্তে অন্য অন্য দেশীয় ভূপতিগণ উদয়সিংহের উপর বিশেষ বিরক্ত হইয়া উঠেন এবং মল্লদেব রাজার আচরণে অত্যন্ত ক্রুদ্ধ হইয়া আকবরের সহিত গোপনে মিলিত হন পরে ঝালোররাও ঐ কথা শুনিতে পাইয়া প্রতাপের বিবাহ দিতে স্বীকৃত হইলেও মল্লদেব আকবরের ভয়ে নিরপেক্ষ

থাকিতেও আর সাহস করেন নাই । কাষেই মল্লদেবের সেনাপতি পৃথ্বীরাজ সামান্য এক দল সৈন্য লইয়া আকবরের নিকটে আসিয়া উপস্থিত হন ।

আকবর পৃথ্বীরাজের আগমনে সবিশেষ আশ্চর্য্যচিত্ত হইয়া সমুদায় সেনা সঙ্গে চিত্তোৎসেহ নিকটে উপস্থিত হইলে ঝালোরবাও রাজার আগ্রহে দূতের বেশে সন্ধির প্রার্থনায় আকবরের নিকটে গমন করেন । আকবর ঝালোরবাওর আকার প্রকার এবং কথা বার্তায় উপহাস রসিকতা ও সরলতা দর্শনে পরম সন্তুষ্ট হইয় পূর্ককার প্রস্তাবেই সন্নিহিত করিতে প্রস্তুত হন । কিন্তু ঝালোরবাও রাজার কথানুসারে কেবল মতিবিবো ভিন্ন আর সমুদায়েই স্বীকৃত হযেন আকবর ত হাতেও অস্বীকৃত হইলে ঝালোরবাও নিজস্ব নাম রাখার অনিচ্ছ বাসনাও রাজ্যের উন্নতি কামনায় অন্যান্য কথা বাডায় আকবরের সহিত বিশেষ যত্নসহকারে কথিয়া মতিবিবোর অলৌকিক রূপলাবণ্য, গুণজ্ঞতা, সহৃদয়তা প্রভৃতির কল্পিত ও প্রকৃত কতকগুলি প্রশংসা করিয়া বলেন,

“ধর্ম্মাবতার ! অধিক আর কি বলিব, যে মতিবিবাকে একবারের জন্যও দেখিবাছে, তাঁহার জাতি, কুল ও রাজত্ব পরিত্যাগ করি বড় কঠিন ব্যাপার নহে । না হইলে উদয়সিংহ মহামান্য সূর্য্যবংশে জন্ম গ্রহণ করিয়াছেন, অবরোধ মহিলারও উহার অভাব নাই, এবং ময়ং অসীম রাজ্যের অধাশ্বয়, নিরক্ষাধও নহেন, তৎপক্ষে নি জন্য সমুদয় পরিত্যাগ করিতে উদ্যত হইবেন ? মতিবিবাকে দেখিলে আপনিও রাজার উদ্দেশ্যে কখনই নিন্দাবাদ করিতে পারিবেন না যদি তাঁহাকে আপনি

দেখিতে চাহেন, বরং গোপনে দেখাইতেও চেষ্টা করিতে পারি । আপনি অত্যন্ত সুপুরুষ শুনিয়া আপনাকে দেখিবার জন্য মতি-বিবীরও আতান্ত্রিক ইচ্ছা হইয়াছে অতএব আমাদের অনুরোধে মহারাজের এই অধিনয়িতাটী ক্ষমা করুন । ইহা ভিন্ন আপনি যাহা আদেশ করিবেন, তাহাতেই তিনি প্রস্তুত আছেন ।”

আকবর এই সমস্ত কথা শুনিয়া “যাহা হয় বিবেচনা করা যাইবে ।” বলিয়া ঝালোররাওকে বিদায় করেন ; কিন্তু গোপনে গোপনে যুদ্ধার্থে প্রস্তুত হন ঝালোররাও রাজ্যে প্রত্যাবৃত্ত হইয়া রাজার নিকট প্রথমতঃ আকবরের সহিত সন্ধি বিষয়ক যে রূপ কথা বার্তা হয়, তাহা কীর্তন করেন, পরে আকবরের সেনা বাহুল্য ও যুদ্ধের আয়োজন সমস্ত প্রকৃত অপেক্ষাও কিঞ্চিৎ অধিক করিয়া বলেন, রাজা কিছুতেই মতিবিবীর পরিত্যাগে সম্মত হইলেন না, ইহাতে দেশস্থ যাবতীয় প্রধান ব্যক্তিগণ রাজার উপর যার পর নাই বিরক্ত হইয়া উঠেন কিন্তু কেহই উহাকে ঐ স্থিতি ব্যবসায় হইতে ক্ষান্ত করিতে পারেন নাই ।

বিজয়সিংহ এই সুযোগ পাইয়া আপনাকে ও মতিবিবীকে রাজার হস্ত হইতে স্বাধীন করিবার মানসে শেষ রক্ষা বিধানে মতিবিবীর সহিত পরামর্শ করিয়া রাজার সহিত একটি কল্পিত বিবাদ উপস্থিত করেন, অবশেষে তাহাই উপলক্ষ্য করিয়া আকবরের সহিত মিলিত হন ।

ঝালোররাও সর্বদাই মনে মনে যে সন্দেহ করিয়া বিজয় ও মতিবিবীর মনোরক্ষা করিতেন, শেষে তাহাই ঘটয়া উঠিল । আর যে কিছুতেই রাজ্য রক্ষিত হইবে না, এতদিনেব পর

তাঁহাও এককালে স্থিরসিদ্ধ হইল ।—যাহার জন্য উপায় চিন্তা, সে যদি যথেষ্ট আচরণ করিতে থাকে, তাহা হইলে অন্যের বুদ্ধিটেনপুণ্যে কি হইবে? শুদ্ধ আকাশে কখনো চিত্র চিত্রিত হইতে পারে না, করিতে গেলে, এক দিকে কল্পনার শেষ অন্যদিকে চিত্রেরও শেষ হইয়া থাকে । রাজা কথার অবাধ্য, ঝালোর ভাবিয়া কি করিবেন? বৃথা চিন্তায় বৃথাই ফল । ইহা বলিয়া নিশ্চিত থাকাই বা কিরূপে সম্ভবে? রাজ্যের ইদানীন্তন অবস্থা দেখিলে মনুষ্যমাত্রেয়ই অন্তরে যখন চিন্তার উদয় হয়, তখন ঝালোররাও যে চিন্তিত হইবেন, তাহাতে বিচিত্র কি?—যাহা হউক এক মতিবিবোধী কালস্বরূপ হইয়া এই রাজ্যে প্রবেশ করিয়াছে ঐ পাণ্ডায়সী হইতে শুদ্ধ যে বিজয় ও উদয়ের মনোভঙ্গ হইয়া উঠিল, তাহা নহে, ওমরাও ও প্রতাপের অন্তরেও এক্ষণ হইতে যে বিবাদের সূত্রপাত হইতেছিল, সময়ে সেটিও যে ভয়ানক মূর্ত্তি পরিগ্রহ করিবে, তাহাও এক প্রকার স্থিরসিদ্ধ হইয়াছিল ।

আর উপায় কি? বিধিকৃত নির্বন্ধ কিছুতেই খণ্ডিত হইবার নহে । না হইলে এমন পবিত্র সংসাবে কি জন্য এই কাল-সর্পিণীর প্রবেশ হইবে? “এ বিষয়ে ঝালোররাওই দোষী, রাজা যদি তাঁহার উপকার করিতে না যাইতেন, তাহা হইলে কখনই রাজ্যের স্বক্কে এই উপ দেবতার আবির্ভাব হইত না,”—সধারণ লোকে সর্বদাই এইরূপ আন্দোলন করিত, কিন্তু ঝালোররাও তাহাতে দৃক্পাত করিতেন না, কেবল কিসে এই ভয়ানক বিপদ হইতে রাজা মুক্তি লাভ করিবেন, সর্বদা সেই চিন্তাতেই নিমগ্ন থাকিতেন ।

এক্ষণে কেবল কোনরূপে মতিবিবীকে আক্বরের হস্তে  
নিষ্ফেপ করিতে পারিলেই কতক মঙ্গল, নতুবা আর কিছুতেই  
কিছু হইবার উপায় নাই। মতিবিবীর উপর আক্বরের লাগসা  
উৎপাদন করিবাব জন্যই ঝালোররাও স্বয়ং দৌত্যকার্য্য স্বীকার  
ও আক্বরের সম্মুখে মতিবিবীর নানা গুণানুবাদও করেন।

আজ রাজার শত্রু হইতে উদ্ধার হওয়াতে রাজার আজ্ঞায়  
নগরের সর্বত্রই অসংস্খটক নানা প্রকার কার্য্য কল্পসংস-  
মিত হইতেছিল, ঝালোররাও বাহ্যিক আনন্দ প্রকাশ জন্য  
বাটীতে একটা ভোজের আয়োজন করিয়া রাজবাটীর সমস্ত  
লোককে নিমন্ত্রণ করেন, আহাৰাদি সম্পন্ন হইবার পর সকলে  
গমন করিলে ঝালোররাও আপনার গৃহে ভাগিনের প্রতাপ  
ও ওমরাওকে লইয়া আসিয়া আছেন, এমন সময় একজন অনুচর  
আসিয়া গোপনে তাঁহাকে কি কথা বলিল, ঝালোররাও অনুচর  
সঙ্গে তৎক্ষণাৎ সেই গৃহ হইতে অন্য গৃহে গমন করিলেন।

### তৃতীয় স্তবক।

"পূর্ণা মে মনোবথাঃ , যাবদনুপলক্ষিতঃ সমিক্রয়ামি বহ্নিম্।

বেণীমহহারম্

ওমরাও ও প্রতাপ দুই ভ্রাতার এক গৃহে একত্র বসিয়া  
আছেন বটে, অথচ উভয়ের অন্তর যেন সহস্রহস্ত অন্তরে অব-  
স্থিত, বাহ্য কিছু পরস্পর কথোপকথন হইতেছে, তাহা কেবল

ভাবী বিবাদেরই মূল, প্রতাপ গান্ধার্য্য বশত ওমরায়ের কথায় যদিও দৃক্পাত করিতেছেন না, তথাপি অন্তরে যে ঘৃণার ভাব উদয় হইতেছে, তাহাতে দৃক্পাত করিতে পারিতেছেন না। প্রীতি কথায় ওমরায়ের গর্ষ ও প্রভুত্ব ক্রমে তাঁহার পক্ষে এতদূর অসহ্য হইয়া উঠিল, যে তিনি ওমরায়ের আসন পরিত্যাগ করিয়া পাদচারে গৃহমধ্যে বিচরণ কবিত্তে লাগিলেন। ওমরাও প্রতাপের বসিবার স্থানে আপন পদদ্বয় প্রক্ষেপ করিয়া গম্ভীরভাবে অর্দ্ধশয়িতাবস্থায় অবস্থান করিতে লাগিলেন। কটাঙ্ক দৃষ্টিতে দেখিলেন, কিন্তু কিছুই বলিলেন না।

উভয়ে এই ভাবে অবস্থান করিতেছেন, এমন সময় ঝালোর-রাও সেই গৃহে প্রবেশ পূর্বক প্রতাপকে উদ্দেশ করিয়া বলিলেন, “প্রতাপ। তোমাকে একবার বাটীর ভিতর যাইতে হইতেছে,” বলিয়া ওমরাওকে বলিলেন, “ওমরাও! কিয়ৎকণ অপেক্ষা কর, আমাদের অধিক বিলম্ব হইবে না, এই মুহূর্ত্তেই আসিতেছি।”

ঝালোর প্রতাপকে লইয়া অন্তর্গহলে প্রবেশ করিলেন ওমরাও প্রথমতঃ উহাতে যথাযথ অনুমতি প্রদান করিলেন বটে, কিন্তু পরক্ষণেই উহার অন্তবে বিজাতীয় অভিমানের উদ্ভেক হইল। তাবিলেন, ঝালোরবাও অতি নচ ও অভয়, আমাকে একাকী এইখানে রাখিয়া শুধু আপন ভাগিনেয়কে লইয়া কি বলিয় অন্তর্গহলে প্রবেশ করিল? নিমন্ত্রণ করিয়া বাটীতে আনিয়া আমার এই অপমান এখনি গিয়া রাজাকে বলিব, যাহাতে সমুচিত প্রতিফল প্রাপ্ত হয়, তাহাও করিব। সামান্য একজন ভৃত্য, -তাহার এতদূর আশ্রয়। -ইহা কি সহ্য হয়? রাজার প্রশ্নেই ত উহার এতদূর প্রত্নয়,

না হইলে যাহার অর্থে প্রতিপালন, তাহারই অপমান! রাজ্য ইহার উচিত বিধান করেন, ভালই, নচেৎ আমাব যাহা কর্তব্য, করিব।” কোষভরে আসন হইতে গাত্ৰোত্থান করিয়া বাহিরে যান, অকস্মাৎ যেন বাহিবে কি অস্পষ্ট কথা শুনিতে পাইলেন, স্থিরভাবে দাঁড়াইলেন,—তাঁহাদেবই সম্পর্কীয় কথা,—নিঃশব্দে নীরবে দ্বার পার্শ্বে দাঁড়াইয়া স্থিরকর্মে শুনিতে লাগিলেন,

“প্রতাপ অপেক্ষা ওমরাও যে সহস্রগুণে উৎকৃষ্ট, একথা কে না স্বীকার করিবে? রাজপুত্র তেজস্বী না হইলে কি শোভা পায়?”

“তুমি যে কাহাকে তেজস্বী বল, তাহা বুঝিতে পারি না। তেজ থাকিলে কি মতিবিবীর এতদূর গর্হিত আচরণ রাজপুত্র হইয়া ওমরাও সহ করিতে পারিতেন? অল্প হউক বা দুইদিন পরেই হউক, ওমরাওই যখন চিতোরের রাজসিংহাসনে উপবেশন করিবেন, বল দেখি, তখন লোকে তাঁহাকে দেখিয়া কি মনে মনে হাস্য করিবে না?”

“কি জন্য?—যাহারা অন্তরের কথা জানেন না, তাহারাই মতিবিবীর নির্দোষ স্বভাবের প্রতি কলঙ্কার্পণ করে। বস্তুত মতিবিবী রাজাকে আপন প্রাণ হইতেও অধিক ভাল বাসেন, ওমরাও কি তাহা জানেন না? জান, মতিবিবীর প্রতি ঐরূপ দোষারোপ করাত্তে ওমরাও সে দিবস সেই প্রতিবেশী বালকের প্রাণবধ করেন?—কি আশ্চর্য! রাজপুত্র হইলেই কি তাহার হৃদয় তেজ ও সাহসের আধার হইতে হয়! বলিতে গেলে, ওমরাও দুঃখপোষ্য বালক, ইহার মধ্যেই তাঁহার কি অসাধারণ

পরাক্রম ! প্রতাপ উহা অপেক্ষা অনেক অংশে নিরুফ, ন হইলেই বা রাজা কি জন্য জ্যেষ্ঠ সন্তে কনিষ্ঠেব প্রতি রাজ্য-ভার প্রদান করিবেন ?”

“সে কথা সত্য, ওমরাওর আরো একটি অসাধারণ গুণ দেখিয়াছি, মাতার প্রতি উঁহার যেমন ভক্তি, তেমনি ভয় . এদিকে এই এত সাহস, কিন্তু মাতাকে দেখিলে উঁহাতে আর উনি থাকেন না ।”

“বংশের গুণ, ই৩র সাধারণের গৃহে ওরূপ কি কখন হইতে পারে ?”

“আচ্ছা, যদি মতিবিবীর স্বভাব অকলঙ্ক হইল, তবে বিজয় আজ এত রাতিতে উঁহার বাটী হইতে বহির্গত হইলেন কেন ?”

“বিজয় ঘোর লম্পট স্বভাব, মতিবিবীর অসামান্য রূপ-লাবণ্য দর্শনে উঁহার প্রতি উহার যথেষ্টাচারে অভিলাষ !” মতিবিবী নিতান্ত ভদ্র স্বভাব, পাছে রাজা জাতাকে বিনাশ করেন, এই জন্য এ কথা এক দিনের জন্যও রাজার কর্ণগোচর করেন নাই ।”

“কি আশ্চর্য্য ! বিজয় এতদূর অভদ্র !—ভাল, মতিবিবী আপন গুণেই যেন এ কথা রাজাকে না বলুন, কিন্তু পুত্র হইয়া ওমরা-য়ের ইহা সত্য করা কোন মতেই যুক্তিসঙ্গত হয় না । পাণ্ডীব প্রশ্রয় !—মহারাজ যে তাহাকে আপনার প্রাণ হতেও অধিক ভাল বাসেন, সেই ভাইএর এইরূপ আচরণ —আগার বোধ হয়, আকবরের সহিত যুদ্ধ ঘটাইবার মূলও বিজয় !—একে আকবর পরাক্রান্ত, তাহাতে যদি কোনরূপে মহারাজেব সমুদয় গৃহচ্ছিন্ন আকবরের কর্ণগোচর করিতে পারেন, তাহা হইলে সহজেই

উদয়সিংহ বাজ্যচ্যুত হইবেন তখন আপনি অনায়াসেই চিতোরের সিংহাসনে অধিকৃত হইবেন এবং বলে হউক, বা ছলে হউক যে কোন রূপ মতিবিবীকে আপন আয়ত্তে আনিবেন, এইটাই মনে অভিলাষ বাজ্য পাইলেও পাইতে পারেন, কিন্তু যেকপ শুনিলাম, তাহাতে রাজ্য অবর্তমানে মতিবিবী কখনই প্রাণ রাখিবেন না। যাহা হউক, বাজ্যমধ্যে একরূপ একটা ভয়ানক উপদ্রব হওয়াপেক্ষা এ বিষয়ে ওমরায়ের মনোযোগ করা একান্ত কর্তব্য। ওমরাও যদি রাজ্যের সহিত আপন মাতার প্রতি বিজয়ের এইরূপ কুৎসিত আচরণের কথা বলেন, তাহা হইলে ঐ পাষণ্ডের মস্তক এখনি ছিন্ন হয়। এই সকল অসদৃশ কথাও আর শুনিতে হয় না, রাজ্যেও এই ঘোর অবাঞ্ছক ঘটতে পায় না। গৃহের গুণ অনুসন্ধান না পাইলে অমন সহস্র আকবর আসিলেও কি সিংহস্বরূপ উদয়সিংহের কিছু করিতে পারে?—

—যাহা হউক, ইহা অত্যন্ত ঘণার কথা। মতীর প্রতি একরূপ গর্হিতাচারে অভিলাষ ওমরাও পূজা হইয়া আবার তাহাই সহ্য কবেন? একরূপ নরাধমেব এই দণ্ডেই রক্ত দর্শন করা কর্তব্য।’

“নিতান্ত বালক, না হইলে এতদিন কি তাহা বাকি থাকিত? বিজয় কি নগরে আসিয়াছেন?”

“এই মাত্র মতিবিবীর বাটী হইতে বহির্গত হইয়া এই দিকে কোথায় গমন করিলেন।”

“এই সময় রাজাকে বলিলে বিজয় যেমন নরাধম, তাহার উচিত মত পুরস্কার হয়। কিন্তু কে বলিবে? এক

ওমরাও বা ঝালোররাও এই দুইজন ভিন্ন আর কাহারও সেখানে যাইবার অধিকার নাই ।

“ভাই আমবা এক দিনের জন্য আসিয়াছি এখন যাইতে হইবে । কে কোথা হইতে গুনিয়া আবার কি করিয়া আসিবে, আর আবশ্যক নাই, সকলেরই ত আহাবাদি হইয়াছে, আমরাও বেতন পাইয়াছি । এক্ষণে চল, যাওয়া যাক্ ।”

“প্রভুকে বলিয়া যাইবে না ?”

“একবার ত বলা হইয়াছে, তিনিও যাইতে অনুমতি দিয়াছেন, এক্ষণে চল ”

কথোপকথন নিঃশেষ হইল, ওমরাও বাহিবে আসিলেন, কিন্তু অন্ধকারে কাহাকেই দেখিতে পাইলেন না । যে সময় উহাদের বাটী যাইবার কথা হয়, সে সময়ও লজ্জা প্রযুক্ত সামান্য ভূতোর নিকট আত্মপ্রকাশ করিতে পারেন নাই । এক্ষণে ঐ সকল কথা মতই মনে মনে আন্দোলন করিতে লাগিলেন, ততই ক্রোধে ও তেজে শরীর অগ্নিবৎ হইয়া উঠিতে লাগিল, রাজার নিকট গমন কবিবার মানসে অনুচর সঙ্গে বাটী হইতে বহির্গত হইবেন, ঝালোররাও আসিয়া তাঁহাকে ধারণ করিলেন

ওমরাও যাইবার জন্য অনেক আগ্রহ প্রকাশ করিলেন, কিন্তু ঝালোর কোনমতে তাঁহাকে যাইতে দিলেন না, বিষণ্ণ-বদনে বার বার ক্রোধের কারণ জিজ্ঞাসা করিতে লাগিলেন ।

ওমরাও নিতান্ত অনুকম্প হইয় অনেকক্ষণের পর অনুচর মুখে যাহা গুনিয়াছিলেন, তন্মধ্যে যাহা বলিতে পারিলেন, তাহাই বলিলেন

ঝালোব “এই জন্য রাজার নিকট গমন ?—কল্যা প্রাতে হইবে, বিজয় যখন নগরে প্রবেশ করিয়াছে, তখন কখনই রীতিতে নগর হইতে বাহিরে যাইতে পারিবে না । রাজা এক্ষণে অভ্যস্ত অস্থির আছেন, এ সময় তাঁহাকে বিরক্ত করা কর্তব্য নহে । কল্যা প্রাতেই বলিবে । আর আমিও বলিতেছি, যদি ইহা সত্য হয়, তাহা হইলে আমিও ইহার জন্য রাজাকে বিশেষ অনুরোধ করিব । কি আশ্চর্য্য . অকলঙ্ক স্বভাবে কল-  
ক্লার্পণ . ভাল, যাহাদের মুখে এ কথা শুনিয়াছিলে, তাহারা কোথায় ?

ওম । “পরক্ষণেই আর তাহাদিগকে দেখিতে পাই-  
লাম না ”

ঝা । “তাহারা কি আমার বাটীর অনুচর ?”

ওম “না, অদ্যকার জন্য নিযুক্ত ।”

ঝা “ঈস, তাহা হইলে ত সকলেই গমন করিয়াছে । ভাল, তুমি যখন শুনিয়াছ, তখন আমার শোনাই হইয়াছে । কি আশ্চর্য্য । যদি রাজা সহোদর বলিয়া ইহার উচিতমত প্রতী-  
কার না করেন, তাহা হইলে আমি নিজেই ইহার প্রতীকার  
করিব ।”

পাঠক . নিজে ঝালোররাও ও টৈচৎসিংহই ঐ দুই জন  
অনুচর । অদ্যকার জন্য নিযুক্ত হইয়াছিলেন, কার্য্যশেষ  
হইয়াছে, ঝালোররাও ঝালোররাওই হইয়াছেন । জানি না,  
কি জন্য টৈচৎসিংহ এখনো সেই বেশে গোপনে বিচরণ করি-  
তেছেন ।

## চতুর্থ পরিচ্ছেদ ।

### প্রথম স্তবক ।

“শোভনমাতেষু বলবৎসু বাসুদেব সহায়েষু পাণ্ডু-  
পুত্রায়ৈ চ অদ্যাপি হঃপুত্র বিহাগমাসু ভবতি ।

শোভনহারনু ।

কখন যে কোথায় কি ঘটন ঘটতেছে, তাহা বুঝি দ্বারা বিবেচিত হইবার নহে, যুক্তি দ্বারাও স্থিরকৃত হওয়া দুষ্কর । কাল যে আকাশ ঘোরতর ঘনঘটার আচ্ছন্ন হইয়া অথরেব জড়োয় অস্তুরের জড়ও সম্পাদন করিয়াছিল, আজ সেইখানে পূর্ণচন্দ্রের বিকাশ, নিচিত্র তরকা রাজি বিচিত্র বরণে সুনীল নুড়সী তলে বিচরণ করিতেছে, মধ্যে পূর্ণ শোভন পরিপূর্ণিত পূর্ণ-শশধর রাজগতিতে যেন রাজপুত্রিতে বিচরণ করিতেছেন, সদাই ফলবনম, ফুলপ্রভার কোমল শযায় অঙ্গ ঢালিয় দিয়াছেন, ঘন মনে অস্থির লেশমাত্র নাই, বিপৎপাতের আশঙ্কাও যেন চিরদিনের মত নিবৃত্ত হইয়া গিয়াছে । কিন্তু বর্ষার আকাশ, ক্ষণে পরিষ্কর, ক্ষণে মেঘাচ্ছন্ন, অধিক পরিষ্কর অধিক অপরিষ্কর হইয়াই কারণ, ও অধিক দীপ্তি দীপ্তিশূন্য হইয়া থাকে ।—

পরিণাম বিরস স্বচ্ছন্দ অপেক্ষা চির অস্থির ও শ্রেয়স্বর ;—

সত্য, কিন্তু পরিবর্তন শীল জগতের পরিবর্তনই যখন স্থিরসিদ্ধ, তখন লোকের ইচ্ছামত কিরূপে তাহার ঠেপারীতা ঘটবে, ইচ্ছা বলিয়া কে কোথায় চিরদিন সুখে কাল যাপন করিয়াছে? বা মৃত্যুর সেই ভীষণ হস্ত হইতে আপনাকে রক্ষা করিতে পারিয়াছে? উদয়ের পর অস্তমন, জন্মের পর পরাজয়, সুখের পর দুঃখ ও জন্মের পর মৃত্যু ইহা নিয়তই হইয়া আসিতেছে, নিয়তও হইতে থাকিবে, এক অবস্থায় কেহ কখনো চিরদিন অবস্থান করিতে পারিবে না। কিন্তু আশু জগৎ কিছুতেই তাহা অনুধাবন করিতে পারে না—চায়ও না, পবিণামের বিরস ভাব ক্ষণকালের জন্য মনে উদয় হইলে মানবমাত্রেরই তৎক্ষণাৎ তাহা হইতে স্নতস্ত্র হইবার জন্য আকুল হইয়া উঠে, অমেও পরিণাম ভাবিতে চায় না, বর্তমান সুখস্বচ্ছন্দ লইয়াই ব্যতিব্যস্ত হইতে থাকে। উপদেশ প্রদানে কেহই অপার্টু নহে, কিন্তু পালনে বজ্রাহত অপেক্ষাও যেন অধিক খিয়ের ন্যায় আকুল হয়! না হইলে উদয়সিংহ কি নিমিত্ত এক্ষণে আমোদে উন্মত্ত রহিয়াছেন? ভাবী বিপদের আশঙ্ক মনোমধ্যে আনিবার নামও করিতেছেন না। মস্তকের উপর তীক্ষ্ণধার অসি লক্ষিত অথচ নয়ন যেন অবনত, সেই অবনতই রহিয়াছে—মনে স্থির, যেন এই রজনীর আর অবস্থান হইবে না, বিপদে জড়িত প্রভাতের অন্ধরেও যেন যুগ-যুগান্ত নিহিত রহিয়াছে;—দিব্য রমনীগণে পবিত্র হইয়া মতি-বিবীর গৃহে হাস্যকৌতুকে সমন্বয় ফেপ করিতেছেন। মতিবিবী কখনো মানে মগ্না, কুটিল দৃষ্টিতে রাজার হৃদয় বিদ্ধ করিতেছেন, আবার সাধ্যসাধনার সে ভাবের তিরোভাব হইতেছে, প্রেমপূর্ণ জ্যোৎস্নাময় অঙ্গ অলস ভাবে রাজার অবশ হৃদয়ে

আবিষ্ট মনে নিবেশিত করিতেছেন কখনো সুললিত তাম  
লয় সহকারে যধুরস্বরে প্রাণয় গাথা গাইতেছেন, গানের অবস্থা-  
বিশেষে রাজার প্রতি সহান্য কটাক্ষ নিক্ষেপ করিতেছেন,  
কখনো বা নিম্নলিত নয়নে গানভঙ্গে অবস্থাবিশেষের পরিচয়  
প্রদান করিতেছেন, অথচ যেন লজ্জাভয়ে হৃদয় সঙ্কুচিত,  
পরশে অঙ্গ গলিত হব, স্পর্শভয়েও অঙ্গ নিহরিয়া উঠে ।  
উঠিতে যান, রাজা করধারণ করিলেন, “ছিঃ পুরুষ অতি  
নির্লজ্জ !” বলিয়া গৃহ হইতে গৃহান্তরে প্রবেশ করিলেন,  
রাজাও কম্পিত কলেবরে অনুগত ছাযার ন্যায় পশ্চাৎ অনুগত  
হইলেন

### দ্বিতীয় স্তবক ।

“এষোদস্মি চার্কাকো রাকসঃ—তুর্যোধমশ্চ মিত্রেং  
পাণ্ডবান বধায়িতুং ভ্রমামি ।———”

বেনীমৎহারমু ।

অশ্বে অশ্বারোহী, গজে গজারোহী, পাদচায়ে পদাতিগণ  
রূপে ইত্যন্ত বিচরণ করিতেছে,—নিঃশব্দ, নিস্তব্ধ পদসঞ্চারে  
ক্রমে স্থানে স্থানে শ্রেণী-বদ্ধ হইয়া দণ্ডায়মান,—অন্ধকারে কিছুই  
লক্ষ্য হয় না । পৃথিবী রাজ নার্মুখী প্রভৃতি সেনাপতিগণ অশ্বপৃষ্ঠে  
এক শ্রেণী হইতে অন্য শ্রেণীতে গমনাগমন করিতেছেন, অশ্বপদ  
ছিন্ন বসনে আবৃত, ধীরগমনে পদশব্দ কিছুই অনুভূত হইতেছে

না । যে ভাবে যে স্থানে যে সৈন্য অবস্থ পিত কবিত হইবে, ক্রমে ক্রমে সমুদায় সেই সেই ভাবে সুসজ্জিত হইল, এক্ষণে অীক্বেবের অনুমতি হইলেই পুরদ্বার আক্রমণ করা যায় । আক্বেব আপন শিবিরে বিজয়েব সহিত একত্র উপবিষ্ট আছেন, পৃথীরাজ সেই স্থলে আসিয়া যথায়থ অভিবাदन পূর্বক বলিলেন, “আপনার অভিপ্রায় মত সৈন্য সজ্জা প্রস্তুত হইয়াছে, অনুমতি হইলেই পুরদ্বার আক্রমণ করি ”

আক্বেব “তমার একবার দেখিবার অভিলষ আছে ” বলিয়া বিজয়কে বলিলেন, “বিজয় . চল কোথায় কিরূপ সৈন্য অবস্থাপিত হইয়াছে, দেখিয়া আসি বিশেষ তামর সূর্য্য-বংশীয় ভূপতি, পুরুষ পরম্পরা ক্রমে বহুকাল ভারতবর্ষে শাসন করিয়া আসিতেছে, কুটুম্ব স্থলে কোথায় বিরূপ সৈন্য সমাবেশ করিতে ছন, তামরা অনেক দেখিয়াছি ও শুনিয়াছি, অতএব আমাদের এই বুদ্ধিকল্পনার যদি সার্থকতাও কেমন হইবে ঘটয়া থাকে, বলিয়া নিবে ; আর বিলম্ব করিও না, সত্বর বেশ পরিধান করিয়া আইস । তামরাও আপন বেশ পরিধান করিতে চলিলাম ।” বলিয়া দুইজনে আপন আপন বেশ গৃহে গমন করিয়াছেন, এমন সময় কর্ণপায় সেনা একজন চিতোরের গুপ্ত চরকে বন্ধন পূর্বক সেইস্থলে আনিয়া উপস্থিত করিল । আক্বেব আপন শিবিরে সেনাগণের গোলে যোগ শুনিবামাত্র তৎক্ষণাৎ সেই স্থলে আসিয়া দেখিলেন, যবনবেশধারী একজন হিন্দু বন্ধকরে সেইস্থলে দণ্ডায়মান রহিয়াছে, দুই চক্ষে জলধার বহিতেছে ও বিষণ্ণ বদনে সেনাদিগকে স্তবস্তুতি করিতেছে ।

আকবর উহাকে তদবস্থ দেখিয়া বলিলেন, “তুমি কে, কি অভিপ্রায়ে এমন সময় ছদ্ম বেশে আমাদের সেনানিবেশে প্রবেশ করিলে?”

চর “ধর্মাবতার! প্রাণে মাঝিবেন না, আমরা পশুধীন, জাঙ্গীর দাস প্রভু যাহা আজ্ঞা করিবেন, অবিচারিত চিন্তে প্রতিপালন করাই আমাদের ধর্ম, কি করিব, সাক্ষাৎ মৃত্যু জানিয়াও প্রভুর আজ্ঞায় এই দুঃসাহসিক কার্যে প্রবৃত্ত হইয়াছি। আমি কিছুই জানি না, বালেররাও আমার কবে একখান পত্র প্রদান করিয়া দুব্বাজের নিকট প্রেরণ করিয়াছিলেন, আপনার সৈন্যগণ বল পূর্বক তাহা আমার নিকট হইতে গ্রহণ করিয়াছে।”

আকবর সৈন্যগণের নিকট হইতে পত্র গ্রহণ করিয়া ডাবিলেন, “বিজয়ের পত্র, আমার পাঠ কর কি কর্তব্য? — ক্ষতিই বা কি? বিশেষ এ সময় এ পত্র পাঠ না করাই উচিত।” পত্র উন্মোচন করিলেন, —

“ধুবরাজ তোমার আজ্ঞাগত সমুদায় কার্য সম্পন্ন করিয়াছি। মতি রাজাকে হত্ব উদ্ভ্রান্ত কবিত্তে হয় ক’বয়’ছে, রাজা উহ’ব বাটীতে একগণে এমন মুক্তভাবে আস্থান করিতেছেন, যে, শত্রু সম্মুখে উপস্থিত হইলেও আপনাকে সহসা বিপদস্থ বলিয়া জ্ঞান করিতে পারিবেন না। মতিবিরো চতুব কামিনী, তায় তে’গ’র আজ্ঞা, সে প্রাণ দিয়াও তে’গ’র মনোরঞ্জে ক্রটি করিবেন না। — বিজ্ঞ তার একটী সংবাদ শুনিয়া কিঞ্চিৎ স্মৃক হইল’ম, একজন পরিচারিকার মুখে শুনিলাম মতি নাকি আকবরকে দেখিবার জন্য অত্যন্ত কৌতুহলাক্রান্ত হইয়াছে,

এমন কি, গুপ্তবেশে আকবরের শিবিরে অবধি হাইবার অভিনায় ব্যক্ত করিয়াছে, সত্য মিথ্যা ঈশ্বর জানেন, কিন্তু যদি এ সিঁধাদ সত, হব, তাহ হইলে অত্যন্ত ক্ষোভের দিবা অথবা একজন্মে একজন্মে দেখিবার অভিলষ থাকিলেই যে তাহাকে মন্দ চক্ষে দেখিতে হইবে, ইহাই বা কতদূর সম্ভব ? ভালমন্দ ভোগ'র বিবেচনার উপর ।

কল্যাণকঞ্জি—

বাণেশ্বর—

পত্রপাঠ শেষ হইল, আকবর কিঞ্চিৎ উদ্মনা হইলেন, “এ পত্র পাঠ করা আমার অনুচিত হইয়াছে । অথবা কর্তব্য কার্য্য করিয়াছি অনুচিতই বা কি ? কর্তব্যই বা কিরূপে হইল ? বিজয় যখন আমাকে বিশ্বাস করিয়া কিছুই গোপন রাখেন নাই, তখন সন্দিক্ত মনে তাহার পত্র পাঠ করা কতদূর সঙ্গত ?—ভাল, আমার নিকটে যাহা বলিয়াছে, ইহা ভিন্ন যদি তাহার জ্ঞানে কিছু গোপন থাকে ? কই পরে ও তাহার কিছুই দেখিলাম ন, অবিশ্বাসের কার্য্য না দেখিয়াই আজীবনের উপর অবিশ্বাস করিলে আপনাতলেই অবিশ্বাসের পাত্র হইতে হয় । -ইহা বলিয়া শুদ্ধ এক কথার উপর বিশ্বাস করিয়াই সহসা শত্রু পক্ষের উপর বিশ্বাস করা কর্তব্য নহে বিশেষ যে ব্যক্তি সামান্য একটা স্ত্রীলোকের জন্য আপন সহোদরের প্রতি এরূপ গর্হিত আচরণে প্রবৃত্ত হইয়াছে, তাহার উপর সম্পূর্ণ বিশ্বাস কি ?”—

—যাহা হউক, মাতবিরকে একবার দেখিতে হইবে, যাহার জন্য একটা রাজ্য এককালে উচ্ছিন্ন হইতে বাসিয়াছে, সে নারী

কখনই সামান্য রূপবতী হইবে না, আকবর এইরূপ ভাবিতে-  
ছেন, এমন সময় বিজয় আসিয়া সেই স্থলে প্রবেশ করিলেন ।

আকবর বিজয়কে দেখিয় শশবাস্তে তাহার করে পত্র প্রদান  
করিয়া বলিলেন, “দেখ, ঝালোররাও কি পত্র লিখিয়াছেন ।”

বিজয় পত্রের কিয়দংশ পাঠ করিয়া আকবরের প্রতি  
কটাক্ষপাত করিলেন পত্র পাঠ শেষ হইল, বিজয় আকবরকে  
বলিলেন, “অপনি কি এ পত্র সমুদয় পাঠ করিয়াছেন ?”

আকবর “হ্যা, সেই জন্য বলিতেছি, আর বিলম্বের আব-  
শ্যক নাই, শীঘ্র চল রাত্রি অধিক হইলে কার্যের ব্যাঘাত ঘটবার  
সম্ভাবনা’ বলিয় অনুচরকে দুইটা অশ্ব আনিতে আদেশ  
করিলেন । অশ্ব আনীত হইল, আকবর একটীতে আরোহণ  
করিয়া অন্যটীতে আরোহণ জন্য বিজয়কে বার বার অনুরোধ  
করিতে বিজয় মনোভাব কিঞ্চিৎ সংবরণ করিয়া অশ্বপৃষ্ঠে  
আরোহণ করিতে যান, এমন সময় ঝালোররাওর অনুচর  
বলিল, “সুবরাজ . আমাকে কি এইরূপ বদ্ধভাবেই থাকিতে  
হইবে ?”

বিজয় আকবরের প্রতি দৃষ্টি নিষ্ক্ষেপ করিলেন

আকবর অনুচরকে উহার বন্ধন মুক্ত করিয়া দিতে বলিয়া  
কিঞ্চিৎ অপ্রস্তুত ভাবে বিজয়কে বলিলেন, “বিজয় ! এ পত্রের  
কি অর্থ কিছু উত্তর প্রদান করিতে হইবে ?”

বিজয় । “রাজার পরমাত্মীয় হইয়াও যে ব্যক্তি আমাদি-  
গের জন্য এতদূর করিতেছে, তাহার পত্রের উত্তর প্রদান না  
করিলে কতকটা অসম্মান করা হয় না ?”

আক্ । “তবে শীঘ্র প্রত্যুত্তর লিখিয়া দিয়া আইস ।”

বিজয় ঝালোরের অনুচরের সহিত আপন শিবিরে প্রবেশ করিলে অনুচর কৃতাজ্জলিপুটে বলিল, “যুবরাজ ! মৌখিক ত্রকটী সংবাদ আছে ।”

বিজয় বসিতে অনুমতি প্রদান করিলেন, অনুচর বলিল, “আপন যখন মতিবিবীর গৃহ হইতে বহির্গত হন ও আশা নিকট সেই সেই কথা বলেন, বেধ হয়, তখন ওমরাও আমদিগের গৃহের বাতায়নে দণ্ডায়মান ছিলেন । মতিবিবীর বাটীতে পুরুষ মাত্রই প্রবেশে নিষেধ আছে, অথচ এত রাত্রিতে তাঁহার বাটী হইতে অন্য পুরুষের নির্গমন ঘটক প্রত্যক্ষ করিয়া সন্দেহে আপনার প্রতি একদৃষ্টে দেখিতেছিলেন, পরে আগনি অমরাও সহিত যখন সেই সকল কথা কহেন, ওমরাও তখনও উপরে দণ্ডাইয় অমরাওদের প্রতি একদৃষ্টে চাহিয়া থাকেন । কিন্তু আগনি কে, তৎকালে কিছুই বুঝিতে পারেন নাই । ওমরাও যে এখানে দাঁড়াইয়া ছিলেন, অমরাও তাহা লক্ষ্য করি নাই । পরে আপন চলিয়া আসিলে আমি আমার প্রভুকে গোপনে অনিয়া যখন ঐ সমস্ত কথা বলি, তখনও ওমরাও গোপনে দণ্ডাইয় সমুদয় শুনিয়াছেন ।” ঝালোরাও বলিলেন, “ওমরাও নাকি আর বাহার নিকট কি কি কথা শুনিয়া একদিকে ক্রোধে অন্ধ হইয়া রাজার নিকট সমস্ত বসিতে যাইতে ছলেন । আগার প্রভু তাঁহাকে বন্ধ করিয়া রাখিয়াছেন । এদ্বারা আপনার অভিপ্রায় কি জানিবার জন্য অমাকে আপনার নিকট পাঠাইয়াছেন ।”

বিজয় । “তার পত্রের উত্তরে প্রয়োজন নাই । ঝালোর-রাওকে আমার প্রণাম জানাইয়া বলিব, যদি তিনি আমার

শুভাকাঙ্ক্ষী হন, তাহা হইলে বিনা আপত্তিতে—” মতিবিবির কথা স্মরণ হইল, হৃদয়ও সঙ্কুচিত হইয়া আসিল । ভাবিলেন, “অনুচর বিশ্বাসী বটে, না হইলে ঝালোররাও এমন বিজ্ঞ হইয়া ক্ষমাচই ইহার নিকট এ কথা প্রকাশ করিতেন না । সত্য, তথাপি অপর ব্যক্তি, কথাটীও নিতান্ত গোপনীয়, প্রকাশে মহদমিষ্ট ঘটনার সম্ভাবনা ।” স্থির কবিতা বলিলেন, “কিয়ৎক্ষণ অপেক্ষা কর, পাএই দিতেছি ।”

অনু । “উত্তম বিবেচনা করিয়াছেন, লিখিবার সময়ও অনেক বিবেচনার অবসর পাওয়া যায়, মুখে তাদৃশ হয় না ; বিশেষ মৌখিক সংবাদ-বাহকের ন্যায় পত্রবাহকের নিকট সংবাদগত কিছুই ইত্তরবিশেষ ঘটনার সম্ভাবনা থাকে না, এবং যাহাঁর নিকট সংবাদ প্রদত্ত হয়, তাহাঁরও সংবাদ-বিষয়ে সত্যাসত্য বিবেচনা করিতে হয় না ।”

বিজয় । “সঙ্গত ” বলিয়া পত্র লিখিতে যান, এমন সময় আকবরের অনুচর আসিয়া অভিবাদন পূর্বক বলিল, “যুবরাজ ! প্রভু আপনার অপেক্ষায় রহিয়াছেন ।’

• • বিজয় “সঙ্গর যাইতেছি ।” বলিয়া পত্র খানি লিখিলেন, কি লিখিলেন, একবার আদ্যোপান্ত পাঠ করা কর্তব্য ভাবিয়া পড়িতে লাগিলেন ।

“প্রগতি পূর্বক নিবেদনমিদম্ —

মহাশয় . আপনি যদি আমার শুভাকাঙ্ক্ষী হন, তাহা হইলে বিনা আপত্তিতে যাতুকদ্বারা গোপনে ওমরায়ের মস্তক ছেদন করাইবেন ; কিন্তু বাহিরে, বিশেষ মতির নিকট যেন এইরূপ প্রকাশ হয় যে, অশুকার রাত্রির যুদ্ধে ওমরাও বিনষ্ট হই-

রাছে । যাহাই হউক, মতি ব্যভিচারিণী, হিন্দুমান্তেরই অস্পৃশ্য  
 ববনান্ন অবধি উহার উদরস্থ ছইয়াছে । যেরূপ দেখিতেছি,  
 তাহাতে উহার প্রকৃতিও যার পর নাই দূষিত ও ভয়াবহ ; এখানে  
 আহার-জন্য প্রাণ দিতে পারে, কিন্তু চিরকালই যে আহার এরূপ  
 বশ্য থাকিবে, ইহা কোন মতেই বোধ হয় না, ব্যভিচারী সম  
 নিত্য নুতনেই অভিনায়ী ষাউক, ৭ কথা আন্দোলনের  
 এ সময় নহে, উপস্থিত মতে ঐ বিষয়ের বিবেচনা করা যাইবে ।  
 এক্ষণে আদেশমত কার্য্য করিয়া আহার অনুবোধ রক্ষা করি  
 বেন । ইহার মধ্যেই ঐ পাষণ্ডের যেরূপ দাস্তিকতা, তাহাতে ও  
 জীবিত থাকিলে পারে নানা বিপদ ঘটবার সম্ভাবনা । আর  
 কিছু লিখিবার অবসর নাই, সাক্ষাতে সমস্ত মনের কথা বলিব ।  
 এক্ষণে এই কার্য্যটি যাহাতে শূন্দর রূপে নিষ্পন্ন হয়, তাহা  
 করিবেন, ইতি ।

শ্রীবিজয়—

পত্রখানি রুছ করিয়া উপরে অঙ্গুরীয় মুদ্রায় আপন নাম  
 মুদ্রিত করিলেন, পরে অনুচর হস্তে প্রদান করিয়া বলিলেন,  
 “সাবধান, অন্যহস্তে কদাপি প্রদান করিও না ।”

অনুচর নমস্কার করিয়া বিদায় হইল, বিজয়ও আকবরের  
 নিকট গমন করিলেন

তৃতীয় স্তবক ।

“প্রাণপনে প্রাণ সঁপিলাম যারে সেই হস্তারক প্রাণে  
ক্রীধর ।

যদি এই মোহেই জীবনের অবসান হইত, তাহা হইলে কুলপালিকাকে আর চেতনা জন্য যাতনা সহ্য করিতে হইত না । একে মোহজনিত দেহের দৌর্বল্য, তাহাতে স্বামীরূত অপমান । মানিনী,—প্র-সিগী, পিতৃতত্তার স্বামীরূত অবমানন,—সহ্য হয় ন, মৌহের অবসানে কুলপালিকার আর যাতনাব পরিশেষ রছিল না, কি কষ্ট ? কেনই বা একপ হইতেছে ? কিসেই বা উহার অবসান হইবে ? কিছুই বুঝিতে পারিতেছেন না, হৃদয় আলোড়িত, উদ্ভ্রান্ত, চকিতমাত্র জ্ঞানের আবির্ভাবে বোধ হই-তেছে যেন হৃদয় বিদৌর্ণ হইয়া যায়, অথচ যে হৃদয় সেই হৃদয়ই রহিয়াছে সে দেহ, সেই দেহেই সেই গৃহে বসিয়া রহিয়াছেন, অবস্থাব অবস্থান্তর ঘটে নাই, কুলপালিকারও মৃত্যু হয় নাই, যতই জ্ঞানের বিকাশ, ততই কষ্টের আবির্ভাব, মুদ্রিত নয়নে অপেক্ষাকৃত যাতনার আধিক্য, আর সহ্য করিতে পারা যায় না ।

নয়ন উন্মীলিত হইল, কুলপালিকা চাহিয়া দেখিলেন, কিছুই নাই, শাস্তির কিছুই নাই,—নিশ্চিত নিশ্চয় স্থিরীকৃত হইল,—সত্য সত্যই বিজয় গমন করিয়াছেন, প্রাণের সহচর,—হৃদয়ের শাস্তিকর বিজয় গৃহে নাই, তাঁহাকে সেই অবস্থায় ফেলিয়াই গমন করিয়াছেন । শূন্য গৃহে মাত্র পরিচারিকা, সজলনয়নে

তালবৃন্ত বীজন করিতেছে, হৃদয়ের যাতনা অভিমাণে পূর্ণ হইল, জিজ্ঞাসা করিবেন, নয়ন অশ্রুজলে আবর্তিত হইয়া আসিল, ককণস্বরে বলিলেন, “সখি ! আরো কি এ অভাগিনীকে যাতনা দিবার ইচ্ছা আছে ?”—আর বাক্য স্ফুর্তি হইল না, নয়নজলে কণ্ঠ অবকঙ্ক হইয়া আসিল, পরিচারিকা ককণবদনে কুলপালিকার মুখে জল প্রক্ষেপ করিতে লাগিল ।

কিয়ৎক্ষণ পরে কুলপালিকা আপন পুত্রকে পরিচারিকার অঙ্কে প্রদান করিয়া অন্য গৃহে গমন করিলেন, আশঙ্কায় পরিচারিকাও অনুগামিনী হইল, কুলপালিকা উর্হাকে অনুগমনে নিষেধ করিয়া পরক্ষণেই সেই স্থলে পুনরায় আগমন করিলেন ।

পরিচারিকা কিছু বুঝিতে না পারিয়া উদাসভাবে উর্হাকে একদৃষ্টি দেখিতে লাগিল । কুলপালিকা গম্ভীর স্বরে বলিলেন, “সখি ! আমার সহিত তোমাকে একবার দেবী বসুদেবীর গৃহে যাইতে হইবে ”

পরি । “এত রাত্রিতে না গিয়া কলা প্রাতে গমন করিলেই ত হইতে পারে, সমস্ত দিবস আহারাদি হয় নাই, এক্ষণে আহারাদি করিয়া শয়ন করুন ।”

কুল । “আহার করিয়াছি ।”

পরি । “কই আপনি কখন আহার করিলেন ?”

কুলপালিকা কোন উত্তর প্রদান না করিয়া আপন পুত্রকে আপন অঙ্কে গ্রহণ পূর্বক গৃহ হইতে বহির্গত হইলেন ।

পরিচারিকা অগত্যা উর্হার অনুবর্তিনী হইল । কিন্তু উর্হার সহসা গৃহান্তরে গমন, আহারের কথায় ঐরূপ প্রত্যাশারদান, তৎপরে দেবীর সহিত সাক্ষাৎের কারণ কিছুই বুঝিতে না

পারিষা সন্ধিচ্ছিত্তে গমন করিতে লাগিল, তাঁহার গভীর মূর্তি দর্শনে কারণ জিজ্ঞাসাতেও সাহস হইল না ।

### চতুর্থ স্তবক

“পূর্ণা মে মনোরথা যাবদনুপলক্ষিতঃ সগিন্ধয়ামি বহ্নিগু ।”

বেণীসংহার

প্রকৃতেও বরং দোষের সম্ভব, কিন্তু কৃত্রিমে বাহ্য দোষের নাম গন্ধও থাকিবার সম্ভাবনা নাই ।

যাঁহারই ত্রাকণ্যে সন্দেহ, তাঁহারই সর্ব্বাঙ্গে ত্রিলক, যাঁহারই সম্মাংস গ্রহণ ভেকমাত্র, তাঁহারই জটাব পারিপাটা । বিমাতার মরণে সপত্নী-পুত্রেরই শোকের আধিক্য হইয়া থাকে, এবং কুলটার নিকটেই পতিভক্তির চূড়ান্ত নিদর্শন প্রাপ্ত হওয়া যায় । পতির মরণে পতিত্রতার বা কি দুঃখ, কতই বা ক্ষোভ, কুলটাগণ তদপেক্ষা যেন শতগুণ দুঃখ ক্ষোভে ত্রিয়মাণ হইতে থাকে । গিরি নির্ঝরেরও বরং অপলাপ সম্ভব, কিন্তু কুলটা নয়ন কিছুতেই নিবৃত্ত হইবার নহে, “এই অঙ্গ কিরূপে আজ অগ্নির এই অসহ্য উদ্ভাপ সহ্য করিবে ?” এ দুঃখের আর উপশম নাই,— বিষন্ন নয়নে অজস্র অশ্রুপাত, দুঃখিত হৃদয়ে অবিরত করাঘাত ছান্বিতে দেখা যায়, অবশেষে উত্তাপ নিবারণের জন্য চিত্তাক্রম পতিগাত্রে স্বকরে তালবৃন্ত পর্য্যন্ত বীজিত হইতে আরম্ভ হয় । বাহিরে এইরূপ ভাণ, কিন্তু অন্তরে চিত্তাগত পতিমূর্তির সত্ত্বর ভ্রমসংকরণই উদ্দেশ্য ।

এইকপ বাহ্য আড়ম্বরমাত্রেরই প্রায় অন্তর শূন্য বা বিযুক্ত অভিপায়ে পূর্ণ ।

কোন সম্পর্ক নাই, অথচ একজনের ক্রেশ দর্শনে অন্যের যে অপেক্ষাকৃত শতধারে অশ্রদ্ধা বা প্রবাহিত হইতে থাকে, অবশ্যই তাহার অন্তরে কোন না কোন গূঢ় কারণ নিহিত থাকিবে, অন্তর কবাট বন্ধ, প্রকাশ নাই, বাহ্যে যেন পরমাত্মীয়, মুখবর্ণ বিবর্ণ, নমন সজল, অথচ প্রফুল্লমনে মনে মনেই কপাটী আপন্যর অভীষ্ট সিদ্ধিব অবসর প্রতীক্ষা করিতেছে । ধন্য হৃদয়ের প্রফুল্লতা, ধন্য নয়নের জলধার বর্ষণ ! এক অন্তরে এককালে দিব্য-রাত্রিব উদয়, কেহ কখনো প্রতীক্ষা করে নাই, কর্ণে মাত্র শ্রবণ করিয়াছে কিন্তু আজ বালোরাওর ভাব দর্শনে তাহ প্রীত্যক্ষ অনুমিত হইতেছে । আপনি নিজেই ওমরায়ের সর্বমংশের মূল কারণ, অথচ মতিবিবীর নিকট সম্পূর্ণ উদাসীন, যেন কিছুই জানেন না, বিজয়েব পএকেই মূল কারণ করিয় মতির উল্লেখ অজ্ঞপ্র অক্ষপাত করিতেছেন ও ককণময় বিলাপবাক্যে পীষাৎ অধিগ বিদ্ধ করিতেছেন । হৃদয় এমনি উদ্ভাস্ত, যে কেন এমন অসদৃশ আত্মা হইল, তাহার কারণ নির্ণয়েরও অবসর নাই, ওংবাংের সেই সেই ভাব সেই সেই আকার প্রকার প্রভৃতির উল্লেখ করিয়া মতিবিবীর হৃদয়কে যার পর নাই আক্রমণ করিয় তুলিতেছেন ।

মতিবিবী স্ত্রীজাতি, চিরদিন সুখভোগে মগ্নিত হইয়া আসিয় ছেন, অতি শৈশবাবস্থায় পিতামাতার শোক পাইয়া-ছিলেন বটে, কিন্তু হৃদয়েরও হৃদয় পুত্রের শোক কহিকে বলে তাহা জানেন না, বিশেষ যাহারা জাতিধর্ম বশত পরের হৃৎখেও

দুঃখিত হইয়া থাকে, সেই স্রোজাতির উপর এই বাতন !—  
একমাত্র পুত্রের মরণ, বিশেষ য হাকে প্রাণ তুলা ভাণ বাসেন,  
সেই বিজয় হইতেই এই সর্বনাশ সঙ্ঘটন, আবার স্মৃতি খা  
নাওব সেই সেই ককণ আবেদন—মহা হইল না, মৃত্যুবিধা  
অবশ্য হইবে ধর্মাতলে বনিয়া পাড়িলেন

ঝালোর । “আঃ কি সর্বনাশ . বৎসে ! শাপ্ত হও, অদৃষ্টে  
সে কত দুঃখ আছে, তাহ কে বলবে ? বৎসে .—মাতৃ —এ  
সময় একটা কাতর হইবার সময় নহে, ওঠ ”

মাতৃবনী অতি ককণ শরে বলিলেন, ‘মহাশয় আর  
আগ্রহ করিবেন ন ? এই বয়সে আর পাপের বাঁক নাহ, যে,  
প্রাণ হইতেও অধিক স্নেহ করে, তাঁহাকে প্রবঞ্চনা করিয়া  
জপাজে বিশ্বাস করবার ফল প্রত্যক্ষ লাভ করিলাম বাহার  
জন্য ধন যৌবন এমন এমন কি জীবন অবাধ বসন্তে দিতে  
উচিত, সেইই আজ তাহার উপযুক্ত পুরস্কার প্রদান করিতেছে ।  
আর মী ! এক্ষণে অনুগ্রহ করিয়া চিত্ত প্রস্তুত করিয়া দিন,  
বাহার অমঙ্গল সংবাদ না শুনিতে শুনিতেই তঁা গনা অনলে  
জীবন বিসর্জন করিয়া নিশ্চিত হউক ।—তাঃ জঁা গন র  
সঙান, এসংসারে কেহই নাই ; মাহ র উপর রক্ষার ভার, সে  
নিজেই তঁাহার বধে উচিত, আর কে রক্ষা করবে ?—ও র পারি  
না, স্থান বিদার্ন হয় —মহাশয় ! আপনার পায়ে ধরিতেছি,  
এ অভাগিনীর জন্য নানা কষ্ট পাইরাছেন, এক্ষণে এই শেষ  
প্রার্থনাটি রক্ষা করুন, একটা চিত্ত প্রস্তুত করিয়া দিন, বনিয়া  
সকল জ্বালার হাত হইতে নিস্তার পাই ।”

ঝালোর । “মায়ের প্রাণ, এক্ষণ সংবাদে যে কাতর হইবে,

তাহাতে বিচিত্র কি ? আমার কন্যা পুত্র কিছুই নাই, নিজেও কঠোর হৃদয় পুরুষজাতি, তথাপি যেরূপ যাতনা হইতেছে, তাহা স্থানান্তরিত ।—আঃ দুইটীমাএ ভাগিনেয়, তাহাদিগকে লইয়াই সুখ স্বচ্ছন্দে কাল যাপন করিতেছিলাম, পোড়া বিধাতার কি তাহাও সহিল না ? রাজ্য গিয়াছে, পবের অধীনে রহিয়াছি, এমন যে ভগ্নী, তিনিও সর্বদাই প্রতিকূলাচরণ করিতেছেন, তথাপি এক দণ্ডের জন্যও ক্রেশ বোধ করি নাই ; উহাদিগকে লইয়াই অপারিসময় সুখস্বচ্ছন্দে কাল যাপন করিতেছিলাম । আজ অদৃষ্টগুণে তাহাতেও কি রক্ষিত হইলাম ? মনে হইলে হৃদয় বিদীর্ণ হইয়া যায়, সেই মনোহর আকার, সেই প্রফুল্ল কাঙ্ক্ষি আজ অসিহস্ত যাতুকের সরে সমর্পিত হইল ? প্রচণ্ড চণ্ডালের হস্তে ? দয়া নাই, মায়ী নাই, চণ্ডালের হস্তে ?—বধের জন্য বধ্যভূমিতে ?—নীত হইল ? সেই মনোহর আকার, সেই প্রফুল্ল বদন ভয়ে মলিন হইয়া গিয়াছে সেই কেমল অঙ্গ নিশিত খজো খণ্ড খণ্ড হইবে ?—রক্তে ধরাভল আন্নাবিত হইবে ? ইহাই দেখিবার জন্য কি শেষ বয়সে বিধাতা আমাকে এই মায়ার আগারে নিষ্কপ করিয়াছিলেন ?—

—“একি ?—অচেতন ? বাছা . তোকে যে এত দুঃখ ভোগ করিতে হইবে, এ কে জানিতে পারিয়াছিল ?” উত্তরীয় দ্বারা বীজ্ঞন করিতে লাগিলেন

কিয়ৎক্ষণ পরে গতিবিধী চেতনা লাভ করিয়া উঠিয়া বসিলেন ।

ঝালোর “বৎসে ! আমরা পূর্বজন্মে যে কত দুঃস্বত্ব কর্ম করিয়াছিলাম, তাহার ইয়ত্তা নাই । যাকি সুখের কারণ মনে

করিয়া আছলান্দে উন্নত হই, সে সমুদায়ই নিরর্থক ; ধনই বল, যৌবনই বল, অদৃষ্ট মন্দ হইলে কিছুতেই কিছু হয় না । দেখ, ঈশ্বরেচ্ছায় তোমার ধনের অভাব নাই, সহায়েরও অভাব নাই নিজেও যুবতী, সকলেরই আদরের পাত্র, তথাপি তোমাকেও যখন এই ভয়ানক বিপদ সহ্য করিতে হইল, একটীমাত্র সন্তান,—তাহারও মরণ যখন —” আর বাক্য তূর্তি হইল না, অশ্রুজাল কণ্ঠরোধ হইয়া আসিল ।

অদূরে পদশব্দ,—ঝালোবরাও যেন চমকিত হইয়া উঠিলেন, সেই দিকে দৃষ্টি নিক্ষেপ করিয়া দেখেন, কে একজন ব্যক্তি সত্বরগমনে তাঁহাদিগের নিকটই আসিতেছে, সসন্ত্রমে জিজ্ঞাসা করিলেন, “কে যায় ?”

“ভূতা টেচৎসিং ।”

ঝালোর । “টেচৎসিং ? কিছু কি করিতে পারিলে ?—চণ্ডালগণ যেরূপ নিষ্ঠুর, তাহাতে তাহারা কি এ সময় আমাকে বা মৃতিকে গ্রাহ্য করিবে ?”

টেচৎ । “অধম যখন উহাতে নিযুক্ত হইয়াছে, তখন কখনো নিরীশ হইয়া প্রত্যাবৃত্ত হইবে না ।”

ঝা । “কি !—কার্য্য সিদ্ধ হইয়াছে !—জাতঃ । যে ৭৭৩-সংবাদ প্রদান করিলে, ইহার উপযুক্ত পুরস্কার কি আছে যে, তাহা দিয় তোমাকে সন্তোষ করিব বাহা সাধ্য গ্রহণ কর ।” বলিয়া কৰ্ণ হইতে মণিময় কুণ্ডল উন্মোচন করিয়া উহার হস্তে প্রদান করিলেন । টেচৎসিং ভূমিষ্ঠ হইয়া প্রভুব পদে নমস্কার পূর্বক বলিল, “মহারাজ ! সমুদায় হইয়াছে বটে, কিন্তু কিঞ্চিৎ অর্থের আবশ্যক ।”

ঝালোররাওর সে দিকে কৰ্ণ নাই, তামোদে পুলকিত হইয়া মতিবীবীকে বলিলেন, “বৎসে ! আর ভয় নাই, টেচৎসিং চতালদিগের হস্ত হইতে আমার বৎসকে রক্ষা করিয়াছে !”

টেচৎ “কি দেবীও এখানে ? এই অপরিচ্ছন্ন মৃত্তিকার উপবহি আসীন রহিয়াছেন ? দেবি নমস্কাব কবি !”

মতি । “তোমাকে আমি আর কি দিব ? আজ হইতে অভাগিনী তোমার ক্রীতদাসী হইল ” বলিয়া টেচৎসিংএর পদতল ধারণ কবিলেন

টেচৎসিং সমস্ত্রয়ে কিঞ্চিৎ দূরে দণ্ডায়মান হইয়া বলিল,— “কি সৰ্ব্বনাশ এ জনো এই দুঃখভোগ, আবার পরজন্মে কি ইহা হইতেও অধিক কষ্ট ভোগ কবিত্তে হইবে ?”

ঝা । “সত্য সত্যই কি মতি পাগল হইলে ?”

মতি । “কোথায়, আমাব ওমবাও কোথায় ?”

টেচৎ “কিঞ্চিৎ অর্থ না পাইলে চণ্ডালেরা তাঁহাকে দিতে চাহে না। কি আশ্চর্য্য ! এক মুহূর্তের মধ্যে নগবস্থ যাবিতীয় লোকই কি বিজয়ের পক্ষ হইয়া উঠিল, এমন কি ঘাতুকেবা অবধি তাঁহার আজ্ঞা উল্লঙ্ঘন কবিত্তে চায় না নগবে প্রবেশ, রাজা দেবীকে লইয়া পায়ন করিয়াছেন শুনিলাম বিপক্ষ-গণও দলবল সমেত দক্ষিণ দ্বার অবরোধ করিয়াছে, দুর্গের সেনাগণও তাহাদের পক্ষ হইয়াছে আব বিলম্ব নাই, তাহারা নগরে অচিরে প্রবেশ কবিবে। অতএব আর বিলম্ব বিধেয় নহে, শীত্র কুমারকে মুক্ত কবিত্তে না পারিলে বিষম বিপদ ঘটবার সম্ভাবনা ?”

ঝা । “ঘাতুকেরা কি চায় ?”

টৈচৎ । “পঞ্চসহস্র মুদ্রা আমি অনেক আপত্তি কবাত্তে তাহার। বলিল, ‘আপনাদেব জীবন দিয়া কুমাবের জীবন রক্ষা করিতেছি, ইহাতে কথামাত্র শুনিব না। কাষেই আমি নিরস্ত হইয়া আপনার নিকট আসিলাম বাটীতে দেখ না পাইল দ্বার-পালের কথানুসাবে এই উদ্যানে আসিয়াছি।”

ঝা । “আমার অনুসন্ধানে আবশ্যক কি ছিল, বাটী হইতে অর্থ লইয়া কুমাবকে লইয়া আসিলে না কেন ?”

টৈচৎ । “আপনি এখানে, অর্থ কোথা হইতে লইব বিশেষ যত দেবী নিদ্রা গিয়াছেন, তাহার নিদ্রা ভঙ্গ করিতে গেলে, নানা গোলযোগের সম্ভাবনা।”

ঝা । “তবেইত, কি করা যায় ?”

মতি । “তাহার জন্য চিন্তা কি ? আপনি আমার সহিত আসুন, অর্পণ দিতেছি। আর তাহার জন্য অর্থ রাখিব ?”

ঝা । “টৈচৎসিং তুমি কিয়ৎক্ষণ অপেক্ষা কর, আমি আসিতেছি।”

কিয়ৎক্ষণপরে মতিবিনী ও ঝালোররাও পুনরায় সেই স্থলে আসিয়া উপস্থিত হইলেন।

অর্থ লইয়া টৈচৎসিং প্রস্থান করিল।

ঝা । “আমি এই রাত্রি মধ্যেই উহা স্বতন্ত্র স্থানে রাখিয়া দিব। আর বিজয়ের উপর বিশ্বাস কি ? কি আশ্চর্য্য ! বাহার জনসর্কস্ব পণ, তাহারই এই আচরণ। তুমি স্ত্রীলোক, তোমার অপরাধ কি ? বিশ্বাস করিয়া যেমন উহার করে সর্কস্ব অর্পণ করিয়াছিলে, পামর তেমনি উহার প্রতিফল প্রদান করিয়াছে, ঈশ্বরেচ্ছায় এখন যে প্রাণে প্রাণে বাছা রক্ষা পাইল, এই

মঙ্গলেই মঙ্গল । কিন্তু আমিও বলিতেছি, যদি আমি জীবিত থাকি, তাহা হইলে ওমরাওকে একদিন না একদিন রাজসিংহা সনে নিশ্চয়ই বসাইব বাহা হউক, এক্ষণে কিছুদিন ওমরাওকে গোপলে রাখিতে হইবে নতুবা এক্ষণে প্রকাশ হইলে সমূহ বিপদ স্টিবার সম্ভাবনা ।

মত । “বাহা ভাল বুঝেন করবেন !”

ঝা । “কিন্তু তুমি যেখানে থাকিবে, যেন সংবাদ পাই ।”

উর্দাদিগের এইরূপ কথোপকথন হইতেছে এমন সময়, টেচৎসিং ওমরাওকে লইয়া সেই স্থলে আসিয়া প্রবেশ করিলেন মাতাকে দেখিয়া ওমরায়ের দুই চক্ষে জলধারা বহিতে লাগিল, মতিও পুত্রকে অঙ্কে ধারণ করিয়া রোদন করিতে লাগিলেন ।

ওম । “মা . ইহা হইতেই আমি প্রাণে রক্ষা পাইয়াছি । ছুবায়া বিজয় আমার প্রাণবধের জন্য চওালদিগকে আদেশ করিয়াছিল ।”

মতি । “বাহা যাঁহা হইতে প্রাণে রক্ষা পাইলে, তাঁহাকে নমস্কার কর ।”

পূর্বোক্ত অক্ষয়'২ বিষয় আর্জুনাদ-শব্দ উচ্চিত হইল শ্রবণমাত্র উর্দাদী সকলেই চমকিত হইয়া উঠিলেন ; মতি-বিবী সসম্মুখে আপন অটালিকাভিমুখে প্রশ্ন কবিলেন । মতির আজ্ঞাব ঝালোর ওমরাওকে লইয়া টেচৎসিংএর সহিত আপন গৃহে গমন করিলেন ।

পঞ্চম স্তবক ।

“দুক্ষালেনেব ভয়ানি ভিন্নভাজনবস্তি চ ।

অস্মাত্ৰাত্ৰানি বেশ্যানি ভবতঃ প্রাপিত্যাত্মাং ।

রাগায়ণম্ ।

তুঘুল আর্তনাদ—অবলার কোমল-কণ্ঠ-বিনিঃসৃত কৰ্ণ  
বিলাপধ্বনি,—অস্তঃপুর, রাজপুর প্রতিধ্বনিত করিয়া তুলিল ।  
কারণ নির্ণয় নাই, বারণেরও অবসর নাই, প্রধান রাজপুরুষগণ  
শত্রুর আগমনাশঙ্কায় যোদ্ধাবেশে অস্তঃপুরে প্রবেশ করিতে  
লাগিলেন, পুররক্ষক সেনাগণ সসজ্জ হইয়া পুরদ্বারে দণ্ডায়মান  
হইল এবং বিপুল নাদে অবিবত দামামা ধ্বনিও উদ্গত হইতে  
লাগিল । ঘোঁরা রজনী, বিপুল আর্তনাদ, ঘোর গভীর দামামা-  
রবে বিমিশ্রিত বিপুল কৰ্ণধ্বনি—দূরদূরাস্ত অবধি প্রতি-  
ধ্বনিত করিয়া তুলিল । চমকে গৃহস্থ স্থায় চমকিত ও নিদ্রিত-  
নয়ন উন্মীলিত ;—“কিসের শব্দ ?” প্রতিবেশী প্রতিবেশীকে  
সভয়ে আহ্বান করিতেছেন ও “সহসা এরূপ গোলোযোগের  
কারণ কি ?” জিজ্ঞাসা করিতেছেন, কিন্তু কিছুই নির্ণয় হইতেছে  
না । স্থির কর্ণে কলরবস্থান লক্ষ্য হইতে লাগিল,—“রাজপুরী,”  
সকলেই একবাক্য,—“রাজপুরী” হৃদয় বজ্রে আহত হইল ।  
অনুমান,—যবনগণ নিশ্চয়ই গোপনে রাজপুরী আক্রমণ করি-  
য়াছে, “অবলাদিগের রোদন শব্দ ?—অস্তঃপুর ?—সর্বনাশ,  
আমরা জীবিত থাকিতে যবনগণ রাজ্যের অন্তঃপূর্ব অবধি আক্র-  
মণ করিল ? এখনো দেখে রক্ত বহমান ”—মুহূর্ত্তের অপেক্ষা

সহিল না, সকলেই রণসজ্জায় সজ্জিত ও রণোৎসাহে উৎসাহিত অবলাগণ যখনদিগের নাম শ্রবণে উন্নত কণ্ঠে রোদন করিয়া উঠিলেন, শাস্ত্র বাক্য নিবৰ্থক, কে কাহারে শাস্ত্র বাক্যে সাস্তুনা করিবে? সকলেই সাস্তুনার পাএ। পরক্ষণেই কলরব উঠিল,—“ভয় নাই, ভয় নাই, ছুরাওয়া বিজয়ের পত্নী কুণপালিকা দেবী বহুমতীর হস্তে আপন পুত্র প্রদান করিয়া বিষপানে প্রাণ পরিত্যাগ করিয়াছেন” সকলে কথঞ্চিৎ আশ্বস্ত হইতে না হইতেই নগরের দক্ষিণ হইতে পুনরায় এই শব্দ উঠিল। “সাবধান সাবধান, ছুরাওয়া আকবর বিজয়ের সহিত নগরের দক্ষিণ দ্বার অধিকার করিয়া দলবল সমেত নগরে প্রবেশ করিতেছে। রাজপুত্র দামামা ধ্বনিশ্রবণে দ্বার রক্ষক সেনাগণের অধিকাংশই পূর্বা অভিমুখে গমন করিয়াছিল। সুযোগ পাইয়া ছুরাওয়া দ্বার অধিকার করিয়া, রাজপুত্রের অভিমুখে আগমন করিতেছে। কি স্ত্রী কি বালক, কাহারো রক্ষা নাই, সম্মুখে যাহাকে পাইতেছে, তাহার প্রতিই পামরগণ যথেষ্টাচার করিতেছে।” শুনিবামাত্র নগরী রাজভবন কম্পিত হইয়া উঠিল, গৃহস্থ মাত্রেই রণবেশে গৃহ হইতে বহির্গত হইয়া দক্ষিণাভিমুখে ধাবমান হইলেন, রাজভবন আলোক মালায় উজ্জ্বলিত হইয়া উঠিল ও যোদ্ধাদিগের বীরদর্পে পুরী প্রতিধ্বনিত হইতে লাগিল। প্রত্যেক দুর্গই বহ্নিজ্বালায় প্রজ্বলিত ও দামামা শব্দে প্রতিধ্বনিত। দুর্গান্তরবর্তী সেনাগণ বিশূলবেগে দুর্গ হইতে দুর্গান্তরে গমন করিতেছে ও প্রধান রাজপুরুষগণের আস্থায় দ্বার রক্ষার জন্য ভিন্ন ভিন্ন সৈন্য প্রতীদ্বারে গমন করিতেছে। নগরী স্ত্রী বালবৃদ্ধের ককণরবে আকুল,

রাজপথ লোকে লোকারণ্য, রণবেশে বেশিত রাজপুতগণে  
পরিপূর্ণ, ব্রাহ্মণ ক্ষত্রিয় জাতি বিচার নাই, সকলেই সশস্ত্র,  
যে দিকে কলরব উঠিতেছে, সেই দিকেই বিপুল বেগে ধাবমান  
হৃদয়ের উত্তপ্ত শোণিত বিষম বেগে সর্বাঙ্গে বিচরণ কবিত্তেছে  
এবং হস্তস্থিত করবাল মনের উৎসাহে অবিবত কম্পিত হই-  
তেছে । মুখে ভবানীর ঠৈরন নাম, মনে মায়ের কধিরময়  
উপহারদানে আকাঙ্ক্ষা । জীবনমরণে তুচ্ছজ্ঞান, অপাবিগীম  
রংসাহে হৃদয় উৎসাহিত । সকলেই অকুতোভয় ও অসাম  
সাহসে বিষম সাহসী, অন্যের অপেক্ষা নাই, সঙ্ঘের সঙ্গীর  
প্রতিও দৃক্পাত নাই, বর্ষার স্রোতের ন্যায় বিষমবেগে রাজ-  
পুতসেনা দক্ষিণ দ্বারে আসিব যবন সেনার সহিত মিলিত  
হইল ।

মনোবেগে শাস্তির পদার্থ অগ্রে উপস্থিত, উপায় হস্তে  
নিহিত, বিশ্রাম নাই, তীক্ষ্ণধার তরবারের আঘাতে প্রতিফলে,  
প্রতিমুহুর্তে অগণ্য যবন যুগু বিনিপাতিত হইতেছে অঙ্গের  
বান্ধানা, অস্ত্রের পদধ্বনি ও বীরগণের সিংহনাদে রংস্থল তুমুল-  
ধ্বনি নিনাদিত চন্দ্রমা ঘোর মেঘে আচ্ছন্ন, নিকটের বস্তুও  
বিশেষ লক্ষ্য হয় না, আলোক জ্বালিবারও বিশেষ উপায়  
নাই ; মাত্র ভবানীর নামে আত্মপব নির্ঝাচন হইতেছে । যাহার  
মুখে ভবানীর নাম, তাহারই নিস্তার, বিনা মায়ের নামে আজ  
যমেবও নিস্তার নাই । অস্ত্রে অস্ত্র বিষয়িত, স্বর্ষ্যে স্ফুলিঙ্গ  
উদ্গাত, অবশেষ কধিরাসারেই তাহা নির্ঝাচিত হইতেছে ।  
ঘোর সংগ্রাম,—যোদ্ধাগণ বাহ্যজ্ঞান শূন্য,—উন্মত্ত, সংগ্রামেই  
তগনস্ক, অসিমুক্তি প্ৰাণবৎ কঠিন ও নিষ্ঠান্দ রক্তের চালনা

নাই, অথচ প্রহাৰেও বিরতি নাই, জীবনের অপলাপেই প্রহা-  
 রের অপলাপ, নতুবা যে গতি সেই গতিতেই অস্ত্র চালিত হই-  
 ত্বেছে মুহূর্তের মধ্যে অধিকাংশ যবনসেনা সময় শয্যায় শবন  
 করিল, দেখিয়া আকবর সেনাপতি নান্নুগাঁকে ভবানীর নাম  
 উচ্চারণ করিতে ইচ্ছিত কবিলেন, আদেশানুসারে প্রথমে নান্নুগাঁ  
 পরে অন্যান্য যবনগণ ও আকবরের ইচ্ছিতেব পেষকতা কবিল  
 সকলের মুখেই ভবানীর নাম, হিন্দু যবন জাতিভেদ নাই, সক-  
 লেই উন্নতত্বরে ভবানীর নাম উচ্চারণ করিতেছে ও সেই প্রজ্ব-  
 লিত সময়ানলে আত্ম বা পর জীবন আহুতি প্রদান কবিত্বেছে,  
 চৈতন্য নাই, কে কাহার বধ্য, জ্ঞান নাই কিয়ৎক্ষণ পরে  
 রাজপুত্রগণের বিক্রান্ত চেতনা প্রকৃতিস্থ হইল, হস্তও প্রহাৰে  
 বিরত হইল। রাজপুত্রগণ স্তম্ভবৎ দণ্ডায়মান, কি কর্তব্য  
 তদ্বিবয়েই সন্ধিহান অবশেষে যবনদিগের দুই অভিযুক্তি  
 নির্ণীত হইল, উপায়ও তৎক্ষণাৎ স্থিরীকৃত হইল, শুদ্ধ  
 ভবানীর নাম, যবনজাতির অগ্রাহ্য নহে, কিন্তু উর্হা কোন  
 বিশেষণপর বা কার্য্যপর হইয়া উচ্চারিত হইলে উর্হারা কদাচই  
 তাহার অনুকরণ করিবে না, স্থির করিয়া সেই ভাবেই মাদ্যের  
 নাম উচ্চারণ পূর্বক রাজপুত্রগণ পুনরায় মহা সংহসে যুদ্ধে  
 প্রবৃত্ত হইল। তখন আকবর সংকল্পিত উপায় হইতে  
 নিরাশ হইয়া পৃথ্বীরাজকে বলিলেন, “পৃথ্বীরাজ এক্ষণে  
 তোমার সময় উপস্থিত, যে সকল যবনসৈন্য নগর প্রবেশ  
 করিয়াছিল, রাজপুত্রগণের প্রায় সমস্তই বিনষ্ট হইয়াছে, রাজ-  
 পুত্রদিগকেও এক্ষণে যেরূপ সমবোৎসাহে উৎসাহিত দেখা  
 যাইতেছে, তাহাতে তুমি কতিপয়মাত্র সৈন্য লইয়া উর্হাদি-

গকে উদ্ভাস্ত করিতে পারিলেই বিনা আয়াসে জয়লাভ করিতে পারা যাইবে, তোমরা পরস্পর স্বজাতীয় ; অধিক আর কি বলিব, এক্ষণে তুমি ভিন্ন জয়লাভের আর অন্য উপায় নাই।”

অধর্ম-যুদ্ধে পৃথীরাজ প্রথমত স্নোকার করেন নাই, অবশেষে আকবরের প্ররোচনায় ও তোষাগোদে অগত্যা উহাকে উহাতে স্নোকার করিতে হইল, কিন্তু স্বয়ং যুদ্ধস্থলে যাইতে কোন মতেই সম্মত হইলেন না। আকবর কি করেন, তখন তাহাতেই সম্মত হইয়া পৃথীরাজের সৈন্যদিগকে নাশু খাঁব আয়ত্তাধীন করিলেন এবং যখন সৈন্যগণকে নগরীতে পূর্কদার আক্রমণ করিতে আদেশ করিলেন

এই কোশলেই যে রাজপুতগণের সেই বিষম উদ্যম ভঙ্গ হইত, তাহা কোন মতেই সম্ভাবিত নহে ; যদি সেই সময় রাজার পলায়ন সংবাদ নগরে প্রচার না হইত, তাহা হইলে অদ্যকার একরূপ সহস্র সহস্র কোশল ও রাজপুত সেনার শাণিত তরবারির নিকট ভ্রূণবৎ তুচ্ছ জ্ঞান হইত। রাজার পলায়নে নগরের যাবতীয় লোক এককালে যার পর নাই নিরাশ হইয়া পড়িল। যুদ্ধে আর কাহারই তাদৃশ উৎসাহ রহিল না, সকলেরই হৃদয় একান্ত আকুল ও মন নিতান্ত চঞ্চল হইয়া উঠিল। অবশেষে কর্তব্য কি ? তমিকরণের জন্য প্রধান ব্যক্তিগণ একত্র দলবদ্ধ হইলেন এবং এইরূপ আন্দোলন হইতে লাগিল যে, “আকবর ভয়ানক পরাক্রান্ত, বিশেষ মল্লদেব তাহার সহিত যোগ দিয়াছেন। রাজা থাকিলেও যাহা হয়, একরূপ ঘটিত ; কিন্তু রাজ পলায়ন করিয়াছেন, এক্ষণে যে নুতন লোক নির্বাচন করিয় তাহার হস্তে সমুদয় ভার সমর্পিত

হইবে, এরূপও দেখিতেছি না। বিশেষ দুর্গস্থ প্রায় ষাণ্ঠীয় সেনা-  
গণের কাহাকেই তাদৃশ্ উৎসাহের সহিত যুদ্ধ করিতে দেখা  
স্বইতেছে না, ভিতরে অবশ্যই কোন গূঢ় কারণ থাকিবে।  
অতএব এ সময় কর্তব্য কি?”

পরিশেষে স্থির হইল।—

“প্রাণ সত্ত্বে কখনই সহজে নগরী যবনের হস্তে প্রদান  
করা হইবে না অথচ এ যুদ্ধেও যে আমরা জখলাও করিব,  
তাহারও সম্ভাবন দেখি না। অদৃষ্টে যাহা আছে, ঘটবে, কিন্তু  
দুরাচার যবনগণ যে আগাদিগের অন্তঃপুর-কামিনীগণের উপর  
যথেষ্টাচার করিবে, ইহা কোন মতেই সহ্য হইবে না। রমণী-  
গণ অনলে জীবন পরিত্যাগ করুক এবং যতক্ষণ না এই কাণ্ড  
সমাধা হয়, ততক্ষণ যেন কোনমতে যবনেরা নগরে প্রবেশ  
করিতে না পায়, তদ্বিষয়েও বিশেষ চেষ্টা হউক”

এই নিশ্চয়ই স্থিরনিশ্চয় হইল।

সংকল্প মাজেই অনুচর দ্বারা নগরের মধ্যস্থলে প্রকাণ্ড  
খাত খানিত ও অতুজ্জ্বল বহ্নিজ্বালায় কুণ্ড প্রজ্জ্বালিত হইয়া  
উঠিল, ভীষণ-দর্শন বহ্নিশিখা গগনতল স্পর্শ করিয়াছে।  
“আর বাজি নাই, সত্বর কার্য্য সমাধা হওয়াই কর্তব্য।”

পুত্রের মাতা, ভ্রাতার ভগিনী, প্রণয়ীর প্রণয়িণী সজল-  
নয়নে আপন আপন প্রিয়জনের নিকট জয়ের মত বিদায়  
গ্রহণ করিতেছেন; দুই চক্ষুে অবিবল অশ্রুধারা, জয়ের মত  
জগতের সাধে বঞ্চিত। প্রণয়িণী রক্তবসনে সর্ব্বাঙ্গ আবরিত  
করিলেন এবং সম্বাচিহ্ন সিদ্ধুবিন্দু কপালে ধারণ করিয়া  
প্রিয়তমের নিকট গমন পূর্ব্বক কাঁদিতে কাঁদিতে বলিলেন,—

“সাধের গৃহ, সাধের শয্যা, সাধের সম্ভান ও জীবনেরও জীবন তোমা ধনে বঞ্চিত হইয়া জ্বলন্ত অনলে জীবন বিসর্জন দিতে চলিলাম, বিদায় দেও।”

প্রিয়তমার হৃদয়-বিদারক ককণবাক্যে পাষাণ হৃদয় বিদ্ধ হইল কাঁদিতে কাঁদিতে প্রেয়সীরে হৃদয়ে ধারণ করিলেন, বলিলেন, “আজ হইতে এ দক্ষহৃদয়ের আশা ভরসা সমুদয় বিলুপ্ত হইল; যাও, জঘান্তরে আর যেন তোমাকে এমন কঠিন হৃদয় নরাধমের হস্তে পড়িতে না হয়।—আঃ—এই রাত্রি প্রভাত হইতে না হইতেই যেন এই পাপদেহ শত সহস্র খণ্ডে বিভক্ত হয়, নিরাশার প্রভাত আর যেন এই পাপচক্ষে দেখিতে না হয় যাও, ঈশ্বর তোমার মঙ্গল করুন” প্রণয়ী প্রণয়িনীকে বিদায় দান করিলেন এবং আপনিও জীবনের আশায় জ্বলাঞ্জলি দিয়া মরণ বা রণবেশে সজ্জিত হইলেন।

ক্রমে রাজপথ, পরে কাত্যায়নীর মন্দির কাশিনীগণে পরিপূর্ণ হইল, মন্দিরদ্বারও উদ্বাটিত হইল; অগ্রে করালান ভীষণমূর্তি।—রমণীগণ গলে পটাঞ্চল প্রদান পূর্বক করপটে মায়ের অগ্রে দণ্ডায়মান হইয়া ককণস্বরে বলিতে লাগিলেন, “মা, তোমার চিরদিনের সাধ, আজ পরিপূর্ণ হইল। পাষাণি! আর কিছুতেই কি তোার ক্ষুধার শান্তি হইল না? অবশেষে ভক্তেরই রক্ত পান করিয়া নিশ্চিত হইলি.—যে তোমার উপসন্না করিবে, তাহারি কি এই দশা কবিবে? এক্ষণে বিদায় দেও, অনলে জীবন বিসর্জন করিয়া তোমার অনিবার্য ক্ষুধার শান্তি করি।” ককণরবে মন্দির প্রতিধ্বনিত হইয়া উঠিল।

অবলাগণ ভক্তিতাবে কাত্যায়নীকে প্রণিপাত করিয়া মেই

পেজ্বলিত অগ্নিকুণ্ডের চারিধা বে আসিয়া শ্রেণীবদ্ধ হইয়া দণ্ডায়মান হইলেন মাত্র দেবীর আগমনাপেক্ষাই অপেক্ষা ।

ক্রমে দেবী বসুমতী অন্যান্য রাজমহিলাগণে পরিবৃত্তা হইয়া সেই স্থলে আসিয়া উপস্থিত হইলেন, সঙ্গে প্রতাপসিংহ বসুমতী প্রতাপকে সম্বোধন করিয়া বলিলেন, “প্রতাপ . যদি রাজপুত্রকে জন্ম গ্রহণ করিয়া থাক, যদি রাজপুত্র বলিয়া পরিচয় দিতে বাঞ্ছা কর, যদি এই ক্ষত্রিয়চিহ্ন তরবারি ধারণে অভিলষ থাকে, তাহা হইলে আমাদের এই অপঘাত মৃত্যু—এবং তোমাবই পিতার সহোদর ছুরাওয়া বিজয়ের আচরণ স্মরণ রাখিও, যতদিন না ইহার প্রতিশোধ দিতে পারিবে, ততদিন কিছুতেই আমাদের উদ্ধার সাধন হইবে না। সামান্য উপকরণে রাজপুত্রজাতির প্রৌতকার্য্য সমাহিত হইবার নহে ; শত্রুকধিরই ইহাদিগের উদ্ধার সাধনের একমাত্র উপকরণ । এই তোমার রাজদণ্ড তরবারি, গ্রহণ কর ; এই তোমার রাজসিংহাসন অধিপৃষ্ঠ, আরোহণ কর তোমার আর অন্যবিধ অভিষেকের প্রয়োজন নাই, অভাগিনীর নয়ন-জলেই তোমার অভিষেকবিধি সম্পাদিত হইল ; আজ হইতে দুঃখের রাজ্যেই অভিযুক্ত হইলে । যদি কখন আমার গর্ভজাত পুত্র বলিয়া আপনার পরিচয় প্রদানে সমর্থ হও, যদি কখনো আমাদের উদ্ধার সাধনে সক্ষম হও, তাহা হইলে প্রকৃত রাজ্য সুখ অনুভব করিতে পারিবে, নতুবা চিবদিনই তোকে দুঃখের শয্যায় শয়ন করিয়া দুঃখময় স্বপ্নে ভীত হইতে হইবে । অন্য সাক্ষীর প্রয়োজন নাই, সম্মুখে এই জ্বলন্ত অগ্নি আর তোর মায়ের এই স্কুর জলেই এ বিষয়ের প্রকৃত সাক্ষী আমরা বিদায় হই

ক্ষত্রিয়ের মাতা রঘুকুলের কামিনী অনলে জীবন বিসর্জন দিতে চলিল, ভগবন্ চন্দ্রমা ! মেঘে অঙ্গ আবরণ কর, এ কলঙ্ক যেন তোমার নয়নগোচর না হয় - মহিষী নিস্তব্ধ হইলেন । প্রতাপি সজলনয়নে মাতাকে নমস্কার করিলেন

নয়নের নিমেষ পড়িল না, তুমুল আর্তনাদের সহিত সেই নগরের সৌভাগ্য-লক্ষ্মী—রাজ্যের সৌন্দর্য্য গরিমা, জ্বলন্ত অনলে সমাহিত হইল ।

প্রতাপ সেই ভয়ঙ্কর কাণ্ড স্বচক্ষে প্রত্যক্ষ করিয়া সজলনয়নে অশ্রু আরোহণ করিলেন । অনেকে অনুবন্ধী হইতে চাহিল, কিন্তু সকলকে নিষেধ করিয়া একাকী দ্বারাভিমুখে গমন করিলেন ।

এদিকে ক্রমে সেই কাল রজনীরও অবসানকাল উপস্থিত, দেখিয়া রাজপুত্রগণ প্রত্যেকে পীতবসন পরিধান পূর্বক প্রত্যেক পুরদ্বার উন্মোচন করিলেন, আকবরও দলবল সমেত ভীষণ পরাক্রমে নগরে আসিয়া প্রবেশ করিলেন । যুদ্ধের জন্যও বিশ্রাম নাই, উদয়াস্তও লক্ষ্য নাই, সমস্ত দিবস অমিয়ত যুদ্ধের পর বেলাবসানে যবনগণ মহা উল্লাসে জয়ধ্বনি করিয়া উঠিল । রাজপুত্রগণের নিরাশাব সহিত সেই তুমুল সংগ্রামেরও শেষ হইল প্রায় সমস্ত রাজপুত্রকুলই নির্মূল, ছিন্নদেহে নগর চত্বরে শয়ন করিয়া স্বাধীনতার সহিত জীবন বিসর্জন দিয়াছেন । নগরী প্রায় জনমানব শূন্য, প্রেতরাশিতেই পূর্ণ বিজয়সিংহ রাজসজ্জায় সজ্জিত হইয়া সেই শূন্য নগরীতে শূন্যময় বাজসিংহাসনে আসিয়া উপবেশন করিলেন ।

## পঞ্চম পরিচ্ছেদ ।



। তদ্বীকৃত্তং তব মম পুরঃ সাহসানীদৃশ্যনি  
শ্লাঘ সোঃস্বদ্বপুযি বিনয়ব্রূৎক্রমেঃপোয রাগঃ ।”  
বেণীসংহারনু ।

নগরীর কলরব নাই, জনসঞ্চারেরও সম্ভাবনা নাই, শান্তি প্রকৃতি শান্ত ভাবে শান্তি সিংহাসনেই বিরাজ করিতেছেন, রাজ্য অরণ্য—প্রজা বৃক্ষাবলি, কর ফলরাশি, বায়ু উপহার ও সুমধুর বিহগগীতিই স্তুতিপাঠিকার কার্য্য সমাধা করিতেছে । সুন্দর রাজ্যের সুন্দর ভাব,—সুন্দর মনেরই প্রীতিদায়ক হইয়া থাকে । এ রাজ্যে খলতা নাই, হিংসা নাই, রাগ ঘেঘ প্রভৃতি সাংসারিক ভাব কিছুই নাই, সমুদায় শান্ত, শান্ত ভাবেই পূর্ণ, বিজ্ঞ অরণ্য যথায় দূষিত-চিত্ত গ্লানিময় মানবের সঞ্চার নাই, সেই বিজ্ঞ অরণ্য; যথায় নিরন্তর দুঃখে অভিভূত, অথচ আত্ম জ্ঞানেই শ্রেষ্ঠ হিংস্রক মানব পশুর সঞ্চার নাই, সেই বিজ্ঞ অরণ্য, যথায় বিধিবিদেষী স্বাধীন ভাব নাই, সেই বিজ্ঞ অরণ্য,—শান্তির নিকেতন—বিধি মাগেই সৃষ্ট হইয়াছে, বিধিমাগেই চলিতেছে, আবার বিধিমাগেই নাশ প্রাপ্ত হইবে । এখানে নিজা নাই, কল্পিত সুখ দুঃখেরও স্বপ্ন নাই, যাহা সত্য, যাহা নিত্য, সেই ঈশ্বরভাবেই এস্থান নিরন্তর জাগরুক রহিয়াছে, তাপসের সাধনার স্থান, তপস্যার উপোবন । বাহ্য আড়ম্বরে পূর্ণ, বাহ্য শোভায় শোভিত,

বাহ্য সুখেই সুখিত সংসারীর পক্ষে ভয়ঙ্কর নরক স্বরূপ ।  
 আত্মসুখে সুখিত ঈশ্বরান্বেষীর পক্ষে অমৃতময় স্বর্গরূপ ; বিজন  
 অরণ্য ! কল্পিত সুখে সুখিত সংসার নহে, বিজন অরণ্যে  
 স্ত্রী পুত্রে পরিপূরিত নরকদ্বার নহে,—বিজন অরণ্য ! দুঃখের  
 নহে, মাএ সুখেরই স্থান, বিজন অরণ্য !

অদূরে ভগ্ন কুটির,—কুটির ভগ্ন, অথচ পুষ্টিত তরুনিকরে  
 নিত্য নবশোভায় পরিশোভিত ; সম্মুখে জলাশয়, বিস্তীর্ণ,  
 কোথায় যে শেষ হইয়াছে, লক্ষ্য হয় না, যতদূর দৃষ্টি নিক্ষেপ  
 করা যায়, ততদূরই সুনীল সলিল রাশি ; জ্ঞান হয়, অপর ভাগ  
 গগনে মিলিত হইয়া গিয়াছে বিধাতার জলগয়ী সৃষ্টি, মনু-  
 য়োর নির্মিতি নহে, দেবখাত । সুন্দর স্থান, শাস্তির স্থান !  
 কিন্তু ঐ কুটির দ্বারে বৃক্ষতলে যে অতিথি আসীন রহিয়াছেন,  
 ভাবদর্শনে স্ট্রাহাতে ত অণুমাত্রও শাস্তির ভাব লক্ষিত হইতেছে  
 না, যেন গ্লানিতে বর্ণ মলিন হইয়া গিয়াছে, করতলে কপোল  
 বিন্যাস করিয়া অজস্র অশ্রুপাত করিতেছেন, অঙ্কে রাজ-  
 পরিচ্ছদ, আকৃতিও রাজার অনুরূপ পাশ্বে কামিনী শয়ানা,  
 ঐ অতিথির অঙ্কে মস্তক সন্নিবেশিত ও অন্য সমস্ত অঙ্গ ধূলায়  
 লুণ্ঠিত, অঘোর নিদ্রাতেই অভিভূত রহিয়াছেন অতিথি সেই  
 ফুল্ল নলিনীর মুখপানে এক এক বার দেখিতেছেন ও দুঃখে  
 অজস্র অশ্রুপাত করিতেছেন । এ অতিথি কে ?—পরিচিত,  
 এক দিনের নয়, বহুদিনের পরিচিত,—রাজা উদয় সিংহ  
 অন্ধদেশে মতিবিবী শয়ানা, আর চলিতে পারেন না, কণ্টকে,—  
 পাষাণে অঙ্গ,—বিশেষ চব্বতল ক্ষতবিক্ষত হইয়াছে ; অঙ্গ অবশ,  
 চরণ বেদনায় কাঁটের, ভূমি স্পর্শে যেন মৃত্যু যাতনা উপস্থিত

হয়, কাঁদিতে কাঁদিতে রাজার অঙ্কেই শয়ন করিয়াছেন । কয়-  
 দিবস আহার নাই, নিদ্রাও নাই, বাজার সহিত বনে বনেই  
 স্রবণ করিতেছেন, বনে বনেই রোদন করিতেছেন, কিন্তু আর  
 চলিতে পারেন না, গরিতে হয় এখানেই মরিব, আর কোথাও  
 যাইতে পারিব না; এই নিশ্চয়েই স্থির জ্ঞান । রাজারও  
 ততোধিক কষ্ট, যবন হস্তে পরাজিত হইয়াছেন, রাজ্য গিয়াছে,  
 অপমানেরও একশেষ হইয়াছে, আর বাঁচিতে বাসনা নাই,  
 কিন্তু সঙ্গে মতিবিবী, যত্নের পর মতির কি দশা হইবে? কেবল  
 এই ভাবনাতেই বাঁচিব সাধ । আপন কষ্টে কষ্টজ্ঞানই হই  
 তেছে না, মতির কষ্টেই কষ্ট, মতির চরণ হইতে কথির ধারা  
 ক্ষরিতেছে, রাজার হৃদয়ের শোণিত শুষ্ক হইতেছে; মতির  
 অঙ্গ অবশ, রাজাব অন্তর কণ্টকে বিদ্ধ এত হইয়াছে তথাপি  
 চৈতন্য নাই; এখনো মতিই রাজার উপাস্যদেবতা, মতিই  
 বাজার ইষ্টমন্ত্র একটা কুলটাব, একটা বেশ্যার জন্য যে এক-  
 জন ক্ষত্রিয়, সূর্যাবংশীয় ভূপতির পবিত্র এইরূপ হইবে, ইহা  
 স্বপ্নের অগোচর ।

কিন্তু আর না,—মতি আপনার সর্ব্বন শ আপনাই করিতে  
 বসিয়াছে, স্বপ্নে বিজয়কেই তিরস্কার করিতেছে, যাঁহাতে রাজার  
 হৃদয় বিদ্ধ হয়, সেই ভাবেই তিরস্কার করিতেছে,—“বিজয় ।  
 এই কি তোর আচরণ ?” রাজা চমকিত হইয়া উঠিলেন, “আমি  
 রাজার অপেক্ষা ন করিয়া তোর করে জীবন যৌবন সমুদায়  
 অর্পণ করিলাম, এই কি তার প্রতিশোধ ?” রাজার মস্তক বিঘূ-  
 র্নিত হইল, মতিব মস্তক ভূমিতে নিক্ষেপ করিয়া দূরে গিয়া  
 দণ্ডায়মান হইলেন, চক্ষু রক্তবর্ণ হইয়া উঠিল, অসিও নিক্ষেপ-

যিত হইল, উঠেচঃস্বরে বলিয়া উঠিলেন, “পাপীয়সি ! আপন মুখেই আপন পাপ প্রকাশ ।—যুট উদয়সিংহ কিছুতেই যাহা বিশ্বাস করিতে চায় নাই, আপন মুখেই তাহার উল্লেখ আর অপ্রত্যয়ের নাই, চন্দ্র, সূর্য্য, স্বয়ং ঈশ্বরও তাঁর অনুকূলে সাক্ষী প্রদান করিলে আর অপ্রত্যয়ের নাই,—স্থির জ্ঞান, তুই কুলটা, তুই পাপীয়সী, তুই মায়াবিনী ইহা স্থির জ্ঞান, আর কিছুতেই যাইবে না, ইহা স্থির জ্ঞান । ওট,—আপনার প্রায়শ্চিত্ত গ্রহণ কর্ । মায়াবিনি ! এখনো নিদ্রার ছলনা ?—যে ক্ষত্রিয়সন্তান বেষ্ঠার বশীভূত, বেষ্ঠার দাস, তাহার আবার ধর্ম কি ? পাপ জাগাইবার আবশ্যিক নাই, নিদ্রিতাবস্থাতেই সংহার করা কর্তব্য ” উদ্ভত অসি বৃক্ষশাখায় লগ্ন হইল “কি ! পাপ মোচনে বাধা ?—রাজার সম্মুখে পাপে পক্ষপাত ?” বৃক্ষশাখা ছিন্ন হইল, শাখাস্পর্শে মতিরও নিদ্রাভঙ্গ হইল

নিদ্রা ভঙ্গে মতি রাজাকে ভদবস্থ দেখিয়া ভয়বিশ্বাসে চমকিত হইয়া বলিলেন, “কি মহারাজ ! কি হইয়াছে ?”

রাজা । “যদি তাঁর কোন অভ্যুত দেবতা থাকে, স্মরণ কর্,—উদ্ভতখড়া উদয়সিংহ আজ তাঁর পাপের প্রায়শ্চিত্তের জন্য দণ্ডায়মান ।”

মতি । “কি হইয়াছে ?”

রাজা । “কুলটা বধে কারণ নির্দেশ । যে ব্যভিচারিণীর ব্যভিচারে জগৎ ছারখার হইতেছে, তাহার বধে কারণ নির্দেশ ! যাহা আদেশ কবিলাম কর্, নতুবা এখনি মরিবার জন্য প্রস্তুত হ ।”

মতি । “ক্ষত্রিয়রাজার স্ত্রীবধ .”

রাজা । “যে ক্ষত্রিয় তোর সহবাসে কাল যাপন করিয়াছে, তাহার ক্ষত্রিয়ত্ব কোথায় ? সে নরাধম চণ্ডাল হইতেও নীচ, বনের বনপশু হইতেও নিকৃষ্ট ।”

মতি । “মহারাজ ! কি অপরাধে আমাকে বিনাশ করিবেন ?”

রাজা । অপরাধ ?—তোার বিনাশে অপরাধ ? এখনো বলিতেছি, ইচ্ছ দেবতার স্মরণ কর ।—তোারও আবার ইচ্ছ ?—ভ্রম ! মুখ উদয়সিংহের সমুদায়ই ভ্রম ■

মতি “মাকন তাহাতে কতি নাই, কিন্তু কি অপরাধে—

রাজা “আমার উপভোগ্য বস্তু পবের অক্লভুষণ !”—খড়গ যন্তকে আহত হইল ।

দাকগ খড়্গের দাকগ আঘাত, নিমেঘের অপেক্ষা সহিল না, মতি কম্পিত কলেবরে ধরাপৃষ্ঠে শয়ন করিলেন । কম্পের বিধাম, জীবনেরও অবসান । রবিকরে শোষিতা পদ্মিনীর সৌভবেব সহিত সৌন্দর্য্য-জীবনের শেষ হইল ; মতি চিরদিনের মত জগতের নিকট রাজার নিকট বিদায় গ্রহণ করিলেন । রাজ শাসনও শেষ হইল, উন্মত্ত ক্ষত্রিয়ের উত্তপ্ত হৃদয় বেগও শান্ত হইল । রাজা উন্মত্ত, শুষ্কিত ; স্থির দৃষ্টি মতিকেই দেখিতেছেন, কিন্তু কি দেখিতেছেন, জ্ঞান নাই ; হস্তের অস্ত্র ভুগিতে পতিত হইয়াছে, উদ্বোধ নাই ; যন্তক ঘুরিতেছে, পৃথিবী ঘুরিতেছে, তিনিও ঘুরিতেছেন ; আর দাড়াইতে পারেন না, অবশ দেহে অজ্ঞাত ভাবে সেই স্থলে বসিয়া পড়িলেন ; দৃষ্টি অবনত হৃদয়, পূর্ববৎ আলোড়িত । কিয়ৎক্ষণ পরে বিভ্রান্ত চেতনা যেন তাহাতে পুনরায় প্রতিনিবৃত্ত হইল,

মন্দির দিকে দৃষ্টি নিষ্ক্ষেপ করিলেন, মন্দির নাই, আত্ম দেহই ধরায় লুপ্ত হইতেছে; হৃদয় বজ্রে আহত হইল। মৃত শরীর অঙ্কে তুলিয়া লইলেন, হৃদয় বিদীর্ণ হইল। অস্তুরের মাতন্য অস্তুরেই রুদ্ধ, অস্তুরের ডাবনায় অস্তুরই দধ,—আর সহ হয় না।—মন্দির দেহ ভূমিতে নিষ্ক্ষেপ করিয়া কিঞ্চিৎ অস্তুরে গমন করিলেন, মনোবেগ শাস্ত হইল না; ফিরিয়া আসিলেন, দেখেন, যেখানে মন্দির দেহ পতিত ছিল, সেখানে কিছুই নাই। বিস্মিত ভাবে চতুর্দিকে দেখিতে লাগিলেন, কিছুই দেখিতে পান না। মনে অন্য ভাবের সঞ্চার, হৃদয়ও আকুল, পুনরায় চাহিয়া দেখেন, অদূরবর্তী লতা-কুঞ্জের অস্তুরে এক কৃষ্ণবর্ণ মানবাকার বিকৃতাকারে দণ্ডায়মান রহিয়াছে।

হৃদয় আহত হইল, সাহসে ভয় করিয়া জিজ্ঞাসা করিলেন, “কে তুমি? সত্ত্বর পরিচয় দে, নতুবা এখনই মস্তক ছেদন করিব।”

উত্তরে,—বিকৃত ভঙ্গিতে বিকৃত হাস্য মাত্র।

“কি আমার সহিত উপহাস?” কটি হইতে অসি নির্মুক্ত করিতে যান, অস্ত্র নাই, শূন্য কোষ কটিতে বদ্ধ। সেই মূর্তি পুনরায় হাসিয়া উঠিল।

“পদাঘাতেই তোমার হৃদয় চূর্ণ করিব।”—নিকটে না যাইতে যাইতেই চকিতের মধ্যে সে দৃশ্য অন্তর্হিত।

নির্জন কানন, রাজ্য একাকী, তাহাতে শোকে তাপে মন একান্ত বিচ্ছিন্ন হইয়া গিয়াছে, তাহার উপর আবার এই কাণ্ড, কিছুই বুঝিতে পারিলেন না, অবনত বদনে সেই বনভূমিতেই বসিয়া পড়িলেন, কিয়ৎকাল পরে পুনরায় চাহিয়া দেখেন,

নিকটে ছুইজন তপস্বী দণ্ডায়মান, রাজা তাপসাঁকার দর্শনে নমস্কার পূর্বক জিজ্ঞাসা করিলেন,—“আপনারা কে?”

“এই বনবাসী তাপস ”

“আমি কে?”

“আমাদিগের অতিথি,—রাজা উদয়সিংহ।”

“শ্রুতই কি আমি উদয়সিংহ?”

“হঁা মহারাজ ”

“তবে আশা সংক্রান্ত যা কিছু ঘটনা ঘটনায়েছে, সমুদায়ই সত্য?”

“সুস্থ হউন, পরে বলিতেছি ”

কিয়ৎক্ষণ পরে রাজা সুস্থ হইয়া উঠিয়া বসিলেন, তাপস বলিলেন, “মহারাজ! আপনিই রাজা উদয়সিংহ, রাজ্যক্রম হইয়া আমাদিগের এই আশ্রমে আসিয়াছেন; কিন্তু যাহার জন্য আপনাকে রাজ্যচ্যুত হইতে হইয়াছে, যাহার জন্য বনবাসী হইতে হইয়াছে, যাহার জন্য স্ত্রীপুত্রেরও অপ্রিয় ভাজন হইতে হইয়াছে, সেই পাপীয়সী কুলটার সহবাস কি আপনি ভুলেও পরিত্যাগ কবিত্তে পারিবলেন না! আমরা কল্য হইতেই অলঙ্কিত ভাবে আপনার সঙ্গে সঙ্গেই রহিয়াছি, উহাব সহবাস পরিত্যাগ না করিলে কদাচই আমরা আপনার সহিত সাক্ষাৎ করিতাম না। আমাদিগের এই আশ্রম, কিন্তু আপনি এখানে আসিয়াছেন বলিয়া আমরা এ আশ্রম অবধি পরিত্যাগ করিয়াছিলাম, ভাগ্যে আজ মতি স্বপ্নে আপনার পাপ প্রকাশ করিয়াছিল, তাই আমাদের সাক্ষাৎ পাইলেন, নতুবা আপনার জন্য আমাদিগকে যে আর কি উপায় অবলম্বন করিতে হইত, তাহী বলিতে পারি না।

যাহা হউক উহার বধ সাধন করিয়াও দেখিলাম, আপনি উহাকে বিস্মৃত হইতে পারেন না, উহার জন্য আপনার মন যেরূপ চঞ্চল হইয়াছিল, তাহাতে আমরা সহস্র উপদেশ দিলেও আপনাকে প্রকৃতিস্থ করিতে পারিতাম কি না সন্দেহ, এই আশঙ্কায় যখন আপনি উহার মৃত দেহ পবিত্যাগ করিয়া ক্ষিপ্তের ন্যায় অন্যত্র গমন করিলেন, তখন আমরা ঐ পাণ্ডীয় সীর দেহ সলিলে নিক্ষেপ করিলাম এবং আপনার মন অন্য-প্রকারে বিভ্রান্ত করিবার মানসে আমি আমার শিষ্যকে বলিলাম, যাহাতে রাজা বিশেষ ভীত হন, এইরূপ কর । তাহাতেই ইনি ঐ লতাকুঞ্জের মধ্যে বিকটাকারে দণ্ডায়মান হইয়া বিকট হাস্য করেন এবং বৃথা ভয়ে আপনার মনকে ঐরূপ উদ্ভ্রান্ত করিয়া তুলেন । যাহা হউক মহারাজ, আর আপনার চিন্তা নাই, যখন ঐ উপদেবচ্যুর আবির্ভাব আপনাকে হইতে মুক্ত হইয়াছে, তখন আর কিছুতেই আপনাকে বিপন্ন করিতে পারিবে না । কি আশ্চর্য্য । একটা কুলটা, বেশ্যা আপনারও মনের উপর প্রভুত্ব লাভে সক্ষম হইয়াছিল ? এক্ষণে উঠুন, স্নানাদি সম্পাদন করিয়া, "দেই ও মনকে সুস্থ করুন ।"

রাজা উহাদের কথায় কথকিৎ সুস্থির হইয়া উহাদের আশ্রয়ে স্নানাহার সগাপন করিলেন ।

## ষষ্ঠ পরিচ্ছেদ ।

প্রথম স্তবক ।

“কল্পধর্মেণ ধর্মজ্ঞ প্রোপা রাজাং সুহৃৎভম্ ।  
জিত্বা চারীণবশেষ্ঠ ! তপ্যতে কিং ভূশং ভবান ॥”

শান্তিপর্ব ।

কুরুক্ষেত্রের যুদ্ধের পর রাজা যুধিষ্ঠির রাজসিংহাসনে উপবেশন করিরাছিলেন, সত্য ; কিন্তু তাঁহার মনকে সুস্থ করিতে পারে, এমন অনেক পদার্থই ছিল ; প্রণয়িনী দ্রৌপদী ছিলেন, ভীমার্জুন প্রভৃতি ভ্রাতৃগণ ছিল, যাঁহার সহবাসে সকল দুঃখের উপশম হয়, এমন যে ভগবান ক্রীষ্ণ, তিনিই তাঁহার সখা ছিলেন, এবং অবশিষ্ট যা কিছু প্রজা ছিল, তাহারা হৃদয়ের সহিত তাঁহারই আশ্রয় বহন করিত । লঙ্কার যুদ্ধের পরও বিভীষণের মনঃপ্রাণিকর অনেক পদার্থ ছিল ; কিন্তু চিত্তোত্তেজ যুদ্ধের পর এক রাজসিংহাসন ভিন্ন বিজয়ের অঁীর কিছুই ছিল না ; সেই রাজসিংহাসনই তাঁহার রাজত্ব ছিল, এবং তিনিই তাঁহার রাজা হইয়াছিলেন ; রাজ্যের রাজ্য অনুদ্ভিষ্ট, প্রজার রাজ্য অরণ্যবাসী, যুগের রাজাই সিংহাসনে, ক্ষুণ্ণহৃদয়ে শূন্য ভবনে বিবাজ করিতেছেন, প্রজাগণ কেহই নিকটে আসে না, রাজপুরীর অভিমুখে দৃষ্টিপাত করে না, এবং রাজার মুখও দর্শন করে না, বিজয় কত ভাবিবেন, কোন্ দিকেই বা ভাবিবেন ? ও দিকে ত রাজার প্রতি প্রজাগণের ঐরূপ মনের ভাব, এদিকে

রাজ-কোষে অর্থ নাই, দেশে খাদ্যাদিবও বিলক্ষণ অভাব, আবার সমস্ত রাজ্যই প্রায় প্রজাশূন্য, নগরে প্রকাণ্ড প্রকাণ্ড অট্টালিকা সকল পড়িয়া রহিয়াছে মনুষ্য নাই, মাত্র বিজয়ের অভিশঙ্কা-  
 তের জন্যই বৃদ্ধা বৃদ্ধ ও শিশুগণ ভগ্নমনে সজল নয়নে অট্টালিকা সকল প্রতিধ্বনিত করিতেছে দেশে যুবক নাই, যুবতীরও বিরল প্রচার, ভদ্রগৃহে প্রায় স্ত্রী-মাত্রেয়ই অভাব । যাহা কিছু আছে, তাহা যবনেরই উপভোগ্য, প্রতিবাদী হইলে, রোদন করিলে, মস্তক ছিন্ন হইবে, তথাপি দয়ার উদ্দেক হইবে না । আর ক্ষত্রি-  
 য়ের স্বাধীনতা নাই, নগরীর বক্ষের উপর বিকটাকার যবনগণ শিবির সংস্থাপন করিয়া রহিয়াছে ও সর্বপ্রকারে হিন্দু-  
 ধর্মের হৃদয়ে পদাঘাত করিতেছে, নগরীরও পতন সম্ভব, কিন্তু আপন ইচ্ছা ব্যতীত তাহাদিগের পদমাত্র অপসরণও সম্ভাবিত নুহে । বিজয় অনুগ্রহীত, অনুগ্রহ করিয়া উহাকে রাজ্য প্রদত্ত হইয়াছে ; এই বিশ্বাসেই যবনগণ যথা ইচ্ছা যথেষ্টাচার করিয়া বেড়াইতেছে । কেহ নিবারণ করিবার নাই, আকবরের কণ গোচর করে, কাহারো এমন সাহসও নাই, থাকিলেও আকবর নুতন রাজা, নুতন দিখিজয়ে প্রবৃত্ত, এখন সৈন্যগণের উৎসাহ ভঙ্গ করিয়া তিনি তাহাদিগের অপ্রিয়-  
 ভাজন হইতে ইচ্ছা করেন না, মুখে বারণ করে মাত্র, কিন্তু কাহাকে বারণ করিবেন, তাঁহার ভিন্ন আর সকল পায়েরই সমান ধর্মজ্ঞান, সগান করণার ভাব ; প্রাণী প্রাণ নাশ হুরাঙ্গাদিগের কোলিক ত্রস্ত, সতীর সতীত্ব নাশ আমোদের পদার্থ ; সামান্য একটা মৃৎপাত্র ভগ্ন হইলেও কণেকের জন্য অনুতাপের সম্ভব, কিন্তু একটা মনুষ্যের মৃত্যুতে

উহারে তাহাও সম্ভাবিত নহে । নিষ্ঠুর মনক হইতেও ঘৃণিত ! যবনের মন আঁকিবার নহে, লিখিবারও নহে, যব-  
ল্লব মন যবনেরই অনুরূপ । পৃথিবীতে দৈশ্বর যাহা কিছু ঘৃণিত  
বীভৎস পদার্থের সৃষ্টি করিয়াছেন, তাহার সহিতও উহার  
তুলনা হয় না, উহা যবনেরই অনুরূপ ।

চিতোর ঐ যবনের অত্যাচারে যার পর উচ্ছৃঙ্খল হইয়া  
উঠিয়াছে, কোনদিকে আশ্রয়দেব নাম মাত্রও নাই, কেবল কঠন  
আর্তনাদেই চারিদিক প্রতিধ্বনিত । রাজপুরী শাশানতুল্য,  
দৃশ্যে চিতাগ্নি জ্বলিতেছে না, কিন্তু অদৃশ্য বহ্নিজ্বালা বিজয়ের  
হৃদয়ে নিরন্তর প্রজ্বলিত, নিভিবার নহে, যতদিন জীবন  
থাকিবে, ততদিন সমান ভাবে সমান ভেজে বিজয়ের হৃদয়েই  
জ্বলিতে থাকিবে ।

বাহিরের সিংহাসন বাহিবে পড়িয়া রহিয়াছে, কে বসিবে,  
বসিবার আবশ্যকও হয় না, বিজয় ক্ষুরমনে গৃহকোণে বসিয়া  
রহিয়াছেন, হুই চক্ষু জলে পূর্ণ, ভাবনাগ্ন হৃদয় অকুল, কতই  
ভাবিতেছেন ঝালোররাও নানামতে বুঝাইবার চেষ্টা করি-  
তেছেন, কিন্তু মন কিছুতেই ঠৈর্য্য মানিতেছে না, “যরং পৃথ্বী-  
রাজ যতদিন ছিলেন, ততদিন যবনের অত্যাচার অপেক্ষাকৃত  
অপ্প ছিল, পৃথ্বীবাজের গমন অবধি যবনগণ যাহা মনে ইচ্ছা  
যাইতেছে, তাহাই করিতেছে আজ ক্ষত্রিয় জাতিও যবনের  
ক্রোধার সামগ্রী হইল ?—রাজ্য নির্মূলক, বীরগণ সমর শয্যায়  
শয়ন করিয়াছেন, তাঁহাদের কাগিনীগণ আর যবনের অত্যাচার  
সহ্য করিতে পারে না, রোদন করিতেছে, জলে অনলে দেহ  
বিসর্জন দিতেছে, তথাপি উঠিবেন না ?—উঠিবার হইলে,

ইহাতেও কি তাঁহারা উঠিবেন না? আর উঠিবেন না; তাঁহাদের আদরের ধন নরাধম যবনপদে বিদলিত হইতেছে, জীবিত থাকিলে কি তাঁহারা সহ্য করিতে পারিতেন? মৃত্যু শয্যাশয়ন করিয়াছেন, আর উঠিবেন ন মহাশয়! আর আমাকে কি বলিয়া বুঝাইতে আসিয়াছেন, আমিই এই অনর্থের মূল, আমি হইতেই এই সর্বনাশ ঘটিয়াছে; রাজ্যের বিনাশ, স্বাধীনতার বিনাশ, আমি হইতেই হইয়াছে, আমি হইতেই রাজা রাজ্যচ্যুত হইয়াছেন, রাণীরা অগ্নিকুণ্ডে দেহ বিসর্জন দিয়াছেন এই নরাধম হইতেই কুলপালিকার মৃত্যু হইয়াছে!—  
পাপিষ্ঠ! নরাধম রাজ্যের সাধ! জীবনের সাধ! সমুদায় বিনাশ কবিতা আজস্থের কামনা? ওঃ—এই হতভাগ্য হইতেই সেই সুখপূর্ণ চিত্তোরের এই দশ হইয়াছে রাজ্য কাজ নাই, জীবনে কাজ নাই, মরিব, আত্মহত্যায় জীবন ত্যাগ করিব।

ঝালোররাও বলে বিজয়ের হস্ত হইতে ভরবারি গ্রহণ করিয়া বলিলেন, “মহারাজ! একি কাপুকষের অস্ত্র?—ক্ষত্রিয়ের নয়?”

বিজয়। “কাপুকষের অস্ত্র,—ক্ষত্রিয়ের নয়।”

ঝা। “ক্ষত্রিয় নরপতি কাপুকষ?”

বি। “কে ক্ষত্রিয়?”

ঝা। “মহারাজ বিজয়সিংহ ক্ষত্রিয়, সূর্যাবংশীয়, চিত্তোরের অধীশ্বর।

বি। তাহা নয়, ছুরাঝা বিজয় সিংহ সিংহাসনের উপ-যুক্ত নয়। সূর্যাবংশীয় নরপতি যবনের অনুগৃহীত? ছুরাচার বিজয়সিংহ কুলের কুলাঙ্গার।

ঝা । “তাঁহা নয়, মহারাজ বিজয়সিংহ চিতোরের  
অধীশ্বর ।

বি । “আমি কি আপনার উপহাসেব পাত্র ?”

ঝা । “উপহাসের পাত্র বটে, কিন্তু এক্ষণে আমি তাহা  
করিতেছি না প্রকৃত কথাই বলিতেছি ।”

বি । “বলুন, যাহার আপনার উপরও প্রভুত্ব নাই, তাহার  
অন্যের উপর ক্ষমত কি ? বলুন, অলক্ষ্য বলুন, —শূন্য  
বলুন,—বাতাসে বলুন, এ নরাদমকে বলিবেন না ।”

ঝা । আমি বিজয়সিংহকেই বলিযাছি, বিজয়সিংহকেই  
বলিতেছি, আবার বিজয়সিংহকেই বলিব ।—কোথায় যান ?”

বি । “ছাড়িয়া দিন, এ পাণ্ডিত্যের দেহ স্পর্শ করিবেন  
না, ছাড়িয়া দিন ।”

ঝা । “কদাচই ছাড়িব না ।”

বি । “আঃ—ছাড়িয়া দিন ।”

ঝা । “কদাচই হইবে না ।”

বি । “মরিতেও দিবেন না,—যাইতেও দিবেন না । তবে  
কি আগায় দক্ষ করিয়া মারিবার সাধ ?—আনুন,—অগ্নি আনি,  
এখনি পুড়িয়া মরিতেছি ।”

ঝা । “কেন অবারণ বৃথা ভাবনায় মনকে দূষিত করেন ?  
বলুন, স্তম্ভ হউন ।”

বি । “কি,—আমার ভাবনা বৃথা ?—আমার মনকে আবার  
দূষিত ?—দুরাত্ম বিজয়সিংহের স্বাস্থ্য লাভ ?—দিন,—অস্ত্র  
দিন, যদি এ নরাদমের স্বাস্থ্য প্রার্থনা কবেন ত অস্ত্র দিন,  
মরিয়া চিরদিনের মতন স্বাস্থ্য লাভ করি ।” \*

ঝা “আঃ নিকটে কি কেহই নাই ?”

এক জন দ্বারবান প্রবেশ করিয়া অভিবাদন পূর্বক সম্মুখে  
করপুটে দণ্ডায়মান হইল

ঝা । “শীঘ্র শীতল জল আনয়ন কর ।’

দ্বারবান জল আনয়ন করিলে, ঝালোর বিজয়ের মস্তকে  
জল সিঞ্চন করিয়া তাঁহাকে তাঁহাব আসনে বসাইলেন । দ্বার-  
বান চামর বীজন করিতে লাগিল । বিজয়সিংহ মুদ্রিত নয়নে  
অবশ-মস্তক ঝালোরের হৃদয়ে সম্মিবেশিত করিয়া অস্পন্দ-  
ভাবে অবস্থিতি করিতে লাগিলেন এবং ঝালোর ক্ষণে ক্ষণে  
উঁহঁর মস্তকে জল সিঞ্চন করিতে লাগিলেন

বহুক্ষণের পর যেন বিজয়ের কথঞ্চিৎ স্বাস্থ্য লাভ হইল ।  
নিমোলিত নয়ন অণ্ণে অণ্ণে উন্মীলিত হইল, চাহিয়া দেখেন,  
দ্বারবান বীজন করিতেছে এবং ঝালোররাও অণ্ণে অণ্ণে  
মস্তকে জলসেক করিতেছেন ; হস্ত সঙ্কোচে নিবারণ করিলেন

ঝালোর জলসেক বন্ধ করিয়া আপন উত্তরীয় দ্বারা উঁহঁর  
বদন মুছাইয়া দিলেন । ক্রমে একটু বলাধান হইলে, বিজয়  
উঠিয়া বসিয়াছেন, এমন সময় একজন দ্বারপাল আসিয়া  
করপুটে নিবেদন করিল, “ধর্ম্মাবতার দিল্লীর সম্রাট আকবর  
সাহ আপনুঁর সহিত সাক্ষাৎ করিবার বাসনার সভাশুলে  
দণ্ডায়মান ”

ঝালোররাও ঐ কথা শুনিবাঁমাঁত্র বিজয়ের অনুমতি ক্রমে  
আন্তে ব্যস্তে দ্বারপালের সহিত গমন করিয়া আকবরের সহিত  
পুনরায় সেই স্থলে আসিয়া প্রবেশ করিলেন, বিজয় অতি কক্ষে  
দণ্ডায়মান হইয়া সম্মুখবর্তী আসনে উপবেশন করিতে আক-

বরকে অনুরোধ করিলেন আকবর আগনে উপবেশ করিয়া জিজ্ঞাস করিলেন, “এরূপ অশুখের কারণ কি ?

বিজয় মস্তক অবনত করিলেন, ঝালোররাও আছোপাশু সমস্ত ঘটনা কীর্তন করিলেন ।

আকবর “কি আশ্চর্য্য ! সামান্য লোকের ন্যায় একজন সূর্য্যবংশীয় নবপতিরও চিত্ত সামান্য ক্ষোভে ক্ষুব্ধ হইবে ?’

ঝা “মহারাজ সত্ৰাট আপনাব সহিত সাক্ষাৎ করিতে আসিয়াছেন, ধৈর্য্য অবলম্বন করুন। আপনার ন্যায় মার বান্ ব্যক্তি গতানুশোচনায় কতক্ষণ অনুতপ্ত হইতে পারে ?”

আকবর “রাজন্ একজন বীরপুত্রের অন্তরে অনুশোচনাও আত্মদ লাভে সমর্থ হইতে পারে ? বীরগণ যাহা করি যাচ্ছে, তাহার জন্য অনুতাপ করিবে ? বজ্র ততক্ষণই বজ্র বলিয়া অভিহিত হইবে, যতক্ষণ তাহার প্রতাপ পর্ত মস্তককেও চূর্ণ করিতে সমর্থ হয় ; নতুবা সলিলে নির্দাপিত হইলে তাহার আর বজ্র তোথায় ? তুমি বীর, তুমি সূর্য্যবংশীয়, একজন পরীক্রান্ত নরপতি, তোমার মনও শোকে মুগ্ধ হইবে ?”——“বিজয় । তোমাদিগের ক্ষত্রিয়জাতির পরাক্রম কি এইরূপ ? রাজা যুদ্ধ করিবে, বলে পররাজ্য আপন আয়ত্ত করিবে, নিত্য নুতন জয়ে মনকে উৎসাহিত করিবে তাহার স্ত্রীলোকের ন্যায় এইরূপ সঙ্কুচিত মন হওয়া কি কর্তব্য ? যে রাজার যুদ্ধে ভয়, প্রাণিহত্যায় ভয়, সে রাজনামের অনুপযুক্ত, রাজত্বেরও অনুপযুক্ত ; তাহার অরণ্য বাসস্থান, তাপসবৃত্তিই জীবিকা তুমি রাজা হইয়া এরূপ শোকে তাপে মুগ্ধ হইবে ?—তুমি কি মনে কবিতেছ ? তুমি এরূপ কার্য্য আজ নুতন করিলে ? যে

রাজসিংহাসনে বসিয়াছে, সিংহাসনের সঙ্গে সঙ্গেই প্রাণি-  
হত্যা তাহার সংকল্পিত ব্রত স্বরূপ হইয়া উঠিয়াছে, তাহার  
অভাবে সিংহাসনের অভাব, তাহার সত্তাতেই সিংহাসনের  
সত্তা। ভয়, শোক, ক্ষোভ প্রভৃতি মনের বৃত্তি বটে, কিন্তু  
বোধ হয়, ঈশ্বর রাজার মনে ঐ সকল বৃত্তি প্রদান করেন নাই  
তুমি রাজা ও সকল বৃত্তি তোমার মনে থাকিলেও স্বীকার  
করিব না। প্রকৃতিস্থ হও, মনকে দৃঢ় কর, শোকে সামান্য  
লোকই মুগ্ধ হইবে, রাজা মুগ্ধ হইবে না, তুমি রাজা, তুমি মুগ্ধ  
হইবে না। ওঠ, স্নানাহার সম্পাদন কর, পরে বাহা কর্তব্য,  
তাহাতে শ্বিৎসংকল্প হও।”

বিজয় “মহাশয় . প্রজার জন্যই রাজ্যের সাধ, সুখের  
জন্যই জীবনের সাধ, যখন সেই উভয়ের অভাব, তখন রাজ্য  
বা জীবনে প্রয়োজন কি?”

আকবর। “রাজ্য থাকিলেই প্রজার সম্ভাবনা, দেহ  
থাকিলেই সুখের সম্ভাবনা। আশার উপর নির্ভর করিয়াই  
এত দিন জগৎ চলিয়া আসিয়াছে, চলিতেছে, পরেও চলিবে  
প্রাণী যাত্রাই আশার দাস, আশার জীবনেই জীবিত। তুমিও  
সেই প্রাণী, সেই আশার আশাতেই প্রতি মুহূর্তে শ্বাস ত্যাগ  
করিতেছ, শ্বাস গ্রহণ করিতেছ; তবে কেন তুমি এরূপ কাতর  
হইবে? তুমি যে রাজ্যের আশায় এককালে হত্যাশ হইয়া  
পড়িয়াছ তাহার কারণ কি? লোকে যে আশার বশবর্তী  
হইয়া অরণ্যে, মরুতে, রাজ্য সংস্থাপনে প্রবৃত্ত হয়, তাহাদের  
আশা কি তোমা অপেক্ষাও শূন্যের উপর অবলম্বিত নহে?  
শুনলাম, রাজ্যে যে সকল প্রজা আছে, তাহারা তোমার উপর

বিরক্ত, সেটীও তোমার একটী মনঃক্ষোভের কারণ, কিন্তু তাহারা যখন দেখিবে, তুমি ভিন্ন তাহাদের গতি নাই, তখন তাহারা এই তোমাতেই নানা গুণ দেখিতে থাকিবে। নূতন রাজা সিংহাসনে অধিরোহণ করিলে প্রজাগণের মনে নানা আশঙ্কা উপস্থিত হয়। বিশেষ তুমি যেরূপ ভূমিকার সহিত রাজ তন্ত্রেব প্রথম সোপানে পদার্পণ করিয়াছে, তাহাতে প্রজাগণ তোমার উপর প্রথম প্রথম বিলক্ষণই বিরক্ত হইবে, কিন্তু কখনই সে ভাব চিরদিন থাকিবে না। বিজয় . শূদ্ধ যুক্তির উপর নির্ভর করিয়াই এরূপ বলিতেছি না, আমি নিজে এরূপ ঘটনা বিস্তর ভোগ করিয়াছি। অতএব সে জন্য চিন্তা করিও না, ও চিন্তা বহুদিনের নহে।”

ঝা। “আপনার সেনাগণের অভ্যাচারও ইহঁদের মনঃক্ষোভের একটী প্রধান কারণ।”

আক। “আমিও অনেকের মুখে ঐ কথা শুনিয়াছি। সেই জন্য আমাব সেনানিবেশ নগরের বাহিবে সংস্থাপন করিবার আদেশ দিয়া আমি বিজয়ের সহিত সাক্ষাৎ করিতে আসিয়াছি। অল্প অপরাহুই আমি নগরের বাহিবে গিয়া অবস্থান করিব। কিন্তু এক্ষণে আমাব একটী জিজ্ঞাস্য আছে।”

ঝা। “আদেশ কখন ”

আক। “বাহার জন্য এই শুয়ঙ্গর যুদ্ধ ঘটনা হইল, কই তাহার শেষ ত এখনো হইল না?”

বিজ। “মতিবিবীর বিষয়?”

আক। “হ্যাঁ।”

বিজয় ঝালোররাওর অভিমুখে দৃষ্টিপাত্ত করিয়া বলিলেন,

“মতিবিবী কোথায়, অনুসন্ধান করিয়া তাহাকে উইঁার শিবিরে পাঠাইয়া দিন ”

ঝা । “মতিবিবী কোথায়, তাহাতো জানি না ”

বি । “আমি শুনিয়াছি, রাজার সহিত পলায়ন করিয়াছে ।”

ঝা । “আমি প্রথমে তাহাই শুনিয়াছিলাম, কিন্তু পরে যাহারা রাজাকে যাইতে দেখিয়াছিল, তাহাদের মুখে শুনিলাম, বাজা একাকী গমন করিয়াছেন, সঙ্গে কেহই ছিল না ।”

বি । “আমি বিশেষ না শুনিলে কি বলিতেছি ?”

ঝা । “তবে হইতে পারে ।”

বিজয় । “রাজা কোথায় গমন করিয়াছেন, সেটা বিশেষ অনুসন্ধান করিয়া মতিকে আনাইয়া মত্নাটের শিবিরে প্রেরণ করুন ।”

“আচ্ছা বলিয়া ঝালোররাও আকবরের প্রতি দৃষ্টিপাত করিয়া, বলিলেন, “মহাশয় দুই চাবি দিন অপেক্ষা করিতে হইবে ”

আক । “তবে আমি এক্ষণে চলিলাম, কিন্তু ও বিষয়ে একটু বিশেষ মনোযোগী হইবেন, নামুখাঁর নিকট আমাকে বিশেষ লজ্জিত হইতে হইতেছে । বলিয়া আকবর আসন হইতে গাত্ৰোত্থান করিলেন । বিজয় ও ঝালোর দ্বার পর্য্যন্ত উইঁার অনুগমন করিয়া আকবর আপন ঝানে অরোহণ করিলে উইঁার প্রতিনিবৃত্ত হইলেন ।”

---

## দ্বিতীয় স্তবক।

নীতির্নবত্যশ্চতুর্করুত্ত্বং জন্মান্তরং তীব্রএব পুংসঃ।

যুজ্ঞাংরাগামম্।

পরদিন প্রভাতে ঝালোরবাও বিজয়ের সহিত সাফাৎ করিবার মানসে আপন পুরী হইতে বহির্গত হইয়া অশ্বে আরোহণ করিতে যান, এমন সময় একজন অশ্বারোহী যবন টৈসনিক তাইীর পু ব ঘাবে আসিয়া অশ্ব হইতে অববোহণ করিল, এবং যথার্থ অভিবাদন করিয়া এক খানি পত্রিকা তাঁহার হস্তে প্রদান করিল ঝালোরবাও পত্র খানি গ্রহণ করিয়া জিজ্ঞাসা করিলেন, “কোথা হইতে আসিতেছ?”

“দিল্লীর সত্রাট আকবরসাহের শিবির হইতে।”

“সত্রাটের সেনানিবেশ কি নদীকূলেই সংস্থাপিত হইয়াছে?”

“আজ্ঞা হ্যাঁ”

ঝালোর পত্র উন্মোচন করিলেন, —

“মহাশয় যদি বিশেষ কার্য ক্ষতি না হয়, তাহা হইলে মহারাজ বিজয়সিংহের সহিত একবার আগার শিবির আসিলে বিশেষ উপকৃত হইব। যদি বিজয় এখনো বিশেষ স্বাস্থ্য লাভ করিতে না পারিয়া থাকেন, তাহা হইলে আপনি একাকী আসিলেই হইতে পারে।”

পত্র পাঠ শেষ হইলে ঝালোরবাও টৈসনিককে বলিলেন, “আমি রাজ পুরীতেই যাইতেছি, আগার সহিত আইস।”

বলিয়া অশ্ব আরোহণ পূর্বক অশ্বপৃষ্ঠে কণাধৃত করিলেন, অশ্ব তীরবেগে ধাবিত হইল, সৈনিকও আপন অশ্ব আবোহণ করিয়া উঁহঁর পশ্চাৎ অনুগত হইল । যুদ্ধভেঁর অপেক্ষা সঙ্কীর্ণ না, উভয়ে অভিলষিত স্থলে আসিয়া উপস্থিত হইলেন ।

অগ্রে রাজপুরী, বিচিত্র ধ্বজপতাকাধ পরিশোভিত রাজ-পুরী, দ্বারে মঙ্গলঘট, মঙ্গলময় সহকার পল্লবে আবরিত ডাল-পূর্ণ সুবর্ণঘট, তোরণোপরি মধুর মৃদঙ্গরবে মুখারত মধুর তুর্য্যধ্বনি, তোরণস্তম্ভে নববিকসিত পুষ্পের মালা, দ্বারপার্শ্বে নানা বেশে সুবেশিত দ্বারপালগণ,—স্বক্কে উলঙ্গ ভববারি, রবিকরে উদ্ভাসিত হইতেছে, তরুণ-সূর্য্যের তরুণ কিরণে পুনীবও তরুণতা সম্পাদিত হইয়াছে, পূর্বভাব অপনাত, নূতন ভাব অধুাদিত, আজ সমুদায়ই নূতন,—নূতন রাজ্যেব নূতন রাজা, নূতনবেশে, নূতন সিংহাসনে অধিরোহণ করিয়াছেন, পুরাতন মলিন ভাব দূরিত হইয়াছে,—পুরাতন মলিন বেশও অপনাত হইয়াছে । বিজয় রাজমঞ্জার রাজসিংহাসনে উপবিষ্ট,—অশ্ব রাজপরিচ্ছদ, মণ্ডকে রাজমুকুট, দুই পার্শ্বে চামর বোজিত হইতেছে, মন্ত্রকৌপিরি রত্নখচিত শ্বেতচ্ছত্র বিরাজিত রহিয়াছে মন্ত্রিগণ পরিচ্ছন্নবেশে আপন আপন আসনে উপবিষ্ট রহিয়াছেন, বন্দিগণ করপুটে স্তুতিপাঠ করিতেছে; আজীয়বর্গ যথাযোগ্য আসনে উপবেশন পূর্বক নানা কথায় বিজয়ের সম্ভ্রাব বিধান করিতেছেন । রাজপুরীর অপূর্ব শোভা, ঝালোর যাহা প্রত্যাশা করেন নাই, কল্যকাব ভাব দৃষ্টে যাহা কোনকালে প্রত্যাশা করিবেন কি না, ভাবিতেও পারেন নাই, এক রাত্রির মধ্যে তৎ-সমুদায় পরিবর্তিত হইয়া গিয়াছে, দেখিয়া ঈষৎ হাস্য করি-

লেন। হাঙ্গ্রা দর্শনে বিজয়ের মস্তক লজ্জায় অবনত হইল, দেখিয়া ঝালোররাও বলিলেন,—“মহারাজ! আপনাকে যে শ্রমপা দেখিব, ইহা আমি স্বপ্নেও অনুভব করি নাই। যাহা হৃৎক, আপনি গে প্রকৃতিস্থ হইবা আপনার ঠৈপত্বক সিংহাসনে অধিবোধন কবিয়াছেন, ইহা অপেক্ষা সম্ভ্রাষের বিষয় আব কি আছে?”

সভাশুদ্ধ সকলে তাঁহার বাক্যের অনুমোদন করিলে ঝালোর পুনবায় বলিলেন—“রাজন্ আকবর সাহের নিকট হইতে আপনার ও আমার নামে দুইখানি পত্র লইয়া এই লোকটি আসিয়াছে।” বিজয় পত্রের নাম শুনিয়াই কিঞ্চিৎ সঙ্কুচিত হইলেন। ভাবিলেন, “পত্রে মতিবির কথা তিন্ন আর কিছুই থাকিবে না, কিন্তু নানা স্থলে মতির নানা অনুসন্ধান হইয়াছে, কোন স্থানে তাহাকে ত দেখতে পাওয়া যাইতেছে না। রাজার অনুসন্धानে যে সকল লোক প্রেরিত হইয়াছে, তাহারাও প্রতিনিবৃত্ত হয় নাই।” এইবপ ভাবিতে ভাবিতে পত্র গ্রহণ পূর্বক পাঠ করিয়া বলিলেন, “আমার শবীর বিলক্ষণ অক্ষুণ্ণ আছে, আপনিই সগন ককন।”

ঝা। “তাঁহ কি ভাল হয়? আপনার শরীর অক্ষুণ্ণ, একাকী যাইতে পারিবেন না, বোধ হয় সেই জনাই আপনাকে সমভিব্যাহারে যাইতে লিখিয়াছেন। নতুবা আমি একা গিয়া কি করিব?”

বি। “আপনি তে অপর নহেন, আপনার যাওয়াতেই আমার যাওয়া হইবে। কিন্তু মতির কথা উঠিলে বলিবেন, মতি কোথায়, এ পর্য্যন্ত অনুসন্ধান হয় নাই। রাজার

অনুসন্ধানেন লোক প্রেরিত হইয়াছে, আমার বোধ হয়, - বোধ হয় কেন, নিশ্চয়ই যতি রাজার সহিত গমন করিয়াছে, অতএব নগরে প্রবেশ যাত্রাই তাহাকে আপনার শিবিরে পাঠাইয়া দিব। তাহাতে কাল বিলম্ব হইবে না।”

ঝা। “তবে শুদ্ধ আমার যাওয়াই কি স্থির হইল ?”

বি। “তাহাতে ক্ষতি কি !”

ঝা। “আচ্ছা, তবে চলিলাম।”

ঝালোররাও সেই সৈনিকের সহিত সভা হইতে বহির্গত হইলেন।

### তৃতীয় স্তবক ।

“তদেবম্প্রায়াতিকুটিলকচ্চেষ্টাসহস্রদাবণে বাজাতস্ত্রে  
তথা প্রযতেথাঃ, যথা ন প্রতাবাসে বিট্টেঃ,  
নাম্বাদ্যাসে ভুজ্জৈঃ, ন বধ্যাসে ধূর্ভেঃ।”

কাদম্বনী

আকবর আপন শিবিরে বসিয়া ঝালোররাওর আগমন প্রতীক্ষা করিতেছেন, এমন সময় ঝালোরর ও গিয়া শিবির-দ্বারে অশ্ব হইতে অবরোধ করিলেন সৈনিক অগ্রে গিয়া আকবরের নিকট ঝালোরের আগমন সংবাদ প্রদান করিলে আকবর সহাস্যবদনে শিবিরদ্বারে আসিয়া তাঁহার হস্ত ধারণ পূর্বক বলিলেন,—“আমার পত্রের তাবার্থ বুঝিতে পারিয়া-ছিলেন ?”

বা । “স্পর্শ পত্র, গৃঢ় ভাবার্থ ও কিছুই দেখিলাম না ?”

আকবর কিঞ্চিৎ লজ্জিত হইলেন, —দেখিয়া ঝালোররাও  
স্বয়ং হাস্য করিলেন

আক । “মহাশয় ! আমার অনুমান কখনই বৃথা হইব র  
নহে । যদি আমার শ্লাঘা বলিয়া কিছু থাকে, তাহা হইলে  
আকার দর্শনে লোকেব অন্তঃসার অনুমান করিতে পারাই  
আগার শ্লাঘার বিষয় । যতবার আপনার সহিত আমার  
সাক্ষাৎ হইয়াছে, যতবার কথাবার্তা হইয়াছে, ততবারই আমি  
আপনার মুখশ্রীতে বিশেষ বুদ্ধিমত্তার চিহ্ন লক্ষ্য করিয়াছি ।  
বলিতে কি, আপনি যদি আমার মন্ত্রিত্বপদে প্রতিষ্ঠিত হইতেন,  
তাহা হইলে আমি সমস্ত পৃথিবীরাজ্যকেও তৎবৎ তুচ্ছ বিবে-  
চনা করি । কিন্তু বলিতে সাহস হয় না, আপনার ন্যায় এক  
জন উচ্চবংশীয় ক্ষত্রিয়, বিশেষ রাজা কি যবনের মন্ত্রিত্বপদ  
স্বীকার করিবেন ?”

বা । “আপনার রাজবুদ্ধি, অবশ্যই প্রশংসনীয়, কিন্তু আমি  
ও আশাতে এমন কিছুই দেখিতে পাই না, যাহাতে আপনি  
আমাকে এরূপ বলিতে পারেন, অর্থাৎ কি বলিব ?—মহারাজ  
উদয়সিংহ আমার যাব পর নাহি আয়,—আমার যদি বিশেষ  
কিছু বুদ্ধিমত্তা থাকিত, তাহা হইলে এই চক্ষের উপর তাঁহাকেও  
রাজ্যভ্রষ্ট হইতে হয় ?”

আক । “রাজা উদয় হইরাছিলেন, যদি তিনি আপনার  
পরামর্শের অধীন থাকিয়া কার্য্য করিতেন, তাহা হইলে কখনই  
তাঁহাকে রাজ্যচ্যুত হইতে হইত না ।

সে যাহা হউক, আমি এই অল্প বয়সেই প্রতাপের যেরূপ

গান্ধীর্ষ্য, যেরূপ তেজস্বিতা দর্শন করিয়াছি, তাহাতে সে যৌবনাবস্থায় আপনার বুদ্ধি দ্বারা চালিত হইলে কখনই আমাকে নিরাপদে রাজ্যস্থ উপভোগ করিতে দিবে না। কিন্তু সেটীও আমার প্রার্থনার বিষয়, কারণ বিপদে জড়িত না হইলে সুখ, সুখ বলিয়াই অনুভূত হয় না। শত্রু না থাকিলে, রাজা যাব পর নাই বিলাসী ও অত্যাচারী হইয়া উঠেন, অকর্মণ্যেরও একশেষ হইয়া পড়েন, অবশেষে আপন রাজ্যই তাঁহার বিলাস কানন হইয়া উঠে ও আপন ইন্দ্রিয়ের তৃপ্তি সাধনই তাঁহার মুখ্য উদ্দেশ্য হইয়া পড়ে। কিন্তু আবার শত্রু নিতান্ত হীন বল ও নির্যেব হওয়াও তেমনি দোষের কারণ কেন না, ঐ সকল দোষের সঙ্গে সঙ্গে রাজা যাব পর নাই গর্বিভূত হইয়া উঠেন।”

ঝালোররাও সজলনয়নে বলিলেন, “মহাশয়! যাহা বলিতেছেন, তাহা সত্য, কিন্তু প্রতাপ আমার কি জীবিত আছে?”

আক্। “আমি নিশ্চয় বলিতে পারি, আপনি থাকিতে কোন অমঙ্গল ঘটনা প্রতাপের অনিষ্টাচার করিতে পারিবে না।”

ঝা। “আমি বিশ্বস্তহৃদে শুনিয়াছি যে, প্রতাপ ও ওমরাও দুইজনেই যুদ্ধে নিহত হইয়াছে।”

আক্। “ওমরাও?”

ঝা। “মতির পুত্র।”

আক্। “তাহার কথা যেরূপ শুনিয়াছি, তাহাতে সে যুদ্ধে আসিয়াছিল বলিয়া কোনমতেই বোধ হয় না। সে যাহা হউক মতির কি কোন অনুসন্ধান হইল?”

ঝা। “রাজা ত বিস্তর অনুসন্ধান করিতেছেন, কিন্তু

কোথাও তাহার অন্ত্রাণ পাইতেছেন না । আসিবার সময়  
আমাকে বলিয়া দিলেন, উদয়সিংহের অনুসন্ধান লোক  
দুপ্ররিত হইয়াছে । সেখানে যদি তাহার সাক্ষাৎ পাওয়া যায়,  
তাঁহা হইলে আগতমাত্র আপন র শিবিরে পাঠাইয়া দিবেন ”

আক । “আমার বোধ হয়, যে রাজা উহার জন্য রাজ্য  
অবধি পরিত্যাগ করিলেন, তিনি কি তাহাকে পরিত্যাগ করিয়া  
একাকী গমন করিবেন ?”

ঝালোররাও কোন উত্তর প্রদান করিলেন না ।

আক । “আপনি যে নিরুত্তর রহিলেন ?”

ঝা । “আমি কিছুই বুঝিতে পারিতেছি না ।”

আক । “কেন ?”

ঝা । “যেমন রাজা রাজ্য পরিত্যাগ করিয়াছেন, তেমনি  
ইনিও তাহার জন্য আত্মবিরোধ, স্ত্রী পরিত্যাগ, আপনার  
শরণ গ্রহণ, অবশেষে সমস্ত রাজ্য অবধি ছাৰখার করিলেন ।  
তবে ইহার পক্ষে রাজ্যের আশাও একটা বলবৎ কারণ হইতে  
পাবে । কিন্তু আমি গোপনে বিজয়েব প্রতি মতির যেরূপ অনু-  
রাগের কথা শুনিয়াছি ; শুনিয়াছি,—কেন, দেখিয়াছি বলিলেও  
বোধ হয়, অন্যায় বলা হয় না । বলুন দেখি, গোপনে মতি প্রদান  
না করিলে বিজয় কি সহজে এই যুদ্ধের ব্যয় সঙ্কুলন করিতে  
পারিতেন ? বা মতির আশায় অন্ধ না হইলে এই ঘণিত ব্যাপারে  
হস্তক্ষেপ করিতে পারিতেন ? যাহা হউক, মহাশয় ! আর আমি  
কোন কথায় থাকিতে চাহি না । পূর্বে উদয়সিংহের আচরণে  
নিতান্ত বিবক্ত হইয়াছিলাম, বিজয়কেও যথেষ্ট স্নেহ করিতাম,  
তাহার ফল যাহা ঘটিবার ঘটিয়াছে । আর না, ভগিনীর অপঘাত

মৃত্যু,—ভগিনীপতির রাজ্যনাশ,—বিজনবাস বা অন্য কোন দুর্ঘট ঘটনা, ভাগিনেয়েরও উদ্ধাপ অনিষ্ট সম্ভটনা,—এক এই হতভাগ্য হইতেই হইয়াছে । উদয়সিংহ আমারই রাজ্য রক্ষার জন্য গমন করিয়া ঐ পাপীয়সীকে আপন রাজ্যে স্থান দিয়া ছিলেন, প্রণয়ের বশীভূত হইয়া আমাকেও আনয়ন করিয়াছিলেন, আমরা উভয়েই তাহার প্রতিশোধ দিয়াছি । এক্ষণে যে কয়দিন বাঁচিব, সেই কয়দিন আপন রাজ্যেই অবস্থান করিব, স্থির করিয়াছি আপনি অনুমতি করুন, অস্ত্র হউক বা কল্য হউক, সপরিবারে আপন রাজ্যে গমন করিয়া গ্রামের জীবন গ্রহণিতেই অতিবাহিত করি । আঃ—এই রাজ্যে যখন প্রথম প্রবেশ করি, তখন ইহার কি অবস্থা দেখিয়াছিলাম, নির্গমন কালেই বা কি অবস্থা দেখিয়া চলিলাম । এই হতভাগ্যের অবস্থানেই কি এই সুখসমৃদ্ধপূর্ণ রাজ্য প্রেতপুরীতে পরিণত হইল ?”

আক । “মহাশয় ! বিধাতার নিরীক্ষ, যাঁহা ঘটবার ঘটয়াছে, তাঁহাতে আপনাব দোষ কি ?”

স্বা । “কিন্তু এই হতভাগ্যের এমনি অদৃষ্ট যে, এই চিত্তে কোটি কোটি লোকের বাস, থাকিতে বিধাতা কি আমাকেই ইহার উপলক্ষ্য করিলেন ?”

আক । “যাঁহা হইবার হইয়াছে, তাঁহাতে অকারণ কেন আপনাকে দুঃখে অভিভূত করেন ?”

স্বা । “মহাশয় ! দুঃখে থাকিতে কাঁহার অভিলাষ ? কিন্তু দৈব যখন প্রতিকূল হয়, তখন অসম্ভাবিত দুঃখও আসিয়া মানবের চিত্তকে অভিভূত করে, ইহা ত সাক্ষাৎ সম্বন্ধে জ্বলন্ত অগ্নিতে অবস্থান !—”

আক । — “কিন্তু আপনার চিত্তও যে দুঃখে অভিভূত হইবে, ইহা আমি স্পন্দেও প্রত্যাশা করি নাহি ।”

বা । “আপনি নূতন সংসারের নূতন সংসারী, সুখের শর্য্যাতেই লালিত হইতেছেন, সুখের আশাতেই অগ্রসর হইতেছেন, দুঃখের আঘাত নে কতদূর ভয়ঙ্কর, তাহা জানেন না, অনুভবও করিতে পারেন না । আপনি অসংখ্যবার দুঃখে অভিভূত হইয়াছেন, সত্য ; কিন্তু মহারাজ ! সংসার্য তদ্ভি-  
ক্ষুণ্ণিত্বও অগ্নিময়, বজ্রও ঐ অগ্নি ভিন্ন আব কিছুই নহে । কিন্তু বজ্রের আঘাতে উন্নত গিরিশিখরকেও বিদলিত হইতে দেখা যায় ।”

উভয়েব এইকপ কথোপকথন হইতেছে, এমন সময় দ্বার-  
রক্ষক সেনানী আসিয়া যথাযথ অভিবাদন পূর্বক করপুটে  
নিবেদন করিল,—“ধর্মাবতার . আপনার সাক্ষাৎ বাসনায়  
দ্বারদেশে একজন তপস্বী দণ্ডায়মান ”

“যথাযথ সম্মান সহকারে আনয়ন কর ।” বলিয়া আকিঞ্চর  
আপন আসন হইতে গাএোথান করিয়া তাপসের আগমন  
প্রতীক্ষা করিতে লাগিলেন । বালোররাওও দণ্ডায়মান হইয়া  
দ্বারাভিমুখে একদৃষ্টে চাহিয়া রহিলেন ।

অদূবে অতি উজ্জ্বল মূর্তি ! ভীষণ অথচ প্রশান্ত, গজীর  
অথচ কমণীয়, দেখিলে ভয়ের সঞ্চার হয়, মনে ভক্তিও সঞ্চার  
হয় ;—কমণীয় তাপসমূর্তি ! মস্তক মুণ্ডিত, গলে কজাঙ্ক, ললাটে  
সিন্দূবলেপ, বক্ষে রক্তচন্দন, পরিধান রক্তবসন, বর্ণ আরক্ত,  
নয়নও রক্তবর্ণ, বামকরে দণ্ড, দক্ষিণ কবে আশীর্ব্বাদীয় রক্তবর্ণ  
জবা পুষ্প, আকার নাতিশূল নাতিকুল, সুদীর্ঘ তাপস মূর্তি,—

দীপ্ত দিনকরের ন্যায় শিবির মধ্যে অসিয়া উপস্থিত হইলেন, দেখিয়া ঝালোর সাফাঙ্গে প্রণিপাত করিলেন, আকবরও যথাযথ অভিবাদন করিলেন তাপস আশীর্বাদীক হুক্ত পাঠ করিয়া উভয়ের করে করস্থিত পুষ্প প্রদান করিলেন আকবর বলিলেন, “মহাশয় . আমি যবন, অনুগ্রহ করিয়া যখন যবনগৃহে আগমন করিয়াছেন, তখন যবনদও আসনে উপবেশনে বাধা কি ?”

তাপস । “রাজা সর্বাশ্রমের পালক, আমি অবর্ধোত্ত সন্ন্যাসী, অতএব রাজা আমারও পালক, আমি রাজদত্ত আসনে উপবেশন করিব, রাজদও অনুগ্রহে অনুগৃহীত হইব, তাহাতে বাধা কি ?”

আকবর স্বহস্তে আসন প্রদান করিলে, তাপস উপবেশন করিলেন পরে উইঁারাও আপন আপন আসনে উপবিষ্ট হইলেন ।

আক । “শুনিয়াছি হিন্দু সন্ন্যাসিগণ বিশেষ কোন কারণ ব্যতিরেকে কোন বিষয়ীর আশ্রমে গমন কবেন না, তাহা কি সত্য ?”

তা । “সত্য, আমি যে জন্য আপনার নিকট আসিয়াছি, বলিতেছি শ্রবণ করুন ।

সন্ন্যাসিগণ তীর্থাশ্রমী, তীর্থই তাহাদিগের আশ্রম, তীর্থ পর্য্যটনই তাহাদিগের একমাত্র অবলম্বিত ক্রম । আমিও সেই প্রথা অনুসারে শিব্য-সমভিব্যাহারে পূর্ববর্তী নানা তীর্থ ভ্রমণ করিয়া অবশেষে দ্বারকাভিমুখে যাত্রা করিয়াছিলাম, যাইতে যাইতে পথিমধ্যে দেখিলাম, এক নির্জর্জন কাননে এক অমানু-

যাকার দিব্যমূর্তি তকমূলে অবসন্ন ভাবে আগীন রহিয়াছেন, সহসা এরূপ বিজন কাননে ওরূপ স্কুমার আকৃতির অবস্থান বিন্দুস্তম্ভ অসম্ভব, ভাবিয়া নিকটে গমন পূর্বক জিজ্ঞাসা করিলাম, “আপনি কে? একাকী এরূপ বিজন প্রদেশে উপবিষ্ট রহিয়াছেন?” কোন উত্তর পাইলাম না, পুনরায় জিজ্ঞাসা করাতে সেই পুরুষের আমার দিকে দৃষ্টিপাত করিয়া আমার চরণে প্রতিপাত করিলেন মাত্র, কিন্তু কিছুই উত্তর প্রদান করিলেন না। দেখিলাম তাঁহার দুই চক্ষু জলধারা বহিতেছে, বদন মলিন, আকারও সাতিশয় দুর্বল; বোধ হইল, কয়েক দিবস রীতিমত আহার কি মিত্রা কিছুই হয় নাই। জিজ্ঞাসা করিলাম, “আপনি কে? কেনই বা এই বিজন কাননে এরূপ দুঃখ শোকে মলিনভাবে অবস্থান করিতেছেন? যদি প্রতিবিধানের কোন উপায় থাকে, বলুন, সাধ্যমত চেষ্টার এটি হইবে না।” বহুক্ষণের পর একটী সুদীর্ঘ নিঃশ্বাসের সহিত এই কথাটী মাত্র শুনিতে পাইলাম, “পূর্বে ক্ষত্রিয় ছিলাম, এক্ষণে কে, তাহা জানি না।”

“ইহার কারণ কি?”

“বিধাতা বলিতে পারেন।”

“বাসস্থান কোথায়?”

“অরণ্যে।”

“পূর্বকার বাসস্থান?”

“চিত্তোরে।”

“আপনি কি রাজবংশের কেহ হইবেন?”

“ছিলাম বটে।”

“এক্ষণে?”

“বনের বনপশু,—না,—তাহারাও স্বাধীন, তাহাদের অস্ত্র-  
রেও সুখ আছে । এ হতভাগ্যের তাহা কিছুই নাই ।”

“আমরা তপস্বী, আমরাদিগের নিকট প্রকৃত পরিচয়ে বাধা,  
কি ? আপনি বলুন আপনি কে ? সামান্য তপস্বী বলিয়া ঘৃণা  
করিবেন না ।”

“মহাশয় হৃণা থাকিলে কি এ হতভাগ্যের এরূপ দক্ষ হইত ?  
এ নরাধমের ঘৃণা লজ্জা কিছুই নাই, যাত্র আত্ম গ্লানিতেই অব-  
স্থান করিতেছি, আত্ম গ্লানিতেই দক্ষ হইতেছি ; যদি তাহার  
কোন প্রতীকারের উপায় থাকে, বলিয়া দিন, আর এ হত-  
ভাগ্যের পরিচয় জিজ্ঞাসা করিবেন না ; এ নরাধম কুলের  
কুলাঙ্গার । যাহা কখনো হয় নাই, এই হতভাগ্য হইতে তাহাই  
হইয়াছে ;—মহামান্য সূর্য্যবংশে কাপুরুষের অবতারণা এই হত-  
ভাগ্য হইতেই হইয়াছে ;—যুদ্ধে ভয় পাইয়া অরণ্যে পলায়ন,  
বেশ্যার দাস হইয়া রাজ্য পরিত্যাগ, বেশ্যার মোহে মুগ্ধ হইয়া  
শ্রী পূজা পরিহার, আত্মীয় স্বজনের পরামর্শে তুচ্ছ জ্ঞান, প্রজা-  
বর্গের মনে বিরক্তি উৎপাদন এই নরাধম হইতেই হইয়াছে ।  
এ হতভাগ্যের মুখাবলোকন করিবেন না মুঢ় উদয়সিংহ সূর্য্য-  
বংশের চির কলঙ্ক স্বরূপ ।”

“কিরূপে আপনার রাজ্য নষ্ট হইল, যদি বিশেষ গোপনীয়  
না হয়, তাহা হইলে সমূল বৃত্তান্ত শুনিতে আমার নিতান্ত বাসনা  
হইতেছে ।”

“অপবের গোপনীয় থাকিলেও থাকিতে পারে, কিন্তু ক্ষত্রিয়  
যাহা করিবে, তাহা কদাচই গোপন রাখিবে না শুনুন,—যদি  
এই কাপুরুষের কাপুরুষতার বিষয় শ্রবণ করিতে অভিলাষ হইয়া

থাকে, শ্রবণ করুন,”—বলিয়া এই রাজ্যনাশ সংকোপ্ত যাহা যাহা ঘটয়াছিল, সমুদায় বলিয়া বলিলেন, “আপনি তপস্বী-ভ্রমণে শাস্ত্রে বিশেষ জ্ঞান লাভ করিয়াছেন, সন্দেহ নাই ; এক্ষণে আপনার নিকট একটা কথা জিজ্ঞাসা করি।—বলুন দেখি, শাস্ত্রে যে পরকালের কথা আছে তাহা সত্য, না উন্মাদগামী-দিগকে ভীতি পোষণের জন্য শাসনমা? ” বলিয়া আপন-আপনি বলিতে লাগিলেন, “যাহা ঘটবার ঘটবে, তাহাতে ক্ষত্রিয় ভয় করিবে ?”—ঈশ্বর হাম্বু করিয়া পুনরায় বলিলেন, “তাহারই অসংস্থান, না হইলে মনই বা কি জন্য ওরূপ কল্পিত হয় ?”— “প্রকৃত ক্ষত্রিয়ভাব থাকিলেই বা একপা দশা ঘটবে কেন ?” না মহাশয়, আমার কিছুই জিজ্ঞাসা নাই ।

আমি উহার ভাবভঙ্গি দর্শনে কিঞ্চিৎ স্তম্ভ হইয়া বলিলাম, “মহারাজ !—”

“কে মহারাজ ? আকবর মহারাজ,- বিজয় মহারাজ ।—আমি উদয়সিংহ ; না,—আমি উদয়সিংহেব অনুকৃতি, প্রকৃত উদয়সিংহ মরিয়াছে ।”

“সে কি মহারাজ ”

“হঁা উদয়সিংহ মরিয়াছে ”

“আমার সমক্ষে জীবন্ত উদয়সিংহ বসিয়া রহিয়াছেন, অগত উদয়সিংহ মরিয়াছে ?”

“উদয়সিংহ বসিয়া রহিয়াছেন ? -না ।”—“উদয়সিংহ জীবিত থাকিলে, পতি প্রাণ দেবী বহুমতী জীবিত থাকিতেন, পতিরতা সঙ্গীও জীবিত থাকিত, রাজ্য পরের হস্তগতি হইত না, রাজ্যে যবনেও পদার্পণ করিতে পারিত না ।”

“আপনার আকার দৃষ্টিে আহার হইয়াছে বলিয়া, বিবেচনা হইতেছে না, অতএব কিঞ্চিৎ আহারাদি ককন।”

“আহার করিয়াছি।”

“কি আহার করিয়াছেন?”

“সমস্ত প্রজার রক্ত!”—“কই আমি যাহা জিজ্ঞাসা করিলাম, তাহার উত্তর দিলেন না?”

“কি জিজ্ঞাসা করিলেন?”

“পরকালের বিষয়।”

“আপনি জিজ্ঞাসা করিলেন, আপনিই মীমাংসা করিলেন, কই আমার উত্তরের ত প্রতীক্ষা রাখিলেন না?”

“বলুন মহাশয়।” “আমি কি আপনাকে উচিতমত সম্বন্ধনা করি নাই?—আর আমার কিছুই নাই; নমস্কার করি, আশীর্বাদ ককন।”

“আপনি প্রকৃতিস্থ হইয়া পুনরায় রাজ্য লাভ ককন।”

“বিটল ব্রাহ্মণ! আমাদের পূর্বপুরুষ রাজা হরিশ্চন্দ্র কানীতে ঋশানরাজ্য লাভ করিয়াছিলেন, আমাকে কি সেই আশীর্বাদ করিতেছ? আমাকে এই আশীর্বাদ কর, যেন পরকাল মিথ্যা হয়।”

“তাহা হইলে কি হইবে?”

“তাহা হইলে যে অস্ত্রে রাজা উদয়সিংহ সমস্ত ভারতবর্ষকে কম্পিত করিয়াছিলেন, এই সেই অস্ত্র।”—বলিয়া কটি হইতে তরবারি উন্মুক্ত করিলেন, বলিলেন,—“এই সেই অস্ত্র।”

“ও অস্ত্র ত এক্ষণে সেই উদয়সিংহের হস্তেই রহিয়াছে, তবে কেন বিজন বনে নিস্তেজের ন্যায় পতিত?”

“না,—উদয়সিংহের হস্তে নাই।”

“তবে কাহার হস্তে ?”

“আমার হস্তে ”

“আপনি কে ?”

“কাপুরুষ ”

“কাপুরুষের হস্তে অস্ত্র ?”

“হ্যাঁ, তিনি মরিবার সময় আমার হস্তে অস্ত্র দিয়া এই কথা বলিয়া যান,—ক্ষত্রিয়ের অস্ত্র, শোণিত পান না করিলে নিস্তেজ হইয়া যাইবে।”

“কই তাহার কি হইতেছে ?”

“সেই জন্যই ত জিজ্ঞাসা করিতেছি, পরকাল সত্যি না মিথ্যা ?”

“সত্য হইলে কি হইবে ?” — —

“তোমার বক্তৃ পান করাইব।”

“মিথ্যা হইলে ?” —

“আমার রক্ত ’

“আমায় মারিলে ত ব্রহ্মঘাতী হইবেন।”

“কই তোমার যজ্ঞোপবীত কোথায় ?”

“আমি দণ্ডী, যজ্ঞোপবীত পরিত্যাগ করিয়াছি।”

“তবে তোমায় মারিতে বাধা কি ?”

“সত্য, কিন্তু আমার শিষ্য ত যজ্ঞোপবীত পরিত্যাগ করেন নাই।”

“উহাকে মারিব না।”

“তবে আমি সম্মুখ হইতে গমন করি ?”

”হাঁ,—এখনি পলাও, নচেৎ এখনি বধ করিব !”

“আমি চলিলাম,”—বলিয়া ইঙ্গিতে শিষ্যের প্রতি তাঁহার রক্ষাভার প্রদান করিয়া আপনার নিকট আসিয়াছি, এক্ষণে যাহা কর্তব্য বিবেচনা হয়, করুন। আমার বোধ হয়, বিনা রাজ্য দানে তাঁহার চিত্ত কিছুতেই প্রকৃতিস্থ হইতেছে না।”

বাণ “আপনি ব্রাহ্মণ, ব্রাহ্মণের ঘর্ষাই বিশেষ অবগত আছেন, ক্ষত্রিয়ধর্মের বিষয় কিছুই অবগত নহেন। ক্ষত্রিয়, বিশেষ উদয়সিংহ দানলঙ্ক রাজ্য গ্রহণ করিবেন? আপনি যদি তাঁহার হিতাকাঙ্ক্ষী হন, তাহা হইলে বরং তাঁহার মৃত্যুকামনা করুন, রাজ্যকামনা করিবেন না। উদয়সিংহ ত উন্মত্ত হইয়াছেন, তথাপি এ কথা শুনিলে তাঁহারও মৃত্যুদেহে পুনরায় ক্ষত্রিয়ভেজ প্রদীপ্ত হইয়া উঠিবে। তিনি বেশ্যাসক্ত, তিনি কাপুকব; তথাপি যদি এখনো এই ভারতবর্ষে প্রকৃত ক্ষত্রিয় বলিয়া কাহাকে বলিতে হয়, তাহা হইলে একমাত্র উদয়সিংহই সেই ক্ষত্রিয়, অন্যো নয়; উদয় ভিন্ন ভারতে দ্বিতীয় ক্ষত্রিয় নাই। আকবর এক উদয়সিংহ ব্যতিবেকে সমস্ত ভারতবর্ষ জয় করিলেও ইহাকে ভারতের অধীশ্বর বলিয়া স্বীকার করিতাম না, কিন্তু সমস্ত ভারতবর্ষ পড়িয়া থাকুক, এক উদয়সিংহকে জয় করিয়াই হউন আজ্ঞা ভারতের প্রকৃত সম্রাট বলিয়া গণ্য হইয়াছেন। মহাশয়। ও কামনা করিবেন না, যদি তাঁহার প্রকৃত কল্যাণ কামনা করেন, তাহা হইলে তাঁহার মনে যাহাতে বৈরাগ্যের উদয় হয়, তাহারই চেষ্টা করুন।”

অর্কি। “বস্তুত, দানলঙ্ক রাজ্য তিনি কদাচই গ্রহণ করিবেন না।”

ত । “আমারা সন্ন্যাসী, রাজধর্মের মর্ম কিছুই জানি না । তাঁহার অবস্থা দর্শনে যেক্রপ মনে উদয় হইয়াছিল, তাহাই করিতে আসিয়াছিলাম এক্ষণে বুঝিলাম, ঠেবয়িক ইষ্টানিষ্ট-চিন্তা সন্ন্যাসীর নহে ।”

ঝা । ‘আপনারা সরল প্রকৃতি, জগতের সমস্ত পদার্থকেই সরল ভাবে দেখিয়া থাকেন । কিন্তু ঠেবয়িক কার্যা প্রাণালী নিতান্ত জটিল লোকে সহজে পাগল হইতে পারে, কিন্তু পাগলও সহজে পূর্বসংস্কার পরিত্যাগ করিতে পারে না । অধিক কি, আপনি যদি এক্ষণে ঐ উদয়সিংহকে সহজে নগরে আনিতে পারেন, তাহা হইলে শুদ্ধ আপনি কেন, আমিও আপনার সহিত আকবর সাহের নিকট তাঁহার জন্য রাজ্য প্রার্থনা করিব ।’

আকবর ঈযৎ হাস্য করিয়া বলিলেন, “আমি কি উঁহার কথাতেই অস্বীকৃত হইতেছি ।”

ঝালেশ্বরও অনুতপ্ত হৃদয়ে দীর্ঘ নিশ্বাস পরিত্যাগ করিয়া বলিলেন, “আঃ এ সংবাদ শ্রবণাপেক্ষা উদয়সিংহের যত্ন-সংবাদ কেন শুনিলাম না ? আজ চিত্তের অধীশ্বরও উন্নীত হইয়া বনে বনে ভ্রমণ করিতেছেন ”

আক । “মহাশয় কখন যে কাহাকে কি অবস্থা ভোগ করিতে হয়, তাহা কে বলিতে পারে ? বিধাতার অভিলষিত অতি বিচিত্র, মানবের সাধ্য কি যে অনুমান দ্বারা তাহা সহজে অবগত হইবে ? কে স্থির করিয়াছিল, যে, আজ উদয়সিংহকেও একপু অবস্থা ভোগ করিতে হইবে ?—যাউক, ও কথার অধিক আন্দোলন করা কেবল গ্লানিভোগমাত্র !”

ঝা। “বটে, কিন্তু পাষাণে নির্মিত হইলেও তথঃস্বর্গ মনুষ্যের শরীর —সংসার ত্যাগী যতি তপঃশীলকো মায়ায মুক্ত হইতে দেখা যায়। না হইলে কি সম্পর্ক? কেন ইনি সর্বভাগী সন্ন্যাসী হইয়াও উদয়সিংহের জন্য আপনাদের নিকট আসিবেন?”

তা। “মায়া নিঃসম্পর্ক স্থলেও সম্পর্ক জন্মাইয়া দেয়। যতদিন না এই পাপ দেহের অবসান হয়, ততদিন কেহই ঐ কুছকিমীব ছলনা হইতে মুক্তি লাভ করিতে পারে না।”

ঝা। “মহাশয়! উদয়সিংহ এক্ষণে কোন্ অরণ্যে অবস্থান করিতেছেন?”

তা। “এবিষয়ে আমাকে ক্ষমা করিবেন আমি তাঁহার কিছুই উপকাব করিতে পারিলাম না, পরিশেষে তিনি কোথায় আছেন, শত্রুসম্মুখে তাঁহার উল্লেখ করিয়া তাঁহাকে কি অপেক্ষাকৃত অধিক বিপদস্থ করিতেই এখানে আসিয়াছিলাম?”

ঝা। “মহাশয়! আপনি অকারণ কেন ক্ষুব্ধ হইতেছেন?—যাহা হইবার নয়, তাহা কি প্রকারে হইবে?”

তা। “না আমি ক্ষোভ করিতেছি না, কিন্তু তিনি কোথায় আছেন, আপনাদের সম্মুখে কদাচই তাহা বলিতে পারিব না।”

ঝা। “আপনি যাহা ভাবিতেছেন, আকবর সাহ সেরূপ নীচপ্রকৃতি নছেন যখন বংশে জন্ম গ্রহণ করিয়াছেন বটে, কিন্তু প্রকৃত ক্ষত্রিয় রাজ্যব যেরূপ উদার প্রকৃতি, যেরূপ ধর্ম-জ্ঞান, ইহাতে তাহার কিছুই অভাব নাই। আর আমার প্রতি অবিখ্যাসেবও কিছু কারণ দেখিতেছি না, কারণ আমি তাঁহার একজন পরমাত্মীয়।”

তা। “আকবর সাহেবের বেরপ পরিচয় দিলেন, তাহা আমি অনেকের মুখেই শুনিয়াছি, আকার দৃষ্টে অনুভবও করিতে পারিতেছি। কিন্তু আপনার পক্ষে আপনি যাহা বলিলেন, তাহা সম্পূর্ণ অসঙ্গত।”

ঝালোররাও কিঞ্চিৎ অপ্রস্তুত ভাবে বলিলেন, “কেন?”

তা। “তাহার যদি কেহ আখ্যায় থাকিত, তাহা হইলে তাঁহাকে কি এরূপ দুর্দশা ভোগ করিতে হয়?”

আক। “তিনি যদি ইহাঁর পরামর্শ শুনিয়া কার্য্য করিতেন, তাহা হইলে তাঁহাকে কখনই রাজ্যচ্যুত হইতে হইত না, আমার সহিত বিরোধও ঘটিত না।”

তা। “যাহা হইবার হইয়াছে, যাহা হইতে হয় হউক, আমাকে আর ও বিষয়ে অনুরোধ করিবেন না। আমি বিষয়জ্ঞান-বিহীন ভূপত্নী কিম্বে কি ঘটবে, কিছুই বুঝিতে পারিলাম, বুঝিতে চাইও না। চুক্তিপত্র বশত বনপথ অবলম্বন করিয়া অকারণে আক্রান্ত ও আপনাদিগকে ক্লেশ প্রদান করিলাম। এক্ষণে যদি কিছু অন্যায় করিয়া থাকি বা বলিয়া থাকি, মার্জনা করিবেন।”

উভয়ে। “ক্ষমা করুন, আপনার অন্যায় করা দূরে থাকুক, বরং আমরা আপনার এই সাধু উদ্দেশ্য সফল করিতে না পারিতে আপনার নিকটই অপরাধ হইলাম কি করিব, তিনি স্বীকৃত হইবেন না, নতুবা আপনার প্রস্তাবে আমরা সম্পূর্ণ সঙ্গত আছি। এক্ষণে যদি কিছু দোষ ঘটিয়া থাকে, মার্জনা করিবেন। ঝালোর প্রণাম করিলেন, আকবরও যথাযথ অভিবাদন করিলেন।”

তা। “দীর্ঘজীবী হইয়া পরম সুখে রাজ্য শাসন কর।”

আক। “মহাশয় ! আর একটা কথা জিজ্ঞাসা করিতে ইচ্ছা করি।”

তা। “বলুন।”

আক। “মহারাজ উদয়সিংহের সম্ভিব্যাহারে কি কোন স্ত্রীলোককে দেখিলেন ?”

তা। “কই না, তাঁহাকে ত একাকীই দেখিয়াছি তবে যদি আর কোথাও থাকে, তাহা বলিতে পারি না।—আচ্ছা তবে এক্ষণে চলিলাম।”

উভয়ে দ্বার অবধি অনুগমন করিয়া তাপস গমন করিলে পুনরায় আপন আপন আসনে আসিয়া উপবেশন করিলেন

আকবর বলিলেন, “ইহঁাব কথার আভাসে বোধ হইতেছে, মতি ত রাজার সহিত গমন করে নাই।”

ঝালোর দীর্ঘনিশ্বাসসহকারে বলিলেন, “অবশেষে কি উদয়সিংহের এই দশা হইল ?”

আক। “তাহা আর ভাবিয়া কি করিবেন ?”

ঝা। “ভাবিয়া কি করিব, সত্য কিন্তু শুনিয়া অবধি অত্যন্ত কষ্ট হইতেছে।” শিবিরের বহির্ভাগে দৃষ্টিনিষ্কপ করিয়া বলিলেন, “বেলাও অধিক হইয়াছে আপনি স্নানাদি করুন। আমিও গৃহে গমন করি। বোধ হয় অল্পই আপন রাজ্যে গমন করিব। এখানে আর কিছুতেই মন স্থির হইতেছে না।”

আক। “অদ্যই কি যাওয়া স্থির করিলেন ?”

ঝা। “আর এ শূন্য নগরিতে থাকিতে পারিতেছি না।”

আক। “আমিই যা কি করি ? সহজে যে গতির কোন অনু-

সন্ধান পাওয়া যায়, তাহা ত বোধ হইতেছে না আচ্ছা ইহার ভিতর বিজয়ের কি কোন দুষ্টি অভিসন্ধি আছে ?”

ক। “আপন র উপর বিজয়ের দুষ্টি অভিসন্ধি ? ববৎ সূর্য্যোবও পশ্চিমে উদয় সম্ভব কিন্তু আপনাব সহিত বিজয়ের দুষ্টিতা ? —এক সম্ভাবিত ?”

অ ক। “হ’হ হউক দুই একদিং অনুগতান করিয় দেখা যাউক, অবশেষে না পাওয়া যায় ত আর কি করিব ? কায়েই আমাকেও যাইতে হইবে তবে নাম খাঁব নিকট বিশেষ অপ্র-  
স্তুত হইতে হইল দেখিতেছি।—আচ্ছা তবে একে আনুন ”

উভবে আসন হইতে গাঞোথান পূর্বক শিবির দ্বারে আসিয়া পরস্পর শিফাচার প্রদর্শনের পর ঝালোর আপন অশ্বে আরোহণ করিলেন আকবরও আপন শিবিরে প্রবেশ করিলেন ।

### চতুর্থ স্তবক

“বালে বীঃ যুগ্মবশামেব মলমুপদর্শয়িমাতি ”

যুগ্মবশামেব ।

বেলা দুই প্রহর উত্তীর্ণ হইয়াছে, ঝালোররাও আহারাদি সমাপন করিয়া আপন শয়নে উপবেশন পূর্বক প্রতিক্রমে টেচৎ সিংহের আগমন প্রতীক্ষা করিতেছেন। “বাত্রি থাকিতে টেচৎসিং শকটে আরোহণ করিয়াছে, মধ্যাহ্ন উত্তীর্ণ হইল, অথচ ত্রিখনো দেখা নাই, কারণ কি ? পথে কি কোন বিঘ্ন ঘটিল ? না,—

টৈচৎসিং তাঁদৃশ নিৰ্বেশ্য নহে, সাধাৰণ্য বিপদে যুগ তাঁহাকে  
অভিভূত কৰিবে, একপ বোধ হয় না কিন্তু কাৰ্য্যটীও সহজ  
নহে, প্রকাশ হইলে বিজয়ের নিকট যাব পর নাই বিশ্বাসঘাতক,  
হইতে হইবে ” ঝালোররাও নিৰিচ্ছমনে উহাই চিন্তা কৰিতে  
ছেন সহসা গৃহের বহিৰ্ভাগে পদশব্দ হইল, ঝালোরের আশ্রা-  
সের সহিত টৈচৎসিংই অসিয় গৃহ মধ্যে উপস্থিত হইলেন ।

ঝালোররাও টৈচৎসিংকে দেখিয়া শঙ্কিতমনে জিজ্ঞাসা  
করিলেন, “এত বিলম্বের কাৰণ কি ?”

টৈচ : “নগরের সীমা পর্য্যন্ত সন্ধে গমন করিয়া শকট  
দৃষ্টির বহিভূত হইলে আমি আগমন করিতেছি ।”

ঝা : “পথে তু কেহ চিনিতে পারে নাই ?”

টৈচ : “কাহাকে চিনিবে ?”

ঝা : “ওমরাওকে ?”

টৈচ : “স্ত্রীবেশ, অবগুণ্ঠনে বদন আবৃত, কে চিনিবে ?—  
বিশেষ, কেহ আমাদিগকে কোন কথা জিজ্ঞাসাও করে নাই ।”

ঝা : “ওমরাওকে বিশেষ সাবধান করিয়া দিয়াছ ?”

টৈচ : “ইয়া, শকট নগরের সীমা পার হইলে আমি  
ওমরাওকে গোপনে আনিয়া কথামত স্ত্রীবেশ ঘোচন পূৰ্ব্বক  
বলিলাম, পথে কি নগরে কেহ পরিচয় জিজ্ঞাসা করিলে সত্য  
পরিচয় কদাপি প্রদান করিও না । যতদিন না আমরা যাই-  
তেছি, তত দিন অধিক লোকের সহিত আলাপাদিও করিও  
না, দেখিও যেন কাহারও সহিত কদাপি কলহ উপস্থিত না  
হয় । শান্তভাবে সকলের সহিত কথাবার্তা কহিবে, শান্ত-  
ভাবেই সকলের সহিত ব্যবহার করিবে । যাহাদিগের নিকট

ক্ষমা থাকিতে হইবে, তাহার যাহাতে তোমাকে বিশেষ স্নেহ করে, একপ করিও । নগর ছাড়িয়া কদাপি অন্যত্র যাইও না । তোমার শত্রু পদে পদে, সাবধান ! আমার বাক্যের যেন অন্যথা-চরণ না হয় ”

ঝা । “উত্তম করিবাছ । এক্ষণে আশাদিগের সেই কপট সন্ন্যাসী আসিলেই যে এ দিকের যাহা হয়, উদ্যোগ করা যায় ।”

টৈচ । “তিনি কি সন্ন্যাসীবেশে আকবরকে মোহিত করিতে পারিয়াছিলেন ?”

ঝা । “আকবরের কথ দূরে থাকুক, তাঁহার চতুরতায় আমি অবধি মোহিত হইয়াছিলাম ।”

টৈচ । “আপনিও কি আকবরের শিবিরে গমন করিয়া-ছিলেন ?”

ঝা । “হাঁ, তাঁহার পত্র লইয়া তাঁহার অনুচর আমাকে লইতে তাহা সিয়াছিল ।”

টৈচ । “লইয়া গাইবার কারণ কি ?”

ঝা । “বোধ হয় মতিসংক্রান্ত কোন বিশেষ কথা জিজ্ঞাসার জন্য ”

টৈচ । “তাহার কি হইল ?”

ঝা । “এখনো ধূর্তপনা শিথিতে আকবরের বহু দিন বিলম্ব আছে ।—হাঁ, তাঁহার আরো একটা উদ্দেশ্য ছিল বলিয়া বোধ হইল ।”

টৈচ । “কি ?”

ঝালোররাও হাসিতে হাসিতে বলিলেন, “আমাকে ‘তাঁহার’ মস্তিষ্কপদে অভিষেক !”

টৈচ । “কি ছুর্কৃদ্ধি . রাজ্যের প্রথম সোপানে পদার্পণ করিতে না করিতেই এতদূর আশা !”

ঝা । “টৈচসিং . উপহাস করিও না, এই কয়েকদিনে, আকবরের যেরূপ প্রকৃতি যেরূপ বুদ্ধিমত্তা দেখিলাম, দেশেরও যেরূপ অবস্থা দেখিতেছি, তাহাতে ঐ পদ কিছুদিন পরে বোধ হয় আমাদের প্রার্থনীয় হইয়া উঠিবে ।”

টৈচ । “আমরা জীবিত থাকিতে ?”—

ঝা । “থাক, এখন আর কোন কথার আবশ্যক নাই । তুমি মন্ত্রির সেই সঞ্চিত অর্থ হইতে বহুমূল্য রত্নগুলি আপনার আয়ত্তমত করিয়া রাখ । ওগুলি রাজ্যে লইয়া যাইও এবং সাবধানে গোপনে কোন স্থলে রাখিয়া দিও । বোধ হয় নগরে যাইতে আমাদের কয়েকদিন বিলম্ব হইতে পারে ।”

টৈচ । “কতদিন বিলম্ব হইবে বোধ হয় ?”

ঝা । “এখন বলিতে পারি না ।”

উভয়ের কথোপকথন হইতেছে, এমন সময় সেই তাপস আসিয়া গৃহে পবেশ করিলেন

ঝা । “একি ? সে তাপস বেশ কোথায় ?”

তা । “অপনোত হইয়াছে ।”

ঝা । “দণ্ডীর দণ্ড ?”

তা । “তাঁহাও দূর হইয়াছে ।”

ঝা । “বস্তুত দণ্ডীর বেশে আপনাকে দেখিতে বড় সুন্দর দেখায়, এমন কি, সহসা দেখিবামাত্র আমারও ভক্তির উদ্বেক হইয়াছিল । বিশেষ আপনার কথার পারিপাট্যে, উদয়সিংহের অবস্থার প্রতি আমারও মধো মধো ভ্রম জন্মাইয়াছিল । যাহা

হউক, ভাগ্যে আপনি আসিয়াছিলেন ? নতুবা এ কার্য্য আর কাহারও দ্বারা কদাচই একপ হইত না । এদেশের অন্য কাহারও এরূপ বেষে উদয়সিংহের নিকট যাইতে সাহসও হইত ন, হইলেও বোধ হয় তিনি চিনিতে পারিতেন । তিনি চিনিতে পারেন আর নাই পারেন, কিন্তু আকবরকে এরূপ বিমোহিত করিতে অন্য কোন ব্যক্তি পারিত কি না সন্দেহ । আকবরও মন্দ চতুৰ নহেন । আমি অনেক বার উহাকে আপনার প্রতি বিণেব লক্ষ্য করিতে দেখিয়াছি ।

তা “হ্যা, আমিও তাহা লক্ষ্য করিয়াছি, কিন্তু উহা কি সন্দেহ প্রযুক্ত, না ভক্তিভাবে ?”

বা “আমার ত সন্দেহই বোধ হয় । তবে বলিতে পারি না, সন্দিক্ত মনে সহজেই সন্দেহ উপস্থিত হইয়া থাকে !”

তা । “সম্ভব, কিন্তু আমি ত উহার মুখে পসরুতাব ভিন্ন অণুমাত্রও সন্দেহভাব লক্ষ্য করি নাই ।”

বা । “যাহা হউক কার্য্যটি মন্দ হয় নাই ”

তা । “আপনার চতুৰতার ফল কখনো মন্দ হয় নাই, আজ কি নিমিত্ত হইবে ?—তাহা হউক, আপনার যাহা যাহা করিবার কথা ছিল সমুদায় স্থির হইয়াছে ”

বা । “সমুদয় প্রস্তুত, তথাপি সন্ধ্যার পব উপবেশে এক এক বার প্রধান প্রধান ব্যক্তিগণের সমীপে যাইব স্থির করিয়াছি ।”

তা “উত্তম পরামর্শ করিয়াছেন, তাহাতে সকলের আরো বিশেষ নির্ভর হইবার সম্ভাবনা ।—আপনার নিজ রাজ্যে পুনর্গমনের বিষয় কি বিজয়ের সহিত বলা হইয়াছিল ?”

ঝা। “হাঁ বলিয়াছিলাম, অথ রাত্রিতেই যাইবার বিষয়েও তাঁহার মত করিয়াছি। তবে একবার আকবরের সহিত সাক্ষাতের বাসনা আছে। এতক্ষণ যাইতাম, কেবল আপনার সহিত সাক্ষাতের জন্যই অপেক্ষা করিতেছি।”

তা। “বিজয়ের নিকটে যাওয়াতেই আমার আসিতে বিলম্ব হইয়াছে।”

ঝা। “কেমন বিজয়ের মনোভাব কিরূপ বুঝিলেন?”

তা। “অব্যবস্থিত চিত্তের মনোভাবলক্ষ্যের মধ্যেই নহে। তবে এক্ষণে রাজার একপা কল্পিত অবস্থা শ্রবণে তাঁহাকে রোদন করিতেও দেখিয়াছি, এইমাত্র।”

ঝা। ‘একপা কর তে বোধ হয়, বিরাগেব কারণ উপস্থিত হইলেও সহসা বাজার প্রতি কাহারো তাদৃশ চিত্তবিকৃতি উপস্থিত হইতে না পারে।’

তা। “ঐ জন্যই ত একপা কার্যের অনুষ্ঠান, তাহার পর বিধাতার অভিকৃতি, তাঁহার মনে বাহা আছে তাহাই ঘটবে।”

ঝা। “রাত্রিতে সৈন্য সমেত গোলোঘোণের সহিত গমন করিলে এ নগরবাসী জনগণের গমনের বিশেষ সুবিধা হইবে, আমাদের সহিত ত হাদের গমন তৎকালে কেহই অনুধাবন করিতে পারিবে না। এই জন্য আমি যে অথ রাত্রিতে গমন করিব, ইহা নগরবাসী সর্বত্রই প্রায় প্রচার করিয়া দিয়াছি। তাহার পর, আমরা এক দিকে, টেংসিং অন্য দিকে গমন করিবে।”

তা। “কিন্তু এখন যতই কেন গোপন করুন না, পরে ঐ কথা কখনই অপ্ৰকাশ থাকিবে না, বিজয়ও আপনার প্রতি সন্দেহ করিতে ক্রটি করিবেন না।”

ঝা । -“করেন ককন, ত হাতে ক্ষতি বোধ করি না বিজ্ঞ-  
য়কে বুঝান বড় কঠিন ব্যাপার নহে । কিন্তু যাহার ভয়ে ভয়,  
সেই আকবরকে গর হইতে পাঠাইতে পারিলেই নিশ্চিত  
হওয়া যায় রাজ্য যে নিঃসহায়, নতুবা আকবরকেই বা ভয়  
করিতে হইবে কেন ? আচ্ছা, অচ্যুতার কোশলে আকবরের  
মন অনেক শাস্ত্রমত বোধ হইল না ?”

তা । ‘বিশেষ আপনার সময়মত কথার কোশলে  
উহার চিত্তবৃত্তি অনেকাংশে অবনত হইয়াছিল ।—তবে যব-  
নের মন,——’

ঝা । “বিশ্বাস নাই, —একগে যাহাতে উহার কল্যাণে দিল্লী  
অভিমুখে গমন করা হয় তাহাতে একটু বিশেষ চেষ্টা পাঠাইতে  
হইবে সেই অভিপ্রায়েও আমার উহার নিকট গমন ”

তা । “আকবর কি এখন যাইবেন ?”

ঝা । “প্রাতে ত বাইবার কথা তিনি আপন মুখেই  
বলিয়াছেন ।’

তা । “তবে আপনি সত্বর সেখানে গমন ককন । আক-  
বর দিল্লী অভিমুখে যাত্রা করিলে আর কোন বিপদেরই আশঙ্কা  
থাকিবে না ।”

ঝা । ‘দেখি ! তুমি গমনোপযোগী সমস্ত আয়োজন  
কর, আর আপনিও শিবিরে গমন করিয়া সৈন্যাদিগকে গমন  
জন্য প্রস্তুত ককন ; যেন রাত্রি এক প্রহরের পরই এখান  
হইতে বাহির হইতে পারা যায় ।’ বলিয়া তিন জনেই গৃহ  
হইতে বহির্গমন পূর্বক আপন আপন কার্যে গমন করিলেন ।

পাঠক ! যিনি এতকণ মন্থাবেশে ঝালোরের সহিত মন্থা

করিতেছিলেন, ইনিই সেই বনের বনবাসী তপস্বী, ইনিই সেই আকবর-শিবিরের দণ্ডধারী সন্ন্যাসী; ইনি ঝালোরের প্রধান মন্ত্রী, ইহঁাব হস্তে রাজ্যভার প্রদান করিয়া ঝালোর এত দিন নিশ্চিন্তে চিত্তোরে বাস করিতেছিলেন। চিত্তোরে যুদ্ধের সম্ভাবনা দেখিয় ঝালোর উর্হাকে সৈন্য সমেত আসিতে সংবাদ লিখেন, তাহাতেই এ রাজ্যে আগমন কবিয়াছেন। রাজার মন্ত্রির সহিত পলায়ন সময়ে ঝালোরের আদেশে তাপসবেশে ইনিই গোপনে তাঁহাব অনুগামী হন এবং সে বেশে যাহা কর্তব্য বিশেষ চতুর্ভতার সহিত তাহাও সমাধা করেন। সে কার্য শেষ হইয়াছে, সে বেশও পবিত্যাগ করিয়াছেন। এক্ষণে মন্ত্রীর কার্য আবশ্যিক, পরিষ্কৃত মন্ত্রিবেশেই পরিচ্ছন্ন। পূর্বকার অবস্থান ঝালোরের ভবনে, এক্ষণকার অবস্থান যুদ্ধানে প্রয়োজন, সেই ধানে। বনে তপস্বী, নগরে সন্ন্যাসী, ভবনে মন্ত্রী, কিন্তু এই মন্ত্রীতাবই ইহার প্রকৃত অবস্থা, এই মন্ত্রীবেশই ইহার প্রকৃত বেশ। বনের তাপসশিষ্য ইহঁাবই বিশ্বস্ত অনুচর,—বনেই অবস্থান করিতেছেন এবং প্রভুব আদেশমত সাবধানে উদয়সিংহের বক্ষাতেই নিযুক্ত রহিয়াছেন।

— — — — —

## সপ্তম পরিচ্ছেদ ।

সুহৃদ্যবেদ্য বা ৩৩২ পুনঃ ।

লোক ২ : বচনমেতদধিকং শ্রেয়স্তুসপ্তচা ৩৫

বীরচরিতম্

থাকিবার জন্য বনের ননপশুরও নির্দিষ্ট স্থান আছে, পক্ষী-  
রও নির্দিষ্ট কুলাখ আছে, তাহারাও নির্দিষ্ট সময় যথা ইচ্ছা  
তথা অমণ করিয়া বিশ্রামের সময় বিশ্রাম স্থলে শাবকাদি লইয়া  
বিরামস্থখ উপভোগ করে, শান্তির জীবন শান্তির ছায়া-  
তেই অতিবাহিত করে । কিন্তু সামান্য মনুষ্য নয়, চিত্তোরের  
অধীশ্বর উদয়সিংহেরও বিশ্রামের স্থান নাই, বিশ্রামের অব-  
সর নাই,—বিশ্রামেরও ভূমিশ্যায় বিশ্রামেরও শোকসন্তপ্ত  
হৃদয়ে ! সুখশস্যায় শয়নের অভ্যাগ, সুখসেন্য উপভোগ্যে হৃদ-  
য়ের পরিতৃপ্তি, আজ সেই অভ্যাগ কঠিন ভূমিশ্যাতেই অভ্যস্ত  
হইতেছে, সেই পরিতৃপ্তি বনের ফলমূলেই পর্যায়মিত হইয়াছে ।

অবশ্যে তোমার অভিপায় তুমিই বুঝিতে পার, তোমার  
কার্যে তুমিই তৃপ্তিসাভ কর, কখন যে কোথায় কিভাবে অব-  
স্থান করিতেছ, তাহ সামান্য মানবের সামান্য বুদ্ধিতে কি  
অনুমান করিবে ? তুমি এক আকারে নানা বেশ পরিধান  
করিতেছ, এক দেহ নানা বর্ণে রঞ্জিত করিতেছ । তুমি কোথাও  
হাসিতেছ, কোথাও বাঁদিতেছ ; কখনো ভৈরবী, ভীষণ বেশ ;  
কখনো বিলাসিনী বিলাসে আবেশ, তোমার লীলায় তুমিই

মগ্ন রক্ষিচ্ছ, তোমার লীলায় তুমিই খেলা করিতেছ, এই চরা-  
চব বিশ্বসংসার তোমারই উপাসক, তুমিই সমস্ত জগতের  
একমাত্র উপাস্তা । তুমি বিধাতার প্রিয় সহচরী, বিধিব  
কিঙ্করী । রাজার ভবনে তুমিই লক্ষ্মীরূপা, মুনির ভণ্ডোবনে  
তুমিই সিদ্ধিধরূপা, তোমার লীলার বিচিত্র ভাব, সেই বিচিত্র  
ভাবেই তোমার অবস্থান ।

বিলাসিনি ! তোমার সে বেশ এক্ষণে কোথায় ? যে বেশে  
এক দিন উদয়সিংহের অঙ্কশায়িনী হইয়াছিলে,—উদয়সিংহের  
হৃদয় মন মোহন করিয়াছিলে, সে বেশ কোথায় ? রাক্ষসি ! সেই  
তুমি, এখন কিরূপে এমন ভীষণ বেশ ধারণ করিলে ? কি করিয়াই  
বা তোমার জীবনেরও জীবন শোষণে প্রবৃত্ত হইলে ? নিষ্ঠুরে !  
এই কি স্ত্রীস্বভাবের পরিচয় ? —উদয়সিংহ সুসমৃদ্ধ চিত্তো-  
রের অধীশ্বর, আজ তাঁহারও এই রাত্রিতে এই বিজন কাননে  
জীর্ণ কুটীরে অবস্থান, কোথায় সেই স্বর্গের পর্গ্যাক ?—কোথায়  
সেই হৃদ্ধফেগনিভা শয্যা ? মৃত্তিকার উপর তাপসশিষ্যের সামান্য  
উত্তরীয়, তাহাতে বাহুমাত্র উপাধানে শয়ন !—এ কি উদয়সিংহের  
উপযুক্ত ? শয়ন-সহচরী সে বিলাসিনীগণ কোথায় ?—মণিময়  
দীপিকার সেই সুস্বিক্ত আলোকই বা কোথায় ? নিবিড় রজনীর  
নিবিড় অন্ধকারে শোকসন্তপ্তচিত্তে আজ উদয়সিংহেরও অব-  
স্থান !— —তাপসশিষ্য নলের উপাখ্যান রামের উপাখ্যান  
প্রভৃতি কীর্তন করিতেছেন, উদয়সিংহ কখনো শুনিতেন, কখনো  
কখনো দীর্ঘনিশ্বাস সহকারে আপন অবস্থার কথাই ভাবিতেন-  
ছেন । মধ্যে মধ্যে বনজন্তুর ভীষণ গর্জন, দৃকপাত নাই ;—  
“আত্মহত্যায় বিষম পাপ ! যদি হিংস্রক বনপশুর আক্রমণে এ

ছুঃখের শমভঙ্গ হয়, তাহা হইলে ইহা অপেক্ষা মঙ্গলের বিষয় আর কি হইতে পারে?" কিন্তু দূরের গর্জন, দূরেই উদয় হইতেছে ; 'আবার সেই দূরেই লয় পৌ গু হইতেছে । নিকটের গর্জন হৃদয়েই অভূদিত, ভীষণ প্রতিশব্দে হৃদয়ই অহত । সহজে হৃদয় বিদীর্ণ হইতে পারে, কিন্তু ক্ষণেকের জন্যও সে গর্জনের নিবৃত্তি হইতে পারে না ।

রাত্রি দুই প্রহর, - তৃতীয় প্রহরও উত্তীর্ণ হইল, তাপসশিষ্য সেই সেই উপাখ্যান কীর্তন করিতে করিতে নিদ্রায় অভিভূত হইয়া পড়িলেন, বনের বনজঙ্ঘরাও বন হইতে দূর দূরান্তে আহাৰ অন্বেষণে বহির্গত হইল, বায়ুও প্রতিহত হইল, নিস্তন্ধ প্রকৃতি নিস্তন্ধভাবে অরণ্যে নগরে সৰ্বত্র সমানভাবে আপন আধিপত্য নিস্তার করিয়া লইলেন । ক্রমে নিদ্রাও আসিয়া অল্পে অল্পে ছুঃখপ্ৰময় আবরণে রাজ্যের নয়ন মন আবরণ করিলেন ।

সময় বহিয়া য য, নিশা শশীর অপেক্ষায় অর কতক্ষণ থাকিবেন, ভাবিতে লাগিলেন, - শূন্যের তারকা শূন্যমানে শূন্য আলয়েই সময় ক্ষেপ করিতে লাগিল, জলের কুমুদিনী জলেই লজ্জা আবরণ করিল । চন্দ্রমা ক্ষীণশরীর, - কলামাত্র অবশিষ্ট, মাত্র দেখা দিবার আশয়েই গগনাঙ্গনে আসিয়া পদার্পণ করিলেন উষাও রঙ্গ দেখিবার মানসে বেশগৃহে বেশ রচনায় প্রবৃত্ত হইলেন

রাত্রি অল্পমাত্রাবশেষ, - সহসা উদয়সিংহের নিদ্রাভঙ্গ হইল, তাপসশিষ্যও চমকিতভাবে উঠিয়া বসিলেন । উদয়সিংহ জিজ্ঞাসা করিলেন, - "কোন কি গোলোযোগ শুনিতে পাইতেছ ?"

তা-শি । “হাঁ, এই রাত্রিতে এই বিজন কাননে এরূপ কলরবের কারণ কি ?”

উদ । “কিছুই ত বুঝিতে পারিতেছি না ।”

কলরব ক্রমশই নিকটবর্তী,—অশ্বের পদধ্বনি,—লোকের কোলাহল—ক্রমে কুটার সম্মুখে আসিয়া উপস্থিত হইল । “যাহাই হউক” ভাবিয়া উদয়সিংহ নিকোষিত অসি হস্তে বাহিরে আসিয়া দণ্ডায়মান হইলেন ।

“কে ও মহারাজ উদয়সিংহ ?”

উদ । “হাঁ ভাবিলেন,—“কণ্ঠস্বর পরিচিত, ইহারা কে ?—এমন সময় এখানে আসিয়া উপস্থিত হইল ?” কিয়ৎক্ষণের পর অনুমান দ্বারা স্থির করিয়া বলিলেন, “কেও ঝালোররাও ?”

ঝা । ‘হ্যাঁ মহারাজ ! আমিই সেই নরাদম, যাহার জন্য আপনার রাজ্য নাশ, বনে বাস হইয়াছে, আমিই সেই নরাদম ! বনেও নিস্তার নাই, আবার এখানেও আপনাকে বিরক্ত করিতে আসিয়াছি !’

উদ । “এখানে কি প্রয়োজন ?”

ঝা । “আর কিছুই নয়, শুদ্ধ আপনাকে দেখিবার বাসনা ।”

উদ । “হাঁ, আমি দেখিবার পদার্থ বটে, নগবে,—লোকালয়ে কাপুরুষের দর্শন অতি দুর্লভ !—ইহারা সকলেই কি আমাকে দেখিতে আসিয়াছেন ?”

ঝালোররাও নীরবে নিস্তব্ধ হইয়া রহিলেন ।

অনুষঙ্গিকগণ । ‘না মহারাজ, আমরা দেখিতে আসি নাই । আমাদের পিতা আমাদের আশ্রয়দাতা যেখানে রহিয়াছেন, আমরা সেইখানেই আসিয়াছি, সেইখানেই থাকিব,

তাঁহার পক্ষেই আশ্রয় লইব, —এই জনাই আসিয়াছি, দেখিতে আসি নাই। এই দেখুন, স্ত্রীপুত্র পরিবার সমেত আমরা নগর পবিত্র্য গ করিয়া আসিয়াছি, আপনি অরণ্যে থাকেন, অরণ্যই আমাদের নগর। পর্কতে থাকেন পর্কতেই আমাদের সর্গ-পুত্রী! আমরা আপনার, —আপনার নিকটেই আসিয়াছি, আপনার নিকটেই থাকিব, আপনাকে ছাড়িয়া কদাচই যাইব না।”

উদ। “ঝালোব। এ কি?”

ঝা। “আমি কিরূপে জানিব, আপনার প্রজা, —আপনার পুত্র আপনার নিকটে আসিয়াছে, আমি কিছুই জানি না।”

উদ। “প্রজাগণ, তোমাদিগকে এ দুর্ভিক্ষ কে প্রদান করিল?”

প্রজা। “দুর্ভিক্ষই হউক আর সদুর্ভিক্ষই হউক, যাহা করিবার করিয়াছি, প্রাণে মরিতে হয় তথাপি কাছারও কথা শুনিব না।”

উদ। “বিজয় আমার সহোদর, তাঁহার অবমাননায় কি আমার অপমান হইবে না?”

প্রজা। “আমরা শাস্ত্র জানি না, জানিতেও চাহি না। আমাদের যেকপ মনে উদয় হইয়াছে, সেইরূপই করিয়াছি। আমরা আপনাকেই জানি —আপনার নিকটেই থাকিব, বিজয়কে জানি না, —তাঁহার নিকটেও থাকিব না, তিনি আপনার সহোদর, —সহোদরের প্রতি যেকপ ব্যবহার করিতে হয়, আপনিই করুন, আমরা করিব না। তাঁহার রাজ্যে থাকিব না, তাঁহাকে রাজা বলিয়াও স্বীকার করিব না। যাহারা কবে, তাহারা স্মৃথে তাঁহার রাজ্যে অবস্থান করুক, আমরা থাকিব না।”

উদ। “পুত্রগণ। এই বেশ্যাসক্ত নরাধমের হস্তে একবার রক্ষাভার প্রদান করিয়া তোমাদিগের যাহা ঘটবার ঘটয়াছে, আর কেন সেই ইন্দ্রিয়সেবী কাপুকষের হস্তে আত্ম সমর্পণ করিতেছ? যাহার বেশ্যার জন্য তোমরা ধনে প্রাণে নষ্ট হইলে, সে একবার তোমাদিগের প্রতি দৃকপাতও করিল না, আপন জীবন লইয়া পলায়ন করিল; আবার সেই ছুরাওয়া কৃতঘ্নের হস্তে রক্ষাভার! আমি তোমাদিগকে বিনয়ের সহিত বলিতেছি, যদি মঙ্গল চাও, তবে বিজয়ের রাজ্যে গমন কর এ নরাধমকে আর বিশ্বাস করিও না। তোমরা যে বিশ্বাসে আমার করে আত্ম সমর্পণ করিতেছ, সে বিশ্বাসের পদার্থ আর আমাতে নাই, উদয়সিংহই আর সে উদয়সিংহ নাই, এ নরাধম কাপুকষের একশেষ, ছুরাওয়ারও একশেষ।”

প্রজা। “যাহা থাকেন, আপনি থাকুন, আমরা আমাদের গের রাজ্য করাই আত্মসমর্পণ করিতে আসিয়াছি, আমাদের রাজ্য করাই আত্মসমর্পণ করিব। সুখে থাকিতে হয়, এইখানেই থাকিব; দুঃখে থাকিতে হয়, এইখানেই দুঃখভোগ করিব; অন্যত্র যাইব না; আপনি যেখানে থাকিবেন, আমরা সেইখানেই থাকিব।”

উদ। “পৃথিবী। স্বিধা বিভিন্ন হও, লুকাইয়া আত্মজ্বালা নিবারণ কর, যাহাদিগের মুখ দেখিলে হৃদয় বিদীর্ণ হয়, যাহারা আমার জন্য প্রাণ দিতেও কুণ্ঠিত নহে, তাহাদিগের রক্ত শোষণ করিয়া এখানে পলাইয়া আসিয়াছি!—বৎসগণ। এখনো নিরস্ত হও, এ নরাধম কিছুতেই তোমাদের রক্ষার উপযুক্ত নহে।”

প্রজ্ঞা । “ভগবতি যামিনি ! তুমি সাক্ষী, বনদেবতে । তুমি সাক্ষী, আমরা যাহাঁর প্রজ্ঞা যাহাঁর পুত্র, তাঁহাকে পাইয়াছি, তিনি যাহাঁই হউন, আমরা তাঁহার করেই আত্ম সমর্পণ করিমি।”—বলিয়া প্রজ্ঞাগণ দলবদ্ধ হইয়া সেই বনভূমিতেই উপবেশন করিল ।

উপ । “হায় ! সুখপূর্ণ অউল্লিক স্কল যাহাদিগের বাসের উপযুক্ত, এই অপরিচ্ছন্ন বনভূমি কি তাহাদিগেরই বাসের জন্য নির্দিষ্ট হইল ? এই এক হতভাগ্য নরাধম হইতে যাহা হইবার নয়, তাহাই হইল, যাহাদের কুলকামিনীগণ জন্মেও অরণ্য কিরূপ, নয়নগোচর করে নাই, আশা হইতে তাহাদেরও আত্ম অরণ্যে বাস হইল ? পাপিষ্ঠ, নরাধম ! এক বেশ্যার মোহে মুগ্ধ হইয়া আপনাকেও উৎসন্ন করিলি ? প্রজ্ঞাগণকেও বিনষ্ট করিলি ? বৎসগণ ! এই হতভাগ্য কিছুতেই তোমাদিগের রক্ষাভারে উপযুক্ত নহে । যে ছুরাশ্রয় অসংখ্য প্রজ্ঞার বিনিময়ে আত্মজীবন,—বেশ্যার জীবন রক্ষা করিয়াছে, সেই নিষ্কৃত পশুর অরণ্যই বাসস্থান ! তোমরা মনুষ্য, কোন মতেই এ স্থান তোমাদের বাসের উপযুক্ত নহে । ভগবতি উষে ! তুমি যে ভাবে আছ, সেই ভাবেই থাক, আর প্রকাশ হইও না, ছুরাশ্রয় পাপমুখ এই সকল স্বামিভক্ত পুণ্যাত্মাদিগের দর্শনের উপযুক্ত নহে !”

প্রজ্ঞা । “মহারাজ ! যদি এই নরদেহে কেহ স্বর্গসুখ উপভোগ করিতে পারে, তাহা হইলে আমরাই তাহা করিতেছি ; আর ককণ-আবেদনে আমাদিগের সুখিত চিত্তকে দুঃখিত করিবেন না ; আপনি কোন বিষয়ে আমাদিগের নিকট অপরি-

চিত্ত নহেন । যদি পৃথিবীতে ক্ষত্রিয় বলিয়া কোন পদার্থ থাকে, তাহা হইলে আপনিই সেই ক্ষত্রিয় ; রাজ্য বলিয়া কোন পদার্থ থাকিলে আপনিই সেই রাজ্য । জগতে দ্বিতীয় ক্ষত্রিয় নাই, দ্বিতীয় রাজ্যও নাই । আমাদের দুর্ভাগ্য বশত এতদিন আপনার চিত্ত এক সামান্য মোহে আচ্ছন্ন ছিল, এক্ষণে আমাদের সে দুর্দৃষ্ট অপনীত হইয়াছে,—আপনারও সেই মোহের আচ্ছন্নতা বিদূরিত হইয়াছে ! মধ্যাহ্নের মধ্যবরণযুক্ত, তাঁহার কিরণে যে এক্ষণে আমাদের দুর্ভাগ্য অপনীত হইবে না, এ কথা অসম্ভব ! আমরা আপনার, অপরের নহি,—আপনার, আপনারই থাকিব ; বনে, জলে, পর্বতে যেখানে থাকেন, আপনারই থাকিব !”

উদ । “আঃ—আর পারি না,—বিধাতার অভিলষিত, যাহা ঘটতে হয়, দটুক !”—বলিয়া সেই অপরিচ্ছন্ন বনভূমিতেই উপবেশন করিলেন । প্রজাগণ উষতস্বরে জয়ধ্বনি করিয়া উঠিল ।

সেই অতু্যত জয়ধ্বনের সঙ্গে সঙ্গেই এক অস্বারোহী পুরুষ রাজার সম্মুখে উপস্থিত হইয়া অশ্ব হইতে অবরোহণ পূর্বক আপন বহির্বেশ উন্মোচন করিলেন :—

সমুদ্ভুল বেশে সুবেশিত কামিনী-মূর্তি !—বিমল কিরণে পরিপূর্ণিত পূর্ণচন্দ্রমার পূর্ণ কান্তি ।—সজলনয়নে রাজার চরণে প্রণিপাত করিয়া করপুটে বলিলেন, “মহারাজ, এ অভাগী গীরে এ অবস্থাও দেখিতে হইল, আজ চিতোরের অধীশ্বর মহারাজ উদয়সিংহের রত্নসিংহাসনের পরিবর্তে কি এই মূর্তিকাসন ? আজ রাজ-অঙ্গ কঠিন মূর্তিকার উপরে বিন্যস্ত ?—

অপরিচ্ছন্ন বনুভূমিতে নিহিত ? উঠুন, অভাগীর হৃদয় থাকিতে  
কঠিন মৃত্তিকায় কেন ? আমি হৃদয় পাড়িয়া দিই, আমার  
প্রাণেশ্বর আমার হৃদয়ে আসিয়া উপবেশন করুন !” বলিয়া  
রাজীর করধার পূর্বক উত্তোলন করিলেন ।

রাজী ! “সঙ্গ ! --হতভাগীর জীবনধন সঙ্গ !—ব্যভি-  
চারিণী ফুলটার কুত্বেকে পাড়িয়া শতবার সহস্রবার যাহার  
অপমান করিয়াছি, সেই সঙ্গ !—প্রাণের জীবনী শক্তি উদ-  
য়ের হৃদয়ের ধন ! হৃদয়ে আইস !” বলিয়া সঙ্গারে আপন  
বক্ষস্থলে লইয়া বলিলেন,—“প্রিয়ে ! এ কাপুকুয়ের দেহ কি  
তে মার স্পর্শের উপযুক্ত ?—বেশ্যাসংসর্গে দূষিতদেহ কি পতি-  
ব্রতা স্পর্শ করিবে ?”

সঙ্গ ! “নাথ ! তুমি আমার জীবনের অমূল্য ধন ! তুমি  
আমার পরমারাধ্য পরম দেবতা ! তোমার পবিত্র পদযুগলের  
স্পর্শ যে পুনরায় আমার ভাগ্য ঘটাবে, ইহা আমি অশ্রুও  
প্রাত্যাশা করি নাই আজ আমার আরাধ্য বস্তু আমি প্রাপ্ত  
হইলাম ; -পরিচারিকার সেবার ধন পরিচারিকা প্রাপ্ত হইল ।  
কোমল পদযুগল কঠিন মৃত্তিকায় কেন ?—আমার হৃদয়ে প্রাণ  
কর তাপিত হৃদয় শীতল হউক, হৃদয়ের ধন, হৃদয়ে প্রদান কর !”

প্রজাগণ উল্লাসে পুনরায় জয়ধ্বনি করিয়া উঠিল ।

মা ! “ভগবতি বনদেবতে ! দেবি অন্নদে ! রাজলক্ষ্মী  
পুনরায় রাজার অঙ্কশায়িনী হইলেন, তোমরা আশীর্বাদ কর,  
বনস্পতিগণ রাজমহিষী রাজার সহিত মিলিত হইলেন, তোমরা  
অনুমোদন কর ! সতীর ধন, সতী প্রাপ্ত হইলেন, রাজার ক্রী-  
দায় সঙ্গত হইলেন ! বনলতে ! তুমি তোমার আমোদের

অনুরূপ কোমল কুমুমরাজি রাজপদে উপহার প্রদান করিতেছ, কিন্তু আমার কি আছে যে, আমি আমার অনুরূপ আজ এই যুগলপদে প্রদান কর ?—কিছুই নাই ; তবে বাহার ধন তাঁহার পদেই অর্পণ করিলাম !”—বলিয়া সেই মতির সঙ্কিত অর্থরাশি রাজপদে উপহার প্রদান করিলেন ।

প্রজাগণ বাহার বেরূপ সাধ্য আনিয়া রাজপদে প্রদান পূর্বক আনন্দ-কোলাহলে বনভূমি আকুলিত করিয়া তুলিল ।

পরে ঝালোররাও বাজার নিকট তপস্বী-সংক্রান্ত বৃত্তান্ত ও গোপনে মতির নিকট হইতে অর্থ আহরণের উপায় কীর্তন করিলেন এবং কয়েক দিন সেইস্থলে অবস্থান করিয়া নগরীর কিয়দংশ নির্মাণ করাইলেন । রাজার নামে নগরেব নাম উদয়-পুর হইল ।

তৎপরে রাজার আকিঞ্চনে কয়েক দিবস পরে পুনরায় তথায় আসিতে প্রতিশ্রুত হইয়া আপন মন্ত্রিসমভিব্যাহারে আপন বাজ্যে গমন করিলেন ।

---

প্রথম খণ্ড সমাপ্ত ।



# রত্নাকর ।

অভিনয় কাব্য ।

শ্রীকেশব নাথ বন্দ্যোপাধ্যায় কর্তৃক  
প্রণীত ও প্রকাশিত ।

দক্ষিণেশ্বর ।

শ্রীরামপুর

২১ নং নিউগেট স্ট্রীট—“চন্দ্রোদয় যন্ত্রে”

শ্রীগঙ্গাধর কর্মকার দ্বারা মুদ্রিত ।

বঙ্গাব্দ ১৩০০ ।

মূল্য ৬০ আনা মাত্র ।